

ଶୁଭାଜନୀ କାନାଇଲାଲ

"There shall be no appeal"

"ଆର୍ତ୍ତିଷଞ୍ଜ କହା ଶୈତବ ନା ।"

—କରଣରେଣ୍ଡର ।

ଆମ୍ବାଚଳ ଦେ ଅଣୀତ

কিশোর-সভা, চন্দননগর ।
কোজাগরী পূর্ণিমা, ১৩৫২

প্রকাশক—গ্রন্থকার শ্রীপুঁচন্দ দে
ধাতাপাড়া
চন্দননগর ।

মুদ্রাকর—শ্রীদীপক কুমার চ্যাটাজী
দি নিউ এজ প্রিণ্টিং ওয়ার্কস্
বড়বাজার
চন্দননগর ।

মূল্য—১.৫০ নংপত্তি

উৎসর্গ ও স্তীকৃতি

যে ক্ষণজন্মা যুবকের আঘোৎসর্গ এই গ্রন্থের বিষয়বস্তু, তাহার
উদ্দেশে শ্রদ্ধার্থ্য নিবেদন করিয়া তাহার আম্বাকেই এই গ্রন্থ উৎসর্গ
করিলাম।

পুস্তক প্রকাশ বি. এ. যে সকল দিকে লক্ষ্য রাখিয়া কার্য্য করিতে
হয় তাহাতে অনভিজ্ঞ, বা ফলে পুস্তকখানি ছাপাখানা হইতে নির্দোষ-
ক্রপে বাহির হইতে পারে নাই। এই দোষের জন্ম পাঠকগণের নিকট
ক্ষমা চাহিতেছি।

পুস্তক প্রকাশ বিষয়ে বক্ষুবর শ্রীগদাধর কোলের উৎসাহের জন্ম,
আমার কতিপয় ছাত্রবক্ষুদের সাহায্যের জন্ম এবং প্রবর্জক সম্বৰ্ধে হইতে
শ্রদ্ধার্থ মতিলাল রায়ের ছবির ব্লকখানি ব্যবহার করিতে পাওয়ার জন্ম
আমি তাহাদের সকলের নিকট বাধিত রহিলাম।

গ্রন্থকার

কানাইলালের কার্য্য সম্বন্ধে তদানীন্তন শাসন বিভাগের উক্তি।

The murder of Narendranath Gossain which was committed by persons actually in custody in one of His Majesty's prisons is unique in the history of Bengal.

Bengal administration Report 1908-9

রাজ-কার্বাগারে অবরুদ্ধ অবস্থায় অবস্থিত ব্যক্তিগণদ্বারা
সম্পাদিত নরেন্দ্রনাথ গৌসাইএর হত্যা বাংলার ইতিহাসে এক অপূর্ব
বিশ্বকর ঘটনা।

উদ্বেগ

‘উদ্গমেন হি সিদ্ধান্তি কার্য্যানি ন মনরয়েঃ ।’

“আত্মরক্ষার্থ ও পরের রক্ষার্থে যুদ্ধ ধর্ম, আত্মরক্ষার্থ বা পরের রক্ষার্থে যুদ্ধ না করা অধর্ম। আমরা বাঙালী জাতি শত শত বর্ষ সেই অধর্মের ফল ভোগ করিতেছি।” (বঙ্গিমচন্দ্র চট্টোপাধ্যায়)

“শারীরিক বলই বাহবল নহে। উদ্গম, ঐক্য, সাহস এবং অধ্যবসায় এই চারিটি একত্র করিয়া শারীরিক বল ব্যবহার করার যে ফল তাহাই বাহবল। যে জাতির উদ্গম, ঐক্য, সাহস এবং অধ্যবসায় আছে, তাহাদের শারীরিক বল যেমনই হউক না কেন, তাহাদের বাহবল আছে।

বেগবান অভিলাষ হৃদয়মধ্যে থাকিলেই উদ্গম জন্মে না। যখন অভিলাষ এক্ষণ্প বেগলাভ করে যে তাহার অপূর্ণাবস্থা বিশেষ ক্লেশকর হয়, তখন অভিলম্বিতের প্রাপ্তির জন্ম উদ্গম জন্মে। যখন বাঙালীর হৃদয়ে সেই এক অভিলাষ জাগরিত হইতে থাকিবে, যখন বাঙালী মাত্রেরই হৃদয়ে সেই অভিলাষের বেগ এক্ষণ্প গুরুতর হইবে যে সকল বাঙালীই তজ্জন্ম আলস্তস্তুত তুচ্ছ বোধ করিবে, তখন উদ্গমের সঙ্গে ঐক্য মিলিত হইবে।

সাহসের জন্ম আরও একটু চাই। এই চাই যে জাতীয় স্বর্থের অভিলাষ যখন আরও প্রবলতর হইবে—এত প্রবল হইবে যে তজ্জন্ম প্রাণ বিসর্জনও শ্রেণোবোধ হইবে—তখন সাহস হইবে। যদি এই বেগবান অভিলাষ কিছুদিন স্থায়ী হয়, তবে অধ্যবসায়ও জন্মিবে। অতএব যদি কখনও (১) বাঙালীর কোন জাতীয় স্বর্থের অভিলাষ প্রবল হয়, (২) যদি বাঙালী মাত্রেরই হৃদয়ে সেই অভিলাষ প্রবল হয়, (৩) যদি সেই প্রবলতা এক্ষণ্প হয় যে, তদর্থে লোক প্রাণপণ করিতে

ପ୍ରସ୍ତୁତ ହୟ, (୪) ଯଦି ମେହେ ଅଭିଲାଷେର ବଳ ସ୍ଥାଯୀ ହୟ— ତବେ ବାଙ୍ଗାଲୀର ଅବଶ୍ୱିତ ବାହୁବଳ ହେବେ । ବାଙ୍ଗାଲୀର ଏକପ ମାନସିକ ଅବଶ୍ୱା ଯେ କଥନଓ ଘଟିବେ ନା, ଏକଥା ବଲିତେ ପାରା ଯାଯ ନା । ଯେ କୋନ ସମୟରେ ଘଟିତେ ପାରେ ।”

(ବକ୍ଷିମଚ୍ଚ ଚଟ୍ଟୋପାଧ୍ୟାୟ)

ସଂକେତ

“India should have her own solution of political problems and can have it if she be vital enough to really will to achieve it.”

Is India civilized ? —Sir John woodroffe.

“ନିଜସ୍ଵ ପଥେ ଭାରତବର୍ଷକେ ତାହାର ରାଜନୀତିକ ସମସ୍ତାନ୍ତରିଳିର ସମାଧାନ ପାଇତେ ହେବେ ଏବଂ ଉହା ପାଇବାର ଜନ୍ମ ଯଦି ମେ ତାହାର ସର୍ବଶକ୍ତି ନିଯୋଗ ଫରିତେ କୃତସଙ୍କଳନ ହୟ, ତାହା ହିଁଲେ ନିଶ୍ଚିତକ୍ରମରେ ମେ ତାହା ପାଇତେ ପାଇବେ ।”

(ଭାରତବର୍ଷ କି ସଭ୍ୟ ?— ମାର ଜନ ଉଡ଼ିରକ୍)

ପଥ ?

୧୯୦୬ ମାର୍ଚ୍ଚିଆନ ମନ୍ତ୍ରୀ ଟ୍ୟାଲିପିନେର ବାଗାନ ବାଡୀତେ ଝଣ୍ଣିଆ ବିପ୍ରବକାରୀଙ୍କ ବୋମା କେଲିଯା ଯଥନ କତକଞ୍ଜଳି ଲୋକେର ଜୀବନ ନାଶ କରିଯାଇଲ ତଥନ “ପାଇଓନିଆର” ଲିଖିଯାଇଲେ—

“The horror of such crimes is too great for words and yet it has to be acknowledged, almost, that they are the only method of fighting left to a people who are at war with despotic rulers able to command great military forces against which it is impossible for the unarmed populace to make a stand.”

“এই সকল আইনবিরুদ্ধ কর্মের ভীমণতা এত অধিক যে তামায় তাহা প্রকাশ করা যায় না ; কিন্তু ইহাও একক্রম স্বীকার করিতে হইবে যে, বিরাট সংগ্রাম-বাহিনীর অধিকারী যথেচ্ছাচারী শাসকদিগের বিরুদ্ধে নিরস্ত্র প্রজাদিগকে লড়িতে হইলে এইক্রম পক্ষা অবলম্বন ব্যতীত অন্ত কোন পক্ষা নাই ।”

সমসাময়িক হাওয়া (প্রবাসী, জ্যৈষ্ঠ, ১৩১৫)

পাশব বলের দ্বারা কার্য্যান্বার হইবে না । কারণ পাশববলের বিরুদ্ধে পাশববল প্রয়োগে—ডয়ের বিরুদ্ধে ডয় প্রদর্শনে সমর্থ ও ইচ্ছুক একদল লোক দেখা দিয়াছে । ভীরুতা-অপবাদ-কলঙ্কিত বাঙালীর শাসন কৃশীয় প্রথায় পরিচালিত হওয়ায়, এক শুন্দ দল কৃশীয় রুকমে তাহার জবাব দিতেছে । তাহারা নির্ভীক. মরিতে প্রস্তুত, স্বতরাং কৃশীয় শাসনপ্রথা ভাবতে প্রবলতর ও বিস্তৃততর হইলে তাহার জবাবও ভীমণতর হওয়া অসম্ভব নহে ।

**কুদিরামের ফাঁসী
(প্রবাসী, ভাজ, ১৩১৫)**

কুদিরামের জীবনলীলা সাঙ্গ হইল। আমরা তাহার বিচারক হইবার অযোগ্য। কারণ তাহার কার্য ধর্মবিরুদ্ধ হইলেও, তাহার হৃদয়ে দেশতক্ষি উৎকট বিদেশী হ্রে পরিণত হইলেও, ইহা সত্য যে দেশতক্ষি যেমন করিয়া তাহাকে গ্রাস করিয়াছিল উহা তেমন করিয়া আমাদিগকে গ্রাস করে নাই। তাহার জীবন যেমনই হউক, সে মরিয়াছে বীরের মত।

সূচী

বিষয়	পৃষ্ঠা
কানাইলাল (৩১শে আগস্ট, ১৯০৮)	১
দেশে জাতীয় ভাবের ক্রমবিকাশ ও কানাইলাল	৩
কানাইলালের জন্ম এবং তাহার বাল্য ও ছাত্রজীবন কর্মপ্রস্তুতি ও দেশচর্যা।	১০
কানাইলালের গুরু চন্দননগরের চাঁকচন্দ্ৰ বায়	২৫
কানাইলালের জীবনের ছ'একটি কথা	৪১
কানাইলালের দ্বিতীয় ভগীর নিকট হইতে প্রাপ্ত কানাইলাল সম্বন্ধে ছই একটি কথা	৪৪
কানাইলালের বিভিন্ন প্রাপ্তিযোগ	৪৬
ভারতের স্বাধীনতা	৪৯
কানাইলালের আত্মার উদ্দেশে	৫৩
কানাইলালের অবদান	৫৫
সাধারণ কানাই	৫৮
কানাইলাল কর্তৃক নিহত নরেন্দ্রনাথ গোস্বামী ও তাহার আত্মকথা।	৬০

বিষয়

୧୮

নিবেদন

বিশ্ববর্দ্ধ কানাইলাল দত্তের জীবন-কথা লিখিয়া আমি
তাহা সসঙ্গে প্রকাশ করিলাম। কানাইলালের জীবন-কথা
বলিতে যাইয়া আমি যে সকল বিষয়ের অবতারণা করিয়াছি
তাহা প্রাসঙ্গিক বোধ করিয়াই করিয়াছি। পুস্তকখানি পাঠ
কয়িয়া যদি কোন পাঠক আমাকে কিছু জানানো আবশ্যক মনে
করেন, তবে তাহা আমাকে জানাইলে আমি কৃতজ্ঞচিত্তে তাহা
বরণ করিয়া লইব।

শ্রীপূর্ণচন্দ্র দে

গ্রন্থপ্রকাশ

খণ্টানি — ১৯৬২

চিত্র পরিচয়

- ১। কানাইলাল দত্ত। গ্রন্থ-চরিত্র। আদর্শ বাঙালী যুবক।
ত্যাগ মহিমায় সমুজ্জ্বল দেশমাতৃকার বরেণ্য সন্তান। তন্ত্রবায়।
- ২। চারুচন্দ্র রায়। জন্ম ২ৱা সেপ্টেম্বর ১৮৬৯, মৃত্যু ২৮শে
জানুয়ারী ১৯৪৫। গুণশীল, চরিত্রিবান ও ব্যক্তিত্বসম্পন্ন সুপুরুষ।
দ্বিপঙ্কীক পিতার প্রথমা পত্নীর পুত্র। এলাহাবাদ ইউনিভার্সিটার
এম.এ। জন্মস্থান চন্দননগর। তিনি পুত্র ও তিনি কন্যার পিতা।
বাংলা ও ইংরাজি ভাষায় সুদক্ষ লেখক। সমাজলোভবিরাগী।
ইংরাজি সাহিত্য ও জরিকের সুনিপুণ অধ্যাপক। সুদক্ষ
শিকারী। বৈদ্য।

৩। মতিলাল রায়। জন্ম ৬ষ্ঠ জানুয়ারী ১৮৮২, মৃত্যু ১০ই এপ্রিল ১৯৫৯। জন্মস্থান চন্দননগর। বহু বিপ্লব-পথ্যাত্রীর আশ্রয়দাতা। প্রবর্তক সভ্য প্রতিষ্ঠাতা। সঙ্গে ভগবান আখ্যায় আখ্যাত। রূপবান। বিবাহিত। অল্লবংশে মৃতা এক কন্তার পিতা। স্ত্রী রাধারাণী দেবী সজ্যজননী পদবৃত্তা।

চেতৌ।

৪। পূর্ণচন্দ্ৰ দে। গ্রন্থকার। জন্মস্থান চন্দননগর। জন্ম ৯ষ্ঠ মার্চ ১৮৮৫ খৃষ্টাব্দ।

৫। শ্রীশচন্দ্ৰ ঘোষ। জন্ম ১৮৮৬ (?) খৃষ্টাব্দ, মৃত্যু ২ৱা মে ১৯৪১। জন্মস্থান—বর্দ্ধমান জেলার অনুর্গত সুবলদহ গ্রাম। চন্দননগর বাগবাজার অঞ্চলে অবস্থিত তাঁহার খুল্লতাতের গৃহাশ্রিত। উচ্চশ্রেণীর দেশকম্মী। ৫৫ বৎসর বয়সে বিকৃত-মস্তিষ্ক অবস্থায় আত্মহত্যাকারী। কায়স্থ। কৃষ্ণকায়।

৬। বসন্তকুমার বন্দ্যোপাধ্যায়। জন্ম ৫ই নভেম্বর ১৮৮৬। চারি পুত্র ও চারি কন্তার পিতা। আত্ম-পরামুখ দেশকম্মী। চট্টগ্রাম অস্ত্রাগার লুঠনকারী বিপ্লবীদের চন্দননগরে থাকিবার ব্যবস্থাকারী। কৃতী লেখক। সাম্যভাবভাবী।

— —

কানাইলাল

(৩১শে আগস্ট, ১৯০৮)

বীর কানাইলালের কীর্তিকথায় বঙ্গের প্রতি গৃহ মুখরিত
ও আমোদিত। আপন দলের তথা দেশের বিশ্বাসবাতকের
জৌবনান্তকর দণ্ডের ব্যবস্থা করিয়া এবং সেই ব্যবস্থার লক্ষ্যীভূত
কার্যাটি কৃতকার্য্যতার সহিত সম্পদন করিয়া কানাইলাল
ইহলোক হইতে বিদ্যায় লটয়াছেন। তাহার এই কর্মের
প্রেরণার ভাব তাহার সম্পূর্ণ নিজস্ব না হইলেও, তিনি তাহার
কর্মের প্রতি যে ষোল আনা আত্ম-নিবেদন দেখাইয়া গিয়াছেন
তাহা তাহার নিজস্ব। তারতের উপর বিদেশী শাসনের ভিত্তি
শিথিল করিবার চেষ্টা বহু পূর্বে হইতে চলিয়া আসিতেছিল ইহা
যেমন সত্য, তেমনই ইহাও সত্য যে কানাইলাল যে হাওয়ার
মধ্যে থাকিয়া নিজ কর্ম বাছিয়া লইয়াছিলেন, তাহা তারতের
স্বাধীনতা-যজ্ঞ-সম্পাদনের জন্য একটি বিশেষভাবে সৃষ্টি হাওয়া।
দেশে বিপ্লবাত্মক ঘোরতর অশাস্ত্রির সৃষ্টি করিয়া শাসকবর্গকে
বিচলিত ও আতঙ্ক করিতে এই প্রচেষ্টা যেমন সমর্থ হইয়াছিল,
তেমন আর অন্য কিছুতেই সন্তুষ্পর হয় নাই। ব্রিটিশ শাসক-
বর্গকে তাহাদিগের দ্বারা সম্পদিত বন্ধবঙ্গ ব্যবস্থা প্রত্যাহার
করিতে বাধ্য করিবার জন্য স্বদেশী দ্রব্য ব্যবহার ও ব্রিটিশ পণ্য
বর্জন আন্দোলন যখন প্রবলভাবে দেশে চলিতে লাগিল এবং
এই আন্দোলনের সহিত যখন বঙ্গদেশের আকাশ-বাতাস খৰি

• বঙ্গিমচন্দ্র প্রদত্ত “বন্দেমাতরম” মন্ত্রে ধ্বনিত প্রতিধ্বনিত হইতে লাগিল, তখন শাসকবর্গ অত্যধিক চঞ্চল হইয়া আর মাথা ঠিক রাখিতে না পারিয়া সকল রকম দমননীতির আশ্রয় লইলেন। শাসকবর্গের দমননীতি বার্থ করিবার জন্য বৌর বারীন্দ্রকুমার ঘোষ তাহার সহকর্মীদের সহিত কলিকাতায় মুরারীপুরুর বাগানে (৩২ নং মুরারীপুরুর রোডে) যে নরমেধ ষষ্ঠি আরস্ত করিলেন সেই যজ্ঞের আহ্বানে তাহার সহকর্মী হইয়া সেই যজ্ঞাগ্নিতে কানাইলাল আত্মান করিয়া গিয়াছেন। এই অগ্নি হইতে জীবিতাবস্থায় অনেকে বাহির হইতে পারিলেও কানাইলাল ও আরও কয়েকজনকে আমরা সে অবস্থায় দেখিতে পাইলাম না। আরু কর্মের প্রতি কানাইলালের অগাধ বিশ্বাস ছিল এবং তাহাদের মধ্যে হখন একজন বাঁচিয়া থাকিবার অত্যধিক আকাঙ্ক্ষায় ভ্রান্ত বিনোদী বুদ্ধির আশ্রয় লইল, তখন তাহার ভবলীলা সঙ্গ করিবার জন্য কানাইলাল অতি মাত্রায় বাগ্র হইয়া উঠিলেন এবং সেই ব্যগ্রতার ফলে কলিকাতার আলিপুর জেলে ১৯০৮ খ্রিষ্টাব্দে ৩১শে আগস্ট তারিখে কানাইলাল গেসাই বধ করিয়া ষে অপূর্ব বিশ্বয়কর কাণ্ডের বাস্তব অভিনয় করিলেন তাহা বিশ্বাসীর বিশ্বয় উৎপাদন না করিয়া থাকিতে পারিল না। খ্রান্সের ইতিহাসে ১৪ই জুলাই ষেমন একটি প্রধানতম শ্বরণীয় দিন, বঙ্গদেশের তথা ভারতের ইতিহাসে ঠিক তেমনই শ্বরণীয় দিন এই ৩১শে আগস্ট।

দেশে জাতীয় ভাবের ক্রমবিকাশ ও কানাইলাল

রাষ্ট্রনীতিক জাতীয় স্বাধীনতা আন্দোলনের ইতিহাসে ভারত যে ক্রম অবলম্বন করিয়া বর্তমানে আসিয়া পহুঁচিয়াছে তাহা খুব সংক্ষেপে আলোচনা করিলে দেখিতে পাওয়া যাইবে যে, আমরা বর্তমানে যে-স্বাধীনতা ভোগ করিতেছি ঠিক তাহাটি অর্জন করিবার জন্য দেশকর্মীরা কঠোর পরিশ্রম ও আত্মান করিয়া যান নাই। যে-সর্তে ইংরাজ ভারত ছাড়িয়া চলিয়া গিয়াছেন তাহা যে ভারতের পক্ষে নিছক শুভফল প্রদান করিতে পারিবে না তাহা নিশ্চিত। কিন্তু মানুষের কর্মের পশ্চাতে যে দৈবী শক্তি কার্য করিয়া থাকে, তাহা যদি কোনকালে ভারতের প্রতি একেবারে স্বপ্নসন্ধ হয় তাহা হইলে ভারতের পক্ষে ইংরাজের ভারত পরিত্যাগ সকল দিক দিয়া কল্যাণপ্রস্তু হইলেও হইতে পারে।

বঙ্গভঙ্গ-প্রতিরোধ আন্দোলন অবলম্বন করিয়া দেশের মধ্যে যে স্বাদেশিকতা ও বিলাতীপণ্য বর্জন আন্দোলনের প্রবল জোয়ার আসিয়াছিল সেই আন্দোলনের জোয়ারকে বক্সের বাহিরের তৎকালীন নেতৃবৃন্দ বঙ্গদেশেই আবক্ষ রাখিবার প্রস্তাব ভারতের জাতীয় কংগ্রেসে গ্রহণ করিয়াছিলেন; কিন্তু সে প্রস্তাবকালীন প্রবাহ নিজ বেগে প্রস্তাবগতী অভিক্রুম করিয়া সারা ভারতে প্রবহমান হইয়াছিল। এই আন্দোলন যে উদ্দেশ্যে আরক্ষ হইয়াছিল, পরে সে উদ্দেশ্য সিদ্ধ হইল বটে অর্থাৎ পরে ভগ্ন বঙ্গ

জোড়া লাগিল বটে, কিন্তু ভারতে স্বাদেশিকতার যে মহাতরঙ্গ
সৃষ্টি হইয়াছিল তাহা পূর্ণ জোয়ারে পরিণত হইয়া একেবারে
তাহাকে অপূর্ব তেজস্বিতার উন্নাদনায় পূর্ণ করিয়াছিল।

কবি নবীনচন্দ্র একদিন বাঙ্গালীকে তিরঙ্গার করিয়া
বলিয়াছিলেন—

সাধে কি বাঙ্গালী মোরা চির-পরাধীন ?

সাধে কি বিদেশী আসি দলি পদভরে

কেড়ে লয় সিংহাসন ? করে প্রতিদিন

অপমান শত, চক্রের উপরে ?

স্বর্গ মর্ত্য করে যদি স্থান বিনিময়,

তথাপি বাঙ্গালী নাহি হবে একমত ;

প্রতিজ্ঞায় কল্পতরু, সাহসে দুর্জ্য !

কার্যাকালে খোঁজে সবে নিজ নিজ পথ !

কবি বড় দুঃখেতে এই কথাগুলি বলিয়া বাঙ্গালীকে ধিকার
দিয়াছিলেন। কিন্তু পরে বাঙ্গালী—শুধু বাঙ্গালী কেন, সমগ্র ভারত-
বাসী আর খণ্ড ছিন্ন বিক্ষিপ্ত হইয়া নির্বৈর্যের মত থাকিতে চাহে
নাই। তবে সেজন্ত অমর বীর্যবন্ত “বন্দেমাতরম্”-মন্ত্রদাতা ঝঁঝি
বঙ্গিমচন্দ্রকেও ভারতের স্বাধীনতার জন্য “ধুঁঁয়ার ছলনা” ধরিয়া কত
কাদিয়া ঘাটিতে হইয়াছে। তাহার মুখ হইতে দেশবাসীর মুখে জীবন্ত-
ভাবে “বন্দেমাতরম্” মন্ত্র উচ্চারিত হইতে কিছু সময় লাগিয়াছিল
সত্য, কিন্তু ইহাও সত্য যে এই মন্ত্র দেশময় সাজ-সাজ ভাব
আনিয়া দিয়াছিল। বহু পূর্ব হইতে ভারতসেবক স্বার রংমেশ্বর

দত্ত ও মহামতি গোখেল নানা তথাদি সংকলন করিয়া বৃটিশ জাতিকে বুঝাইতে চাহিয়াছিলেন যে, ব্রিটিশ শাসকবর্গ যে নীতিতে ভারত শাসন করিয়া চলিতেছেন তাহা শুধু ভারতের কেন ইংলণ্ডের পক্ষেও আর্দো শুভফলপ্রদ নহে। ইহার উপর যেদিন ভারতীয় কংগ্রেসের দ্বাবিংশতিতম অধিবেশনের সভাপতি দাদাভাই নওরোজি তাহার অভিভাষণে সার হেনরী ক্যাম্পবেল বানারম্যানের উক্তি উক্ত করিয়া তারপরে ঘোষণা করিলেন যে “শাসন ব্যবস্থা যতই ভাল হউক” না কেন, তাহা স্বায়ত্ত-শাসনের স্থান গ্রহণ করিতে পারে না”, সেইদিন ভারত এবং ইংলণ্ডের একসঙ্গেই চমক ভাঙ্গিল। স্বরেন্দ্রনাথ, বিপিনচন্দ্র, বালগঙ্গাধর তিলক ও লালা লাজপত রায় প্রভৃতি দেশনেতৃগণকে ভারতে জাতীয় ভাব আনিবার জন্য কঠিন পরিশ্রম করিতে হইয়াছিল। বিপিনচন্দ্রের নিষ্ক্রিয় প্রতিরোধই পরে মহাত্মা গান্ধীর বিশাল সত্যাগ্রহ আন্দোলনে পর্যবসিত হইয়াছিল। কিন্তু যখন রাষ্ট্রনীতিক ক্ষেত্রে শ্রীঅরবিন্দের প্রত্যক্ষ আগমন ঘটিল তখনই জাতীয়তা আন্দোলন এক আশ্চর্য্যজনক মনোমুক্তকর রূপ ধারণ করিল।

আশ্চর্য্য-উপলক্ষির পথে যেমন ভারতবর্ষ ক্রমেক্রমে অগ্রসর হইতেছিল, তেমনই ঈশ্বর-করুণা আসিয়া যেন হঠাৎ বাঙালীকে তথা ভারতবাসীকে একেবারে সচেতন করিয়া তুলিয়াছিল। পরে বাঙালী যেপথ অবলম্বন করিয়া যশস্বী হইয়াছেন সেপথ যদি শ্রেয়ের পথ বলিয়া গণ্য হইয়া থাকে, তাহা হইলে

নিশ্চয়ই বলা যাইতে পারে যে তদানীন্তন সময়ে ছুর্জন (!) লর্ড কার্জনের মত বাঙ্গলার তথা ভারতের মঙ্গল আর কেহ করেন নাই। এই লর্ড কার্জনের সময় হইতেই প্রকৃতপক্ষে ভারত ইংরাজের হাতছাড়া হইতে আরম্ভ হয়। লর্ড কার্জন কর্তৃক বিভক্ত বঙ্গের পুনর্মিলন বাঙ্গালীর তথা ভারতবাসীর শক্তির সমক্ষে ইংরাজের প্রথম নতিস্বীকার। তাই ভারতবর্ধ হইতে লর্ড কার্জনের বিদায় কালে “স্টেটস্ম্যান” যে সুচিহ্নিত অকপট মন্তব্য করিয়াছিলেন তাহা চিরস্মরণীয় হইয়া থাকিবার ঘোগা।

“স্টেটস্ম্যান” লিখিয়াছিলেন—

“And yet no Viceroy has done one tithe of what Lord Curzon has done to create, to quicken and to consolidate the forces that will mould the New India of tomorrow. Of Lord Curzon, as of many another powerful and indispensable person in the history of the Nations, it may yet have to be written—he moulded better than he knew.”

“এবং ইহাও স্বীকার্য যে ভবিষ্যৎ নবভারত গঠনোপযোগী শক্তিসমূহকে উদ্বোধিত, গতিশীল ও সুদৃঢ় ঐক্যবন্ধ করিয়া লর্ড কার্জন যাহা করিয়া গেলেন তাহার দশভাগের একভাগও অন্য কোন ভাইসরয় করিয়া যান নাই। জাতি সমূহের ইতিহাসে অন্য বহু শক্তিমান ও অপরিহার্য ব্যক্তি সম্বন্ধে যাহা প্রযোজ্য তাহা লর্ড কার্জনের সম্বন্ধেও হয়ত পরে লিখিত হইবে—তিনি

যেতাবে গঠন করিতে চাহিয়াছিলেন অজ্ঞাতসারে তিনি তদপেক্ষা
প্রকৃষ্টতরভাবে গঠন করিয়া গিয়াছেন।”

কিন্তু ইংরাজ শাসকবর্গকে আঘাত করিবার জন্য যে
নিরাকৃণ পথ বাঙালী কর্তৃক পরে আবিষ্কৃত ও অবলম্বিত
হইয়াছিল, সেই নিরাকৃণ পথের যাহারা যাত্রী হইয়াছিলেন
তাহাদের মধ্যে অন্ততম শ্রদ্ধেয় যাত্রী কানাইলাল দত্ত।

কিন্তু এই পথের আবিষ্কৃতী বাঙালী হইলেও, ভারতের
উত্তিহাসে এ পথের প্রেরণা বিদ্যমান ছিল। এই প্রেরণাগ্রি
প্রথমে প্রজ্বলিত হয় মহারাষ্ট্রে ১৮৯৭ সালে। এই সালে
পুনায় যে হত্যাকাণ্ড সংঘটিত হয় তাহাতে ভারতবর্ষ ও ঈংলণ্ড
উভয় দেশেই সমধিক চাঙ্গল্যের সৃষ্টি হয়। বোম্বাইএ ভৌগুণ
বিউবনিক মহামারি (plague) দেখা দিয়াছিল। বোম্বাইএর
ইংরাজ শাসকবৃন্দ ও ইংরাজ অধিবাসীরা যাহাতে এই মড়কের
আক্রমণ হইতে রক্ষা পাইতে পারেন, সেই উদ্দেশ্যে কর্তৃপক্ষ
দেশে প্রতিবিধানমূলক নানাকৃণ অত্যধিক কড়া শাসন ব্যবস্থা
চালু করেন। কর্তৃপক্ষের এই ব্যবস্থাগুলি ভারতবাসীর প্রতি
ইংরাজের দারুণ অত্যাচার বলিয়া দেশবাসী গ্রহণ করে
এবং প্রতিবাদস্বরূপ কোন স্বৃষ্ট উপায় দেখিতে না পাইয়া
অত্যাচারীকে গুরু আঘাত দিবার চেষ্টায় দুঃজন মহারাষ্ট্রবাসী
র্যাণ্ড সাহেব এবং তাহার সহিত আয়ারাষ্ট সাহেবের প্রতি গুপ্ত-
ভাবে গুলি চালাইয়া তাহাদিগের প্রাণ সংহার করেন। দুই জনে
গুপ্ত থাকিয়া দুইটি গুলি ছুঁড়িয়াছিল। একটি র্যাণ্ড সাহেবের

পৃষ্ঠ বিন্দ করিয়াছিল এবং অপরটি আয়ারাষ্ট সাহেবের মস্তক বিন্দ করিয়াছিল। আয়ারাষ্ট সাহেব ভুলক্রমে নিহত হইয়াছিলেন। হত্যাকারীদের ধরিবার জন্য কুড়ি হাজার টাকা পুরস্কার ঘোষিত হইয়াছিল ; কিন্তু হত্যাকারীদের সন্ধান খুব সহজে পাওয়া যায় নাই। পরে হত্যাকারীগণ ধূত হইয়া বিচারে প্রাণদণ্ডে দণ্ডিত হয়। আমাদের কানাইলাল এই প্রেগের সময় বোমাইএ ছিলেন। তখন তাঁহার বয়স ৯।১০ বৎসর।

ভারতবাসীকে চিরদিন পরাধীন করিয়া রাখিবার জন্য ইংরাজ শাসকগণ ভারতবর্ষে অস্ত্র আঠিনের প্রবর্তন করিয়াছিলেন। অস্ত্রহীনকে অস্ত্রধ্বারা দাবাইয়া রাখা যে খুব সহজ তাহা না বলিসেও চাল। গুপ্ত বা প্রকাশ্য-ভাবে রিভলবার বা অনুরূপ কোন অস্ত্র প্রস্তুত বা যোগাড় করা সামান্য ব্যাপার নহে। অস্ত্রবান্তকে আক্রমনের জন্য বিজ্ঞান অস্ত্রহীনের হস্তে বোমা আনিয়া দেয়। বোমা অতি সহজে প্রস্তুত করিতে পারা যায় বলিয়া বাঙ্গালার বিপ্লববাদীগণ বোমারই আশ্রয় লইয়া তাঁহাদের উদ্দেশ্য সাধনের পথে অগ্রসর হইলেন। বোমা প্রস্তুতকরণের প্রধান কারখানা প্রতিষ্ঠিত হইল ৩২ নং মুরারিপুরুর গার্ডেনের রোডে। এই বোমার কারখানার সহিত সম্পর্কিত হইয়া কানাইলাল ৪নং গোপীমোহন দত্ত লেনে অবস্থান করিতে-ছিলেন। মুরারিপুরুর বাগান খানাতলাসি হইয়া ষাঁহারা

ধরা পড়িলেন তাঁহাদের সহিত গোপীমোহন দণ্ড লেন
হইতে কানাইলালও ধৃত হইলেন। তাহার পর যে কয়
মাস তিনি জীবিত ছিলেন আলিপুর জেলেই তাঁহার
অবস্থান হইয়াছিল। ব্রিটিশ গভর্ণমেন্টের উচ্চেদ কামনায়
ষড়যন্ত্রকারীদের মধ্যে অগ্রতম হইয়া কানাইলাল ধরা পড়িয়া-
ছিলেন, কিন্তু সে বিচার শেষ না হইবার পূর্বে নরেন্দ্রনাথ
গোষ্ঠামীকে জেলখানার ভিতর নিহত করিয়া হত্যাপরাধে
প্রাণদণ্ডে দণ্ডিত হইয়া তিনি ফাঁসীকাট্টে ঝুলিয়া ইহধাম
পরিত্যাগ করেন।

কানাইলালের জন্ম এবং তাঁহার বাল্য ও ছাত্রজীবন।

কানাইলালের কৌতুর্ণি আকাশচূম্বী। কিন্তু তাঁহাকে ২১ বৎসর বয়সেই ইহলোক পরিত্যাগ করিতে হইয়াছে, সুতরাং তাঁহার জীবন-কথা খুবই সংক্ষিপ্ত।

কানাইলালের জন্ম হয় ১৮৮৮ খৃষ্টাব্দের ৩০শে আগস্ট তারিখের প্রাতে ৫টার সময় অথবা ১২৯৫ বঙ্গাব্দের ১৪শ ভাদ্র তোৱ ৫টার সময়। সুতরাং তাঁহার জন্মদিবস ইংরাজী মতে বৃহস্পতিবার এবং বাংলা মতে বুধবার। তখন তাঁহার পিতা চুণীলাল দত্তের এবং তাঁহার মাতা ব্রজমণি দাসীর বয়স যথাক্রমে ৩৩ এবং ২৬ বৎসর। চন্দননগরের জন্ম মৃত্যু লিথাইবার অফিসে কানাইলালের নাম কানাইলালই লিখান হইয়াছিল। কানাইলালের জন্ম দিবস শ্রীকৃষ্ণের জন্মতিথি দিবস কৃষ্ণাষ্টমী। কানাইলালের জন্ম হয় তাঁহার মাতুলালয়ে। এই বাটী চন্দননগর বোড় সাকিমের সরিষাপাড়া নেন ও গ্রাণ্ট্রাঙ্ক রোডের সংযোগস্থলে অবস্থিত। এই বাটী দুইভাগে বিভক্ত। একটি ভাগ দ্বিতীয় বহির্বাটী (এখন একতলা) — যাহা বাটীর পশ্চিমাংশ। অন্দর বাটীটি কানাইলালের মাতামহ নির্মাণ করাইয়াছিলেন। এবং বাটীর অন্দর মহল অংশের একটি কক্ষে কানাইলাল

জন্ম গ্রহণ করিয়াছিলেন। তাঁহার মাতামহের নাম সূর্য-
কুমার দত্ত। কানাইলালের পিতা পিতামহের দেশ হুগলী
জেলার অন্তর্গত খরসরা-বেগমপুর। কানাইলালরা ছই ভাট
এবং পাঁচ ভগিনী। জ্যেষ্ঠ আতা শ্রীআশুতোষ দত্ত বোন্সাই
ইউনিভার্সিটির এল, এম, এস ডাক্তার। তিনি ব্রাহ্মধর্মাবলম্বী।
প্রবর্তক সঙ্গের ৩মতিলাল রায় এবং শ্রীব্রজবিহারী বর্ষন
ছই জনেই “কানাইলাল” গ্রন্থে লিখিয়াছেন-- কানাইলাল ১৮৮৭
খৃষ্টাব্দে জন্মগ্রহণ করিয়াছিলেন। ইহা ঠিক নহে। বোধ
হয় ৩মতিলাল রায় অনুমান করিয়া লিখিয়াছিলেন এবং
শ্রীব্রজবিহারী বর্ষন হয়ত ৩মতিলাল রায়ের পুস্তক হইতে
ইহা সংগ্রহ করিয়া থাকিবেন। তাদু মাসের কৃষ্ণাষ্টমী
তিথিতে জন্মগ্রহণ করিয়াছিলেন বলিয়া তাঁহার নাম রাখা
হইয়াছিল ‘কানাই’— এইরূপ অনুমান করিলে, মনে হয়, অনু-
মানের সীমা লজ্যন করা হইবে না। এই স্থানে উল্লেখ
থাকা আবশ্যক মনে করি যে, কানাইলালের মাতুলালয়ের
বর্হিবাটীর উত্তর পশ্চিম কোণে অবস্থিত একটি কক্ষের
বহিগাত্রে যে প্রস্তর ফলক স্থাপিত হইয়াছে তাহাতে কানাই-
লাল সম্বন্ধে যে সংক্ষিপ্ত বিবরণ উৎকৌণ হইয়াছে তাহার
লেখা সম্বন্ধে সাবধানতা অবলম্বন করা হয় নাই। উহাতে
লিখিত হইয়াছে—এই গৃহে কানাইলাল জন্মগ্রহণ করিয়া-
ছিলেন। তর্ক করিলে, লেখক গৃহের আভিধানিক অর্থ
লইয়া উহা বাটীর প্রতিশব্দ বলিয়া তর্কে জিতিবার চেষ্টা

করিবেন, কিন্তু বাঙালী সাধারণ গৃহ অর্থে অধিকাংশ স্থলে
ঘর অর্থাৎ কক্ষ বুঝিয়া থাকেন। কানাইলালের জন্ম হইয়াছিল
তাহার মাতুলালয়ের পূর্বাংশ ভাগে অবস্থিত একটি কক্ষে।
কানাইলালের ছোট মামী বলেন যে কানাইএর মাতামহ
কানাইকে কান্হাইয়ালাল বলিয়া ডাকিতে বড় ভালবাসিতেন।
কানাই নামটি বোধ হয় কানাইএর মাতার মনোমত হয় নাই,
তাই তিনি তাহার জ্যেষ্ঠ পুত্র আশুতোষের নামের অনুরণন
রক্ষা করিয়া কানাইএর নাম “সর্বতোষ” রাখিয়াছিলেন।
এই নাম চালু হয় নাই বটে, কিন্তু এখন দেখা যাইতেছে
যে কানাই তাহার কার্যদ্বারা সকলকে বিশ্বিত ও চমৎকৃত
করিয়া “সর্বতোষ” নাম ধারণের উপযুক্ত হইয়াছেন।
৩মতিলাল রায় তাহার “কানাইলাল” গ্রন্থে লিখিয়াছেন
“কানাই জন্মাষ্টমী তিথিতে জন্মগ্রহণ করিয়াছিলেন বলিয়া
কানাই কানাই।” তাহা না বলিয়া ইহা বলিলেই ঠিক
হইবে যে কানাই জন্মাষ্টমী তিথিতে জন্মগ্রহণ করিয়া জন্মাষ্টমী
তিথির মর্যাদা আরও বাড়াইয়া দিয়া গিয়াছেন। ৩মতিলাল
রায় আরও লিখিয়াছেন যে কানাইএর সর্বতোষ নামটি
সূতিকাগারের বাহিরে পেঁচায় নাই। আমি যাহা সংগ্রহ
করিতে পারিয়াছি, তাহা পূর্বে উক্ত হইয়াছে। তাহা হইতে
এই কথা বলিলে ঠিকই বলা হইবে যে, সূতিকাগারে অবস্থান-
কালে কানাইএর নাম ছিল “কানাই”, “সর্বতোষ”
ছিল না।

কানাই এর গায়ের রং মাৰামাবি ডিল—ফৱসা ও নয়, কালো ও নয়। হাত দুখানি ঈষৎ লম্বা ছিল এবং পায়ের পাতা দুখানি বেশ দীর্ঘ ছিল। তাহার পায়ের জুতা সহজে সংগ্রহ করা সন্তুষ্ট হইত না। টোট দুইটি ছিল পুরু, মাতার নিকট হইতে প্রাপ্ত। কানাই এর মাতা লিখিতে পড়িতে জানিতেন। পিতা বেশ ইংরাজি লিখিতে জানিতেন। পিতার লেখার নমুনা হিসাবে কানাই এর পড়াশুনার ফলের পরিচয়-পুস্তকের একস্থানের তাঁহার একটি লেখা উদ্ধৃত করিতেছি। কানাই এর ক্লাস-শিক্ষক কানাই এর পড়াশুনা সম্বন্ধে একবার ভাল রিপোর্ট দিতে না পারিয়া দুঃখ প্রকাশ করিয়া লিখিয়া-ছিলেন—“Does not work properly” কানাই এর পিতা তহুকুরে লিখিয়াছিলেন—“Noted. Endeavour will be made to obtain a favourable report.” ইহা ১৯০০ খৃষ্টাব্দের নভেম্বর মাসের কথা।

কানাইলালের প্রথম ও দ্বিতীয় পর্যায়ের শিক্ষা বোষ্ঠাই হইয়াছিল। বোষ্ঠাই গিরগাঁও অবস্থিত “আরিয়ান এডুকেশন সেসাইটি” কর্তৃক পরিচালিত হাইস্কুলে তিনি অধ্যয়ন করেন। পড়াশুনার মান একেবারে খুব উচ্চ শ্রেণীর না হইলেও ভালই ছিল। ১৯০১ সালের একটি পরীক্ষায় ইংরাজীতে ১২৫ এর মধ্যে ৩৮^১, ফরাসীতে ১০০ র মধ্যে ৪৯, অঙ্কে ১০০ র মধ্যে ৫১, ইতিহাস ও ভূগোলে ৭৫ র মধ্যে ৩৯^১, এবং প্রাথমিক স্বাস্থ্যে ৭৫ র মধ্যে ৩৭ পাইয়াছিলেন। ছাত্র-

বস্তায় মোটের উপর শান্তিশিষ্ট থাকিলেও কানাই এর মনে
যে ছষ্টামী স্থান পাইতনা এমন নহে। তাহার ক্লাসের
লেখাপড়ার রিপোর্ট পুস্তকে তাহার ক্লাসের শিক্ষকের সই-
এর পার্শ্বে তাহার ক্লাসের শিক্ষককে উদ্দেশ করিয়া তিনি
লিখিয়াছিলেন—“You ! Ancient fool !”

কানাইলাল বোম্বাই শিক্ষার্থী অবস্থায় অবস্থানকালে
দেশপ্রেম-উদ্বোধক সন্দৰ্ভের দ্বারা যে অনুপ্রাণিত হইয়া-
ছিলেন তাহার নির্দর্শন পাওয়া যায়। তাহার ক্লাসের
ক্যালেগোর পুস্তকে কর্তৃপক্ষেরা ইংরাজ কবি মার্টিন লুসের
কবিতার একটি অংশ ছাপাইয়া উহার অন্তভুক্ত আদর্শটি
সকল ছাত্রের সামনে ধরিয়া রাখিয়াছিলেন। ক্যালেগোর
পুস্তকে সেই কবিতাটি ছাপানোর উদ্দেশ্য হইতেছে—প্রত্যেক
ছাত্রকে লেখাপড়ার মাধ্যমে প্রকৃত দেশকর্মী করিয়া তোলা।
কবিতাটি এই —

Work, for it is a noble thing,
With a lofty end in view,
To tread the path that God ordains,
With steadfast heart and true,
That will not quail, whate'er betide,
But bravely bear us through.
It matters not what the sphere may be,
That we are here to fill ;

How much there is of seeming good,
 How much of seeming ill ;
 'Tis ours to bend the energies,
 And consecrate the will.

କର୍ମତେ ରହିବେ ବ୍ରତୀ, ତାତେଇ ସମ୍ମାନ,
 ସେଇ କାଜ କର ଯାର ଉଦ୍ଦେଶ୍ୟ ମହାନ;
 ଈଶ୍ଵର-ଆଦିଷ୍ଟ ପଥେ ସର୍ବଦା ଥାକିଓ,
 ଅଚଳ ଆଟଳ ଚିତ୍ରେ ସେ ପଥେ ଚଲିଓ ;
 ଟଲିବେ ନା ସେଇ ଚିତ୍ର କୋନ କିଛୁତେଇ,
 ନିଃଶକ୍ଷେ ଲଟିଯା ଯାବେ ସିଦ୍ଧିପଥେ ସେଇ ।
 କର୍ମକ୍ଷେତ୍ର ଯାଇ ହୋକ, କର୍ମରେ ବରିଓ,
 ଭାଲ ମନ୍ଦ କୂଟ ତର୍କେ କହୁ ନା ପଡ଼ିଓ ;
 ସର୍ବଶକ୍ତି ନିଯୋଜିଓ କର୍ମର ସେବାୟ,
 ଉତ୍ସର୍ଗ କରିଯା ଦିଓ ମନ ପ୍ରାଣ ତାୟ ।

ପଦଗୁଲି ସେ କାନାଟଏର ଖୁବ ଭାଲ ଲାଗିଯାଛିଲ ତାହା ବେଶ
 ବୁଝିତେ ପାରା ଯାଯ । ତିନି ପଦଗୁଲି ତାହାର ପାଠେର ଦିନ-
 ପଞ୍ଜିକା ପୁସ୍ତକେ ଏକାଧିକ ସ୍ଥାନେ ଲିଖିଯା ସେଇ ମର୍ମ
 କରିଯାଛିଲେନ । ଇହା ଛାଡ଼ା କାଉପାରେର “ଟାଇମ ପିସ୍” କବିତା
 ହିତେ ଏକଟି ଛତ୍ର — ସେ ଛତ୍ରଟି ଦେଶ ପ୍ରେମେର ପୂର୍ବ ଉଦ୍ବୋଧକ—
 ତାହାଓ କାନାଟିଲାଙ୍କ କ୍ୟାଲେଣ୍ଡାର ପୁସ୍ତକେ ଲିଖିଯା ରାଖିଯାଛିଲେନ ।
 ଶେଷାଟି ହିତେହେ—“England, with all thy faults,
 I love thee still.” “ଜୁମ୍ବୁମି ଦୋଷମ୍ପତ୍ତି ହିଲେଓ ସକଳ

সময়েই ভালবাসার পাত্র”। হৃদয়ে এই ভাবের পূর্ণ অধিষ্ঠান না হলে ভালবাসার পাত্রের জন্য কি প্রাণেও সর্গ করিতে পারা যায় !

১৯০৪ খৃষ্টাব্দে কানাইলাল বোম্বাই হটেলে পিতামাতার সহিত চন্দননগরে তাঁহার মাতুলালয়ে আসেন এবং চন্দননগরে থাকিয়া “ডুপ্লেক্স” বিদ্যামন্দির (এখন যাহার নাম কানাইলাল বিদ্যামন্দির) হটেলে এন্ট্রান্স এবং এফ. এ. পরীক্ষা দিয়া পাশ করেন। তিনি চুঁচুড়ায় অবস্থিত ছগলৌ কলেজে (এখন যাহার নাম মহসীন কলেজ) বি. এ. পড়েন এবং ইউনিভার্সিটির পরীক্ষা দিয়া পাশ করেন। পড়িবার সময় তিনি ইতিহাসে অনাস' লইয়াছিলেন, কিন্তু পরীক্ষা দিয়াছিলেন মাত্র পাশ কোসে'-- ইংরাজি, দর্শন ও ইতিহাসে-এবং তাহাতেই তিনি পাশ করেন। পাশের সংবাদ যখন প্রকাশিত হয় তখন তিনি হত্যাপরাধে অভিযুক্ত, কারাগারে বন্দী। স্কুল বা কলেজের পড়ার ফলাফল বিচার করিয়া দেখিলে হয়ত তাহাতে এমন কোন বিশেষত্বের সন্ধান পাওয়া যায় না ; কিন্তু কানাই যে মেধাবী ছাত্র ছিলেন সে বিষয়ে তাঁহার শিক্ষকেরা এবং তাঁহার বন্ধুগণ সকলেই একমত। কানাইলালের সহপাঠী চন্দননগরের হাটখোলা নিবাসী ডাক্তার শ্রীনগেন্দ্রনাথ ঘোষের নিকট হইতে জানা গিয়াছে যে তাঁহাদের ক্লাসের শিক্ষক বা অধ্যাপক ঢাকার চন্দননগরের ইংরাজী রাজনী তাঁহার সহপাঠী-

দের সমক্ষে আদৰ্শ রচনা বলিয়া উহার প্রতি তাহাদের দৃষ্টি আকৃষ্ট করিতেন।

কানাইলাল একাদিক্রমে বহুক্ষণ ধরিয়া পড়িতে পারিতেন। বি. এ. পরীক্ষার সময় স্বদেশী আন্দোলনের পূর্ণ জোয়ার আসায় তিনি পড়া লইয়া বেশীক্ষণ থাকিতে পারিতেন না। বনা বাল্লা, আত্মীয়েরা কানাইএর এই কার্যাচৰ্তা ভাল চক্ষে দেখিতেন না। তাহার সহোদর জ্যেষ্ঠ আতা শ্রীআশুতোষ দত্ত স্বর্গীয় চারুচন্দ্ৰ রায়ের নিকট কানাই সমক্ষে অপ্রসন্ন উক্তি করিয়া দুঃখের সহিত বলিয়াছিলেন— কানাই পাশ-টাস করতে পারবে না, পড়াশুনা করেন। বল্লেই হয়। চারুবাবু আশুবাবুর এই কথার উত্তরে মাত্র ইহাই বলিয়াছিলেন—“একবার সব বউগুলি পড়িয়া লইতে পারিলেই সে পাশ করিবে।” কানাই গ্রন্থকারের একরূপ নিত্যসঙ্গী ছিলেন। গ্রন্থকার নিঃসন্দেহে একথা বলিতে পারেন যে, কানাই বাঁচিয়া থাকিলে বড় হইয়া একজন বিদ্বান, জ্ঞানবান ও কৰ্মপ্রেমিক কৰ্মীরূপে দেশনেতার আসন গ্রহণ করিতে সক্ষম হইতে পারিতেন। প্রচুর সুগন্ধে ভরা কানাই-পুপ সম্পূর্ণরূপে প্রস্ফুটিত হইতে না পাইয়া ঘটনাচক্রের আবর্তনে পড়িয়া অকালে বিনাশপ্রাপ্ত হইল এবং স্বীয় অন্তর্নিহিত সমূহ সুগন্ধ দেশ ঘন্থে পরিবেশন করিয়া যাইতে পাইল না।

কর্মপ্রতি ও দেশচর্ষ্যা

দেশের কাজ করিতে এবং দেশের শক্তির সহিত লড়িতে হইলে দৈহিক বল ও বীরত্ব এবং মানসিক বল ও বীরত্ব এই উভয় প্রকার বল ও বীরত্বেরই প্রয়োজন। চন্দননগরে যাহারা দেশ সেবায় উদ্বৃক্ত হইয়াছিলেন তাহারা যাহাতে এই উভয় প্রকার বলের অধিকারী হইতে পারেন তাহার জন্য সাধনা তাহারা আরম্ভ করিয়াছিলেন। কানাইলালও যাহাতে এই সাধনায় সিদ্ধ হইতে পারেন তাহার চেষ্টায় মনোনিবেশ করেন। কানাইলাল হাটখোলা নিবাসী দেশ-সেবক ডাক্তার নগেন্দ্রনাথ গোব এবং ফটকগোড়া নিবাসী শ্রীশচন্দ্ৰ ঘোষ প্রতি কয়েকজনের সহিত একবার পদ্ব্রজে বৰ্দ্ধমান পর্যন্ত গমন করেন এবং আর একবার বৰ্দ্ধমান পর্যন্ত পদ্ব্রজে যাইয়া ট্রেনে পরেশনাথ পর্যন্ত গমন করেন। এই কার্যান্বারা সহশক্তি অর্জন করা এবং ট্রেনের সাহায্য বাতিরেকে এক স্থান হইতে অন্যস্থান গমনে অভ্যন্তর হওয়াই ছিল তাহাদের লক্ষ্য।

চারভাবুর ছাত্র ও অনুরক্ত বন্ধুগণ Paper chase (পেপার চেজ) খেলাটি খেলিতে বড় ভালবাসিতেন। এই ইংরাজী খেলাটি আমাদের “তেনা মান চলে” খেলার সমপর্যায়ভূক্ত। আক্রান্ত হইলে যাহাতে



কানাইলাল

আহরণক্ষা করিতে এবং আবশ্যক হইলে শক্রকে আক্রমণ করিয়া তাহাকে সায়েস্তা করিতে পারা ষায়, তছন্দেশ্বে পাড়ায় পাড়ায় মুষ্টিযুদ্ধ ও লাঠিখেলা শিক্ষার আধড়া প্রতিষ্ঠিত হইয়াছিল। মুষ্টিযুদ্ধ শিক্ষা করিবার প্রধান স্থান ছিল বাগবাজারস্থিৎ স্বর্গগত চারুচন্দ্ৰ রায়ের বাটী এবং লাঠিখেলা শিক্ষা করিবার প্রধান স্থান ছিল কানাইলালের মাতুলের বাটীর সংলগ্ন প্রাচীরবেষ্টিত উদ্ধান।

বন্দুক ছোড়ায় অভ্যন্ত করিবার জন্য স্বর্গীয় চারুচন্দ্ৰ রায় কানাইলাল প্রভৃতি অনেককে শিকারে লইয়া যাইতেন এবং শিকার হইতে প্রত্যাবর্তন করিয়া মাষ্টার মহাশয় অর্থাৎ চারুচন্দ্ৰ রায় তাঁহার সহধন্মিনী দ্বারা শিকারলক্ষ পাখীপক্ষী রক্ষন করাইয়া উপস্থিত সকলের আহার-আমোদের ব্যবস্থা করিতেন। কানাইলাল মুষ্টিযুদ্ধ ও বন্দুক ছোড়া বিষয়ে বেশ পারদর্শিতা লাভ করিয়াছিলেন। মুষ্টিযুদ্ধ শিক্ষা দিতেন চন্দননগরের গোন্দলপাড়া নিবাসী প্রসিদ্ধ বিখ্যবী স্বর্গগত উপেন্দ্রনাথ বন্দ্যোপাধ্যায় মহাশয়ের চতুর্থ ভ্রাতা শ্রীনৈলেন্দ্রনাথ বন্দ্যোপাধ্যায় এবং লাঠিখেলা শিক্ষা দিতেন মুসলমান মার্তজা সাহেব ও অরুণ বাগী নামক তাঁহারই জনৈক শিঙ্গ।

দেশচর্যা কর্ষের মধ্যে তখন অর্থাৎ ১৯০৫ সালে আৱস্থ হয় স্বদেশী প্রচার। স্বদেশী প্রচারের জন্য মানকুণ্ডুর রাসে এবং অগ্রহায়ণ মাসে চন্দননগর গোষ্বামীঘাটের মেলায় স্বদেশী কাপড়াদিৰ দোকান খোলা হইয়াছিল। চন্দননগর

বাজারে কাপড়ের ক্ষেত্রে যাহাতে বিলাতি কাপড় না কিনিয়া স্বদেশী কাপড় ক্রয় করেন তাহার জন্য পিকেটিং অর্থাৎ স্বেচ্ছা-প্রহরীর কাজ করা হইয়াছিল । এই সকল কাজে কানাইলালের খুব উৎসাহ পরিলক্ষিত হইয়াছিল । কোনরূপ লজ্জাবেধ না করিয়া মন্ত্রকে স্বক্ষে বহিয়া দ্রব্যাদি লইয়া যাওয়ার কার্য তাহার মত স্বেচ্ছাসেবকদিগকেই করিতে হইয়াছিল ।

দেশবাসী যাহাতে বিলাতী দ্রবা ব্যবহার ত্যাগ করিয়া স্বদেশী দ্রবা ব্যবহারের সকলবিধি অস্বীকৃত সহ করিয়া উহারই বাবত্তারে মনোনিবেশ করেন তজ্জন্ম বাঙ্গালার সর্বত্র সভা সমিতি অনুষ্ঠিত হইয়াছিল । চন্দননগরেও একাধিক স্থানে একেরূপ সভা সমিতি হইয়াছিল । বহুবাজারে ৩অগ্রতলাল বশুর সভাপতিত্বে, বারাসাতে ৩মনোরঞ্জন গুহ ঠাকুরতার সভাপতিত্বে, হাজিনগরে গোপাল বাবুর বাগানে ৩সুরেন্দ্রনাথ বন্দ্যোপাধ্যায়ের সভাপতিত্বে কয়েকটি -মহত্তী সভার অনুষ্ঠান হয় । গোপালবাবুর বাগানের সভার জন্য কানাইলাল প্রতিভি আনকে চন্দননগর ষ্টেন হইতে সুরেন্দ্রনাথের গাড়ি টানিয়া এবং “মায়ের দেওয়া মেটা কাপড় মাথায় তুলে নেরে ভাট” এই গানটি গাহিতে গাহিতে সুরেন্দ্রনাথকে সভায় লইয়া যাওয়া হইয়াছিল । ধূতি-চাদর-পরা সুরেন্দ্রনাথের মুখ হইতে যথন মেই সভায় “আমি বামুনের ছেলে, আমার সমক্ষে আপনারা

শপথ করুন যে গুরুর হাড় দ্বারা পরিষ্কৃত বিলাতি জবণ
আর আপনারা বাবহার করিবেন না” এই কথাগুলি বর্ত্তমান
হইয়াছিল তখন তাহা শুনিয়া শ্রোতারা আমোদ উপভোগ
না করিয়া থাকিতে পারেন নাই। বিলাতি খানা খাদক
সুরেন্দ্রনাথ তখন কোনরূপ দ্বিধাবোধ না করিয়াই তাহার
হিন্দুহের স্বযোগ গ্রহণ করিতে ইতস্তত করেন নাই।

স্বদেশী প্রচার উপলক্ষে হাটখোলায় শ্রামসুন্দর
চক্রবর্তীর সভাপতিত্বে একটি সভার আয়োজন হইয়াছিল।
চন্দননগরে সাধারণ সভার আয়োজন করিতে হইলে, সভার
অধিবেশন হইবার অনুত্ত: ২৪ ঘণ্টা পূর্বে দুইজন উঠোকাকে
গৰ্বন্মেটের নিকট সভার অধিবেশন সম্বন্ধে জানাইতে হইত;
কিন্তু ফরাসী সাধারণ তন্ত্রের দেশে সাধারণ সভা আহ্বানের,
পূর্ণ স্বাধীনতা ছিল। কিন্তু তাহা হইলে কি হয়—ইংরাজ
গৰ্বন্মেটের প্ররোচনায় চন্দননগরের গৰ্বন্মেটও তখন
দেশসেবকদিগের বিরুদ্ধাচরণ করিতে প্রবৃত্ত হইয়াছিলেন।
চন্দননগরের ফরাসী নাগরিক লেঁ তার্দিভেল সাহেব তখন
চন্দননগরের মেয়র। তিনি সঙ্গে করিলেন যে, তিনি কিছুতেই
এই সভা হইতে দিবেন না। মিলিটারীর সাহায্যে তিনি এই
সভা হইতে দিলেন না। তার্দিভেলের এই বেআইনি কার্য
চন্দননগরের দেশসেবকগণ নির্বিবাদে সহ করিতে পারেন
নাই। তার্দিভেলের অত্যাচারের প্রতিকারের জন্য যে ব্যবস্থা
করা হইয়াছিল তাহা পরে ঘৰানে বিবৃত ইহুৰে। যতদিন

না বিভক্ত বঙ্গ যুক্ত করা হইয়াছিল ততদিন প্রতিবৎসর ৩০শে
আশ্বিন তারিখে বঙ্গদেশের অন্যান্য স্থানের শ্যায় চন্দননগরের
দেশসেবকগণও “মিলেছি আজ মায়ের ডাকে, ঘরের হ'য়ে
পরের মত ভাই ছেড়ে ভাই কদিন থাকে” এই গানটি গাহিতে
গাহিতে পরম্পর পরম্পরের হাতে রাখি বাঁধিয়া রাখিবন্ধন
উৎসব পালন করিতেন। “ভাই ভাই এক ঠাই, ভেদ নাই, ভেদ
নাই। এক দেশ, এক ভগবান, এক জাতি, একমনপ্রাণ” এই মন্ত্র
উচ্চারণ করিয়া যখন একে অন্যের হাতে রাখি বাঁধিয়া পরম্পর
পরম্পরকে অভিবাদন করিত, তখন বাস্তবিকই সে দৃশ্য
দেবতাদিগের ও দর্শনযোগ্য ও উপভোগ্য বলিয়া অনুভূত হইত।

বঙ্গভঙ্গ রহিত হইবার সঙ্গে সঙ্গে ‘৩০শে আশ্বিন’ পলনের
প্রয়োজনীয়তা চলিয়া গেলেও, মনে হয়, ইংরাজ শাসনের
ভেদনীতির প্রতিবাদকল্পে যে উৎসব আরম্ভ হইয়াছিল উপলক্ষ-
হীনভাবে দেখিয়া স্বতঃফূর্তভাবে প্রতিবৎসর তাহা পালিত
হওয়ার বিশেষ প্রয়োজন আছে। দেশে এখন বহুবিধ
রাষ্ট্রীয় সংহতি প্রতিষ্ঠিত হইয়াছে। উহাদের কার্য্যকলাপ দেখিয়া
জনসাধারণের মনে এই ধারণাই বলবত্তী হইয়া উঠে যে, উহারা
যেন পরম্পরবিরোধী সংঘ, কিন্তু উহারা যে একই দেশের
সন্তান দ্বারা গঠিত এবং উহাদের লক্ষ্য ও আদর্শ যে একই
দেশের সেবা করা, তাহা অন্ততঃ বৎসরে একবার করিয়া
আনুষ্ঠানিকভাবে শ্বরণ করার একান্ত প্রয়োজন যে আছে সে
কথা বোধ হয় কেহই অস্বীকার করিবেন না।

যে দেশপ্রেমবীজ বোম্বাই এ কানাইলালের অন্তরে
ও মনে আশ্রয় পাইয়াছিল তাহা বাস্তালা তথা চন্দননগরের
একটি বিশিষ্ট সম্প্রদায়ের স্পর্শ পাইয়া কানাইলালকে দেশ-
সেবক বিপ্লবী সন্তাসধর্মীর দলে প্রবিষ্ট করাইয়াছিল। এই
প্রসঙ্গে কানাইলালের গুরু ঢাকুচন্দ্র রায়ের বৈষ্ঠকখানার একটি
চিত্র প্রদান করিলে দেখা যাইবে, ঢাকুবাবুর সংস্পর্শ
চন্দননগরের কয়েকজন যুবককে কিভাবে অনুপ্রাণিত করিতে
সহায়তা করিত। ঢাকুবাবুর বৈষ্ঠকখানা খোসগঞ্জের আড়া
ছিল না। এমনভাবে কোন একদিনও যাইত না যে দিন
তাহার বৈষ্ঠকখানায় সমবেত যুবক বা বৃক্ষেরা তাহার নিকট
হট্টে কোন না কোন বিষয়ে জ্ঞানগর্জ শিক্ষা না পাইয়া বাটীতে
ফিরিতেন। ঢাকুবাবু নানাবিধ দৈনিক, সাম্প্রাহিক এবং
মাসিক পত্র ও পত্রিকার নিয়মিত গ্রাহক ছিলেন। এতদ্ভিন্ন
তিনি বহুবিধ তথাপূর্ণ পুস্তক নিজ অর্থে ক্রয় করিয়া সংগ্রহ
করিতেন। আয়ারল্যাণ্ডের বৈপ্লবিক ইতিহাস সম্বন্ধে বহু গ্রন্থ
তিনি সংগ্রহ করিয়াছিলেন। ডিভ্যালেরা তখন বাস্তালার |
বিপ্লবীদের নিকট অন্ততম পূজনীয় দেবতারূপে গণ্য হইতেন।
বিপ্লবের ইতিহাস সম্পর্কে প্রচলিত একটি প্রবাদবাক্সম
বাক্য এখনও আমাদের কানে খনিত প্রতিখনিত হইয়া
থাকে। সেই বাক্যটি হইতেছে “A grievance redressed |
is a weapon broken” “শক্তির বিরুদ্ধে বিপ্লবীদের অভিযোগ-
সংখ্যা যত অধিক হয় ততই ভাল।” বিশ্বালয় হইতে ফিরিয়া

বাটীতে জলযোগের পর মাষ্ঠার মহাশয়ের (চারুবাবুর) বাটীতে
কানাইলালের যাত্রা চাইই---এই নিয়মের ব্যতিক্রম প্রায় কোন
দিনই হটত না। বিশ্ববীদের মুখ্যপত্র “যুগান্তর” চারুবাবুর
বাটী হটেই চন্দননগরে পরিবেশিত হটত এবং চারুবাবু
উহার নিয়মিত লেখক ছিলেন। কানাইলাল এই যুগান্তর
পত্রের নিয়মিত অন্তর্ভুক্ত পরিবেশক ছিলেন। অন্যান্য পত্রিকার
সহিত কানাইলাল সন্ধ্যা, নিউইঞ্জিয়া, স্বরাজ, কর্মযোগীন
পত্র ও পত্রিকাগুলির নিয়মিত পার্টক ছিলেন।

কানাইলালের ওর চন্দননগরের চারুচন্দ্ররায়

শুনিযাছি কানাইলাল চন্দননগর ত্যাগ করিয়া সক্রিয়-
তাবে বৈঞ্জিক শুপ্রসমিতির কার্যে যোগদান করিবার মানসে-
কলিকাতায় ধাইবার পূর্বে—চাকবাবুর বাটীতে চাকবাবুকে
জিজ্ঞাসা করিয়াছিলেন—“আচ্ছা, মাষ্টার মহাশয়, আপনি
আমার চরিত্রে কি কি দোষ দেখিতে পাইয়াছেন? চাকবাবু
উত্তর করিয়াছিলেন, ‘‘তোমার সব ভাল, কিন্তু You are a
bit too shy” কানাইলাল যে কার্য করিয়া বাঙ্গালার তথা
ভারতের পরম নিধি বলিয়া ভারতমাতার অঙ্কে স্থান
পাইয়াছেন, তাহাতে তিনি shyness (লাজুকতা) ভাবের সহিত
কোন সম্বন্ধই রাখিয়া যান নাই। জীবনদানযজ্ঞে তাহার
জীবন দানের কথা তাহার পক্ষে স্বাভাবিক হইলেও বাস্তবিকই
উহা অতীব বিশ্বয়কর। কারারুদ্ধ চাকবাবু যখন ইংরাজ
শাসকদিগের হস্ত হইতে মুক্তি পাইয়া আলিপুর জেল হইতে
চন্দননগরে ফিরিয়া আসেন, তখন তাহার মুখ হইতে কানাই-
লাল সম্বন্ধে যাহা শুনিয়াছিলাম তাহার মধ্যে একটি কথা
আজও ভুলিতে পারি নাই। জেলখানায় চাকবাবু কানাই-

লালকে জিজ্ঞাসা করিয়াছিলেন — ঘোর্ডারের সহায়তায় --
 “তুমি গোস্টের উপর এতগুলি গুলি লালে কেন ?”
 কানাইলাল উত্তর করিয়াছিলেন—“I wanted to be sure
 about the result. I was simply disgusted with
 attempts, attempts, attempts.” চারুবাবুর নিকট হইতে
 শুনিয়াছি যে, গোস্টকে বধ করিবার পর কানাইলালের মুখে
 উভেজনাহীন প্রফুল্লতা দেখিয়া তাহার ঘোর্ডার (ইউরোপিয়ান)
 তাহাকে বলিয়াছিলেন—“আচ্ছা, ফাসির দিন ক্রিপ বাবহার
 কর দেখা যাইবে।” এই ঘোর্ডারটি পরে কানাইলালের
 executioner (ফাসি কার্যা নিষ্পাদক) হইয়াছিলেন। ফাসি-
 মধ্যে দাঁড়াইয়া তিনি তাহার executionerকে (জন্মাদকে)
 জিজ্ঞাসা করিয়াছিলেন—“How do you find me now ?”
 কানাইলালের executioner হইয়াছিলেন একজন আয়ালঙ্ঘ-
 বাসী। কানাইলালের ফাসীকার্য সম্পাদন করিয়া তিনি
 কারুক্রম চারুচন্দ্র রায়ের নিকট বলিয়াছিলেন, “এই পাষণ্ডই
 কানাইলালের ফাসীকার্য সম্পাদন করিয়াছে। কানাইলালের
 আয় একশত জোগাড় হইলেই আপনাদের কার্যাসিদ্ধি
 সুনিশ্চিত।”

বহুগুণবিশিষ্ট চারুচন্দ্র রায় চন্দননগরের শিক্ষিত
 সমাজের গৌরব ছিলেন। স্বদেশী যুগে ইংরাজ গভর্নমেন্টের
 নিকট তিনি একজন ঘোর স্বদেশী বলিয়া আখ্যাত হইতেন।
 চন্দননগরে যাহারা সততা ও বিশুদ্ধ জ্ঞানের আদর করিতেন



চারুচন্দ্ৰ রায়

তাহারা সকলেই তাহার গুণমুগ্ধ ছিলেন। সুবিধাবাদীদের সহিত আপোষ করিয়া চলাটা যেন তাহার প্রকৃতির বিরুদ্ধ ছিল। দেশকস্মীদের মধ্যে ছেলেমানুষী দেখিলে তিনি তাহাদের প্রতি কঠোর ভাষা প্রয়োগ করিতেন। পূর্বে উল্লেখ করা হইয়াছে যে, আয়ারল্যাণ্ডের বিপ্লবের ও বিপ্লবীদের আঞ্চো-সর্গের ইতিহাস চারুবাবুর পৃষ্ঠক সংগ্রহ মধ্যে একটি বিশিষ্ট স্থান অধিকার করিয়াছিল এবং এই ইতিহাস অবলম্বন করিয়া তিনি বাঙালার বিপ্লবীদের মুখ্যপত্র তখনকার “যুগান্তরের” জন্ম বৃক্ষ সন্দর্ভ লিখিয়াছিলেন।

বিশেষ করিয়া তাহার একটি উক্তি আমার কানে আজও ধ্বনিত প্রতিধ্বনিত হইয়া থাকে। চন্দননগর হাটখোলায় যে, স্বদেশী সভা তদানীন্তন মেয়ের তার্দিভেল সাহেব হইতে দেন নাই, সে সভার জন্য জনসভা আহ্বানের আইনানুসারে গ্রস্তকার ও স্থানীয় বাগবাজার নিবাসী বিশ্বনাথ সরকার মহাশয় অ্যাডমিনিস্ট্রেটরের নিকট ঘোষণাপত্র দাখিল করিয়াছিলেন। গভর্নমেন্ট এই সভা অনুষ্ঠানের ঘোর বিরোধী ছিলেন। গুজব রটে যে গভর্নমেন্ট ঘোষণাপত্র-দাখিলক্তারীদিগকে ঘোষণাপত্র প্রত্যাহার করিবার জন্য অনুরোধ করিবেন। এই গুজব শুনিয়া চারুবাবু গ্রস্তকারকে বলিয়া-ছিলেন “I shall break your head if you withdraw.” চারুবাবুর এই উক্তিতে গ্রস্তকার নিজের মনোভাবের সমর্থন পাইয়াছিলেন এবং তাহার বক্ষ আনন্দে স্ফীত হইয়াছিল।

চারুবাবুর শিক্ষকতা ভুলিবার নয়। চন্দননগরের ছাত্রদের
মধ্যে যাহারা চারুবাবুর শিক্ষকতা গ্রহণ করিয়াছেন, তাহারা
চারুবাবুর ছাত্র বলিয়া গর্ব অনুভব করিয়া থাকেন। তিনি
কখনও ছাত্রদের মারিয়া শাসন করিয়াছেন বলিয়া শুনি নাই,
অথচ তিনি বিদ্যালয়ে প্রবেশ করিলে বাহির হইতে বিদ্যালয়
বন্ধ আছে বলিয়াই মনে হইত। তাহাকে হাসিতে খুব কম
লোকই দেখিয়া থাকিবেন। কিন্তু রসিকতা যে কখনও তিনি
করিতেন না তাহা নহে। গ্রন্থকার যখন ডুপ্পেঞ্চ কালজে
পড়িতেন তখন চারুবাবু তাহাদের “লঙ্গিক” পড়াইতেন।
সিলজিস্মের প্রশংসনীয় উন্নত গ্রন্থকার সর্বদা নিভুলভাবে
করিতেন। একদিন একটি প্রশ্নের উত্তর টিকিবাত হয় নাই।
চারুবাবু তাহাতে বলিয়া উঠিলেন--“কি বাবা, বিদ্যের কি
জোয়ার ভাটা খেলে নাকি?” পূর্বে বলা হইয়াছে যে তিনি
তাহার বন্ধু ও ছাত্রদের লইয়া শিকারে যাইতেন এবং শিকার-
লক্ষ পাথীপক্ষী লইয়া ফিরিয়া নিজ বাটীতে তাহার সহধন্মিনা-
ধারা ভোজ্য প্রস্তুত করাইয়া সববেত সকলের সেবা
করাইতেন। গ্রন্থকার মাংস খাইতেন না। উপহাসচ্ছলে
তিনি তাহার ছাত্র-গ্রন্থকারকে বলিয়াছিলেন। “আচ্ছা, তুমি
একদিন থাও, তারপর ইচ্ছা হয় ছাড়িয়া দিও।” কপটতা
তিনি সহ করিতে পারিতেন না। তাহার বাহা আচরণ
দেখিয়া তাহাকে কঠোর বলিয়া মনে হইলেও তিনি ভিতরে
খুব কোমল-স্নদয় ছিলেন। তিনি কলেজে ইংরাজি সাহিত্য

এবং লজিক পড়াইতেন। কিন্তু গ্রন্থকারদের সময়ে ৩কালী-
কুমার গান্ধুলি মহাশয়কে লজিক পড়াইবার ভার দেওয়া
হইয়াছিল। কালীবাবু খুব খাটিয়া ও অত্যন্ত যত্ন করিয়া
পড়াইলেও, ছাত্রেরা বুঝিতে পারিতেছিল যে, তাহার পড়ানোর
ফল তাহাদের উপর কোন প্রভাব বিস্তার করিতে পারিতেছে
না। চারুবাবু গ্রন্থকারকে একটু অধিক ভালবাসেন এই মনে
করিয়া ছাত্রেরা তাহাকে তাহাদের নেতা করিয়া চারুবাবুর
নিকট যাইল এবং চারুবাবুকে গ্রন্থকারের মুখ দিয়া বলিল “মাষ্টার
মহাশয়, আমাদের লজিক পড়ান ভাল হইতেছে না।” চারুবাবু
বলিলেন—“তা আমাকে কি করতে হবে?” ছাত্রেরা বলিল—
“আপনাকে পড়াতে হবে।” চারুবাবু রহস্য করিয়া বলিলেন
“কে মাইনে দেবে?” ছাত্রেরা বলিল—“ওসবতো আমরা জানি
না, আপনাকে পড়াতে হবে।” চারুবাবু বলিলেন “কেন, কালী-
বাবু খুব খেটে পড়াচ্ছেন কিন্তু আমাদের কিছুই হচ্ছে না।”
ছাত্রদের পক্ষে অবাধ্যতা চারুবাবু একটা অমার্জনীয় অপরাধ
বলিয়া গণ্য করিতেন, কিন্তু তাহা হইলেও তিনি একেব্রে
কালীবাবুর সহিত আলোচনার পর ছাত্রদের প্রার্থনা পূরণ
করিতে সম্মত হইয়াছিলেন।

১৯৩০ সালে চট্টগ্রাম অস্ত্রাগার লুঁঠনকারী কয়েকজন
বিপ্লবী চন্দননগর - গোলামপাড়ার উত্তরাঞ্চলে অবস্থিত একটি
বাটী ভাড়া করিয়া তাহাতে অবস্থান করিতেছিলেন। গভীর

এক রাত্রে কলিকাতার পুলিশ কমিশনার মিষ্টার টেগার্ট সাহেবের নেতৃত্বে একদল ব্রিটিশ পুলিশ সেই বাড়ীতে হানা দেয়। বিপ্লবীরা তাহাদের সহিত যুদ্ধ করিয়া পলাইতে চেষ্টা করেন, কিন্তু সংঘর্ষের ফলে যুবক মাখনলাল ঘোষালকে প্রাণত্যাগ করিতে হয় এবং অবশিষ্ট সকলে ধ্বনি হন।

চন্দননগরবাসী মাখনলালের মৃতদেহ দাহ করিবার জন্য বোড়াইচগীতলা-শুশানঘাটে শোভাযাত্রা করিয়া মৃতদেহ লইয়া যাতে কৃতসন্ধান হইলে, ফরাসী কর্তৃপক্ষ শাস্তিভঙ্গের সন্তাবনার আশঙ্কায় বা তাহার অজুহাতে উহাতে বাধাদান করিতে অগ্রসর হন। তখন চন্দননগরের মেয়ের ছিলেন দেশবরেণ্য চারুচন্দ্ৰ রায়। ফরাসী আইনানুযায়ী মেয়েরও দেশের শাস্তিশৃঙ্খলা রক্ষার জন্য দায়ী। চারুবাবু গৰ্বনোমেট্রের প্রতিনিধি এড়মিনিস্ট্রেটরকে বলিলেন “শাস্তিরক্ষার ভার আমাকে দিন, আমি শাস্তিতে সকল কার্য সমাধা করাইয়া দিব।” এড়মিনিস্ট্রেট চারুবাবুর প্রস্তাবে সম্মত হইলেন এবং চারুবাবু শোভাযাত্রার পুরোভাগে থাকিয়া উহাকে সঙ্গে করিয়া লইয়া শুশানঘাট পর্যন্ত শাস্তির সহিত পছঁছাইয়া দিলেন।

১৯৩০ সালে চন্দননগর কলেজ পুনঃস্থাপনের জন্য নৃতনভাবে আন্দোলন চলিতেছিল। তখন চারুচন্দ্ৰ রায় চন্দননগরের মেয়ের এবং তিনি চন্দননগরের পক্ষ হইতে ফরাসী ভারতের প্রতিনিধি সভার অন্ততম সভ্যও ছিলেন। পূৰ্বে নানাপ্রকার চেষ্টা সহ্যও চন্দননগর কলেজ পুনঃস্থাপিত

হইতে পারে নাই। চারুবাবু পুনরায় চেষ্টা করিয়া গভর্ণমেণ্টকে কলেজস্থাপনে সম্মত করাইয়াছিলেন। আলোচনার পর স্থির হইয়াছিল যে, চন্দননগর মিউনিসিপ্যালিটি কলেজ পরিচালনের খরচ বাবদে বাংসরিক চারি হাজার টাকা দিলেই গভর্ণমেণ্ট কলেজ পুনঃস্থাপনে উত্তোলী হইয়া তাহার ব্যবস্থা করিবেন। কলেজ পুনঃস্থাপিত হইলে চারুবাবুর মধ্যাদা বাড়িয়া যাইবে মনে হওয়ায় কয়েকজন স্বার্থান্বিত নেতৃস্থানীয় ব্যক্তির কার্য কলেজ পুনঃস্থাপনের বিরোধী হইয়া উঠিয়াছিল।

সেই সময় চন্দননগরের নির্বাচকদের দুই তালিকার সাহেবদের তালিকা এবং দেশীয়দের তালিকা-একীকরণ করিবার জন্য আন্দোলন চলিতেছিল। সক্রিয় কোন আন্দোলন না করিলে গভর্ণমেণ্ট কিছুতেই প্রজাদের দাবীতে কর্ণপাত করিবেন না। এইরূপ বুঝিয়া সকল রাজনীতিক দল একমত হইয়া জনসভায় এই প্রস্তাব গ্রহণ করিলেন যে, বিভিন্ন কার্ডিন্সেলের সকল বাঙালী সভ্য সভ্যপদ ত্যাগ করিবেন এবং মিউনিসিপ্যালিটির কার্য চালাইবার জন্য যদি কমিশন নিযুক্ত হয় তাহা হইলে তাহারও সভ্যপদ চন্দননগরের কোন বাঙালী অধিবাসীই গ্রহণ করিবেন না। চারুবাবু বড়ই বিপদ গণিলেন। একদিকে জনসভায় গৃহীত প্রস্তাবের সম্মান রক্ষণ, অন্যদিকে কলেজ পুনঃস্থাপনের স্থূল্যে গ্রহণ। কি করা যাব ? চারুবাবু দেখিলেন, কলেজ পুনঃপ্রতিষ্ঠার এই স্থূল্যে ছাড়া খুব নির্বুদ্ধিতার কার্য হইবে। তিনি জনসভায় গৃহীত প্রস্তাবের বিরোধিতা বা করিয়া সভ্যপদে

ইস্তফা দিলেন। কিন্তু যতদিন না তাঁহার সভাপদত্যাগ গর্ভন কর্তৃক গৃহীত হয় এবং তাঁহার (অর্থাৎ মেয়রের) কার্য্যতার তাঁহার স্থলাভিষিক্তকে দেওয়া হয়, ততদিন পর্যন্ত আইনসঙ্গতভাবে তিনি স্বীয় পদে অধিষ্ঠিত রহিলেন এবং এই অবসরের পূর্ণ সুযোগ গ্রহণ করিয়া কাউন্সিল আহ্বান করিলেন এবং মিটনিসিপ্যালিটি হইতে গর্ভমেন্ট কর্তৃক প্রাপ্তি অর্থ বরাদ্দ করিয়া দিলেন। চারুবাবুর এই সংসাহস ও বিচক্ষণতা তাঁহার চরিত্রোচ্চিতই হইয়াছিল, কিন্তু ইহার জন্য তাঁহাকে একাধিক স্থান হইতে নানাকৃত বিরুদ্ধ সমালোচনা সহ করিতে হইয়াছিল। কিন্তু চারুবাবু তাঁহার প্রতিজ্ঞায় অটল রহিলেন এবং মাত্র একজন সাহেব সভ্য ম্সিয়ে লেহরোর সহযোগিতায় (তখন ম্সিয়ে লেহরো মিটনিসিপ্যাল সভায় সাহেব-তালিকা কর্তৃক নির্বাচিত অন্ততম সভ্য ছিলেন) গর্ভমেন্ট কর্তৃক প্রাপ্তি টাকা কাউন্সিল হইতে বরাদ্দ করিয়া দিলেন এবং এই কার্য্য দ্বারা তিনি কলেজ পুনঃস্থাপনের পথ পরিষ্কার করিয়া দিলেন। চন্দননগর কলেজ যদি চন্দননগরের অন্ততম উল্লেখযোগ্য প্রতিষ্ঠান হয়, তাহাহইলে উহার জন্য চারুবাবুর ধারা প্রাপ্ত তাহা চারুবাবুকে দিতে হইবে। সাধারণের কাজে জনতার নিকট হইতে হাততালি পাওয়াটাই কোন কালে চারুবাবুর লক্ষ্য ছিল না। কিন্তু নিম্না, স্বতি অগ্রাহ করিয়া প্রায় সকল সময়েই মাত্র দেশের মঙ্গলের দিকে লক্ষ্য রাখিয়াই তাঁহাকে তাঁহার কর্তৃব্যপালন করিতে দেখা গিয়াছিল

চারুবাবুর জীবনের আরও কয়েকটি কথার উল্লেখ করিলে, আশা করি, পাঠকের ধৈর্যচূড়ি ঘটিবে না। সত্য ব্যবহার তাঁহার কাছে সত্যই প্রিয় ছিল বলিয়া “সত্যং কৃষ্ণাং প্রিয়ং কৃষ্ণাঃ; ন কৃষ্ণাং সত্যম্ অপ্রিয়ং” সংস্কৃত ভাষায় প্রচলিত এই প্রবচনটি তাঁহার স্মৃতিতে আসিলে তিনি তাঁহার মস্তিষ্কে যেন একটা ঝালা অনুভব করিতেন। তিনি বলিতেন—সত্য সর্বদা এবং সর্বথাই সেব্য ও পালনীয় এবং যাহা অসত্য তাহা সর্বথা এবং সর্বদাই পরিত্যজ্য। সত্য অপ্রিয় হইলেও তাহা বলিবার মত সংসাহস সকলেরই থাকা উচিত।

১৯১৮ সালে চন্দননগর পুস্তকাগারের কার্যনির্বাহক সমিতির সভ্য নির্বাচনের ফলে চারুবাবু অন্তর্গতের সহিত সভ্য নির্বাচিত হন। বিপ্লবী নামে খ্যাত চারুবাবু নির্বাচিত হওয়ায় কার্যনির্বাহক সমিতিতে একটা সোরগোল পড়িয়া যায়। চারুবাবু চন্দননগরের একজন প্রসিদ্ধ ‘‘এনার্কিষ্ট’’। তাঁহার সহিত একসঙ্গে বসিয়া অন্তর্গত সভ্যেরা কিরূপে মাথা বাঁচাইয়া চলিতে পারিবেন! সভ্যদের এইরূপ মনোভাব দেখিয়া চারুবাবু নিজেকে একঘরে করিয়া সমিতির সভ্যপদ ত্যাগ করেন। পদ-লোপতা চারুবাবুকে কোন কার্যে আকর্ষণ করিতে পারিত না, ইহা তাহারই একটি উজ্জ্বল দৃষ্টান্ত। কিন্তু পুস্তকাগারের তদানিষ্ঠন কার্যকরী সমিতির সভ্যদিগের এইরূপ মনোভাব ও আচরণ নিশ্চয়ই নিম্ননীয় ও বিরুদ্ধ সমালোচনার ঘোগ্য। ষে ফুসৌ গভর্নমেন্ট বিপ্লবনেতা ৩অরবিন্দ ঘোষকে নিজরাজা

পঞ্চারীতে প্রকাশে আশ্রয়দান করিতে ইত্যন্ত করেন নাই, সেই গভৰ্ণমেন্টের অন্তুর্ভুক্ত থাকিয়া চন্দননগরের একদল লোকের এইরূপ আচরণ কোন দেশপ্রেমিকই সমর্থন করিতে পারিবেন না ।

স্বদেশী যুগের বহু-পূর্বৰ যথন চন্দননগর পুস্তকাগারের সহিত চারুবাবুর ঘনিষ্ঠ সম্পর্ক ছিল এবং যথন তিনি এই প্রতিষ্ঠানের অন্ততম পরিচালক ছিলেন, তখন পুস্তকাগার-বাটীতে কয়েকজন উৎসাহী শিক্ষিত যুবক চারুবাবুকে লইয়া মধ্যে মধ্যে একটি সাহিত্যালোচনাসভার অনুষ্ঠান করিতেন । এই সভায় বহু বিষয়ের আলোচনা হইত । কিছুদিন এইভাবে চলিবার পর চারুবাবু একটি সভায় এই মন্তব্য প্রকাশ করেন—মাত্র আলোচনার দ্বারা বিশেষ কোন ফলোদয়ের আশা নাই । সভায় আলোচনার ফলে যাহা অবশ্যকরণীয় বলিয়া স্থিরীকৃত হইবে যদি প্রত্যেক, সভ্য তাহা অবশ্যপালনীয় বলিয়া তাহাদের স্ব স্ব জীবনে পালন করিতে প্রতিজ্ঞাবদ্ধ না হন, তাহা হইলে তাহাদের এইরূপ আলোচনা নির্বর্থক । তাহার সহিত অন্যান্য সভ্যেরা একমত না হওয়ায় তিনি সভার সহিত সকল সম্পর্ক ত্যাগ করেন । পক্ষপাতিষ্ঠদোষ তিনি যুগার চক্ষে দেখিতেন । এই দোষটি ব্যাপকভাবে দেশে বর্তমান দেখিয়া তিনি প্রায়ই অভিমানীয় বিচলিত হইতেন এবং ষেখনে উহা দেখিতেন সেখানকার সহিত তিনি সকল

সম্পর্ক ত্যাগ করিতেন।

চারুবাবুর চতুর্থস্থিতি জন্মোঁসের উপলক্ষে কলিকাতা
বিশ্ববিদ্যালয়ের পালির অধ্যাপক বিদ্বান ও জ্ঞানবান ডক্টর
বেনীমাধব বড়ুয়ার মুখ হইতে যে সন্দর্ভ গ্রন্থকার লিখিয়া
আনিয়াছিলেন তাহা হইতে একটি প্রধান অংশ উকৃত
করিয়া আমি এই পরিচ্ছদের উপসংহার করিতেছি—“His
retirement from the Dupleix College was no
doubt a serious loss to the institution, while
to me, it was a great gain, because both of
us being daily passengers to Calcutta and
coming by the same train, I could avail
myself of many an opportunity of talking
together, heart to heart, our conversation
embracing all subjects of human interest and
cultural importance. He never allowed to
feel any discomfort because of our difference
in age. One thing always struck me, namely,
the alertness and receptivity of his intellect.
It often appeared, as if there was no subject
of importance in which he did not feel interest,
on which he had no information and which
he was not eager to know. The childlike

simplicity and inquisitiveness was very frequently manifest in his looks and beaming face. There was no occasion in which he had not regretted that he could not begin again his life from the very beginning. The great point in his conversation was the soundness of his opinion, the accuracy of his observation, his grasp of the principles and the methodical approach of the issues involved. He would always impress me, as a lover of ancient art and architecture, as a great admirer of modern scientific method of investigation and application, a sincere worshipper of everything — literature, religion, history which went to build up our civilization. He was adamant and unyielding on certain points and maintained, therefore, strong views of his own. If it was a question between a scientifically trained medical practitioner and an apothecary, he would rather die at the hands of the former than live a hundred years more by the charms of the latter. A man of his talent and out-

look and high intellectual capacity and moral stamina is rare indeed in the whole of Bengal. He is a man with courage of conviction, with the boldness of calling a spade a spade and stick to his honest opinion, no matter how others take it to be."

“ডুপ্লেক্স কলেজ হইতে চারুবাবুর অবসরগ্রহণ কলেজের পক্ষে যে অত্যধিক ক্ষতির কারণ হইয়াছিল তাহাতে সন্দেহে নাই, কিন্তু উহাতে আমি নিজে খুব লাভবান হইয়াছিলাম। আমরা উভয়েই এক ট্রেনে কলিকাতায় যাইতাম ও একই ট্রেনে ফিরিতাম এবং এই সময়ে আমি তাহার সহিত মাঝুষের সকল প্রকার কর্মের ধারা ও কৃষ্ণ সম্বন্ধে ঘনিষ্ঠভাবে আলাপ করিবার স্বয়েগ পাইতাম। বয়সের তারতম্যের জন্য আমাকে কথনও কোনরূপ অস্বস্তি বোধ করিতে হয় নাই। তাহার অতল্পন্ন, সজাগ বুদ্ধিভূতি দেখিয়া আমি বিশ্বিত হইতাম। আমার প্রায়ই মনে হইত যে, এমন কোন গুরুত্বপূর্ণ বিষয় নাই, যাহা জানিতে তিনি আগ্রহাপ্তি নন বা ষাহার সম্বন্ধে তিনি কিছু না কিছু জানেন। তাহার হাবভাবে ও উজ্জ্বল মুখ্যগুলে শিশুর সারল্য ও ঔৎসুক্য প্রায় সকল সময়েই বিস্তীর্ণ থাকিত। একেবারে গোড়া হইতে পুনরায় জীবন আরম্ভ করিতে পারা যাইবে না বলিয়া

তিনি সকল সময়েই আক্ষেপ করিতেন। তাঁহার সহিত
কোন বিষয়ের আলোচনাকালে তাঁহার মতের বিচ্ছিন্নতা,
বস্তুর অন্তর্ণ্য ঘথার্থ কৃপদর্শনক্ষমতা, বিচারের মূল
শুভ্রগুলি এবং বিচার্য বিষয়ের পরিবেশের প্রতি সুসংবন্ধ
দৃষ্টি, এই সকল বিষয় বিশেষ করিয়া লক্ষ্য করিবার
থাকিত। প্রাচীন শিল্প ও স্থপতি বিদ্যা এবং অনুসন্ধান
ও গবেষণার উপযোগী বর্তমান বৈজ্ঞানিক পদ্ধা সকলের
প্রতি আন্তরিক অনুরাগ এবং যে সাহিত্য, ধর্মবিশ্বাস ও
ইতিহাস আমাদের সভ্যতাকে গড়িয়া তুলিয়াছে সেই
সকলের প্রতি যে তিনি গভীর শ্রদ্ধাসম্পন্ন, তাহা আমি
বেশ বুঝিতে পারিতাম। কোন কোন সময়ে তিনি তাঁহার
মত এত দৃঢ়তার সহিত ব্যক্ত করিতেন যে, তাহা হইতে
তাঁহাকে কিছুতেই বিচুত করিতে পারা যাইত না।
একজন তেতুড়ে চিকিৎসকের তন্ত্র মন্ত্র দ্বারা আরোগ্যস্ফুর
করিয়া শতবর্ষ বাঁচিয়া থাকা অপেক্ষা একজন বিজ্ঞানসম্মত
শিক্ষাপ্রাপ্ত চিকিৎসকের চিকিৎসায় বরং মৃত্যুবরণ তিনি
বাস্তুনীয় মনে করিতেন। তাঁহার শ্রায় মেধা, বিশ্বাবৃদ্ধি ও
নীতিবোধসম্পন্ন ব্যক্তি বাস্তবিকই সারাবঙ্গে অতীব বিরল।
তাঁহার চরিত্রে আত্মবিশ্বাসজনিত সংসাহস ছিল। সত্য
ব্যবহার ছিল তাঁহার চরিত্রের বিশেষত্ব। অন্তের মতামত
যাহাই হউক না কেন, তিনি তাঁহার অন্তর দিয়া যে
মতটি গ্রহণ করিতেন, তাহা হইতে কোন অবস্থায়ই বিচুত

হইতেন না।”

চারুবাবু সম্বন্ধে আলোচনা উপলক্ষে তাঁহার কোন কোন সহকর্মী তাঁহার একটি কার্য সম্বন্ধে সম্মানহানিকর উক্তি করিয়া তাঁহার চরিত্র খাটো করিতে চেষ্টা পাইয়াছেন। এইরূপ উক্তি হয়ত বিদ্বেষসংজ্ঞাত নহে; কিন্তু তাঁহাদের উক্তি হইতে মাত্র ইহাই বুঝিতে হইবে যে, চরিত্রে এবং আদর্শে তাঁহাদের সহিত চারুবাবু সমপর্যায়ভূক্ত ছিলেন না। কার্যাটি হইতেছে—অরবিন্দ বাবু যখন চন্দননগরে গৃপ্তভাবে অবস্থান করিতে আসিয়াছিলেন, তখন প্রথমে তিনি চারুবাবুর বাটীতে উঠিতে চাহিয়াছিলেন। চারুবাবু অরবিন্দ বাবুকে তাঁহার বাটীতে উঠিতে দিতে সম্ভত হইতে পারেন নাই। কাহারও কাহারও নিকট এটি চারুবাবুর একটী অমার্জনীয় অপরাধ বলিয়া গৃহীত হইয়াছে। কিন্তু অরবিন্দ বাবু যতদিন চন্দননগরে ছিলেন তাহার মধ্যে বেশী দিনই তিনি ভাড়াটে বাড়ীতেই বাস করিয়াছিলেন। তিনি চারিদিন ছিলেন বোড়াইচগৌতলানিবাসী ৩মতিলাল রায় মহাশয়ের বাটীতে, একদিন ছিলেন তিনি খেজুরতলানিবাসী ৩সন্তোষচন্দ্র দে মহাশয়ের বাটীতে, কিছুদিন ছিলেন তিনি নিচুপটীতে, কিছুদিন ছিলেন তিনি গোলমপাড়ায় এবং অবশিষ্ট কয়দিন তিনি ছিলেন বাগবাজারস্থিত ‘করের বাগানে’। তারপর চন্দননগরে অবস্থান না করিয়া তিনি পশ্চিমারীতে গমন করেন এবং তথায় মৃত্যুদিবস পর্যন্ত

(৪০)

অবস্থান করেন। মোট কথা তখন অরবিন্দ বাবুর চন্দননগরে
অবস্থান করা ব্যাপারটিই সকলের পক্ষে নিরাপদ বলিয়া গণ্য হয়
মাই। তাহার পর অরবিন্দ বাবু বিপ্লবতন্ত্র পরিত্যাগ করিয়া
বেদান্ত পথাশ্রয়ী হন এবং সেই পথেরই যাত্রী অবস্থায়
ইহলীলা সংবরণ করেন।

অন্তিম অংশ

কানাইলালের জীবনের ই'একটি কথা

কানাইলালের মাতুলালয়ের নিকটে উত্তর দিকে
কালীতলায় গ্র্যান্ট ট্রাঙ্ক রোডের পশ্চিম পাশে অবস্থিত
একটি বস্তি—এখন যেখানে একটি শিশুবিদ্যালয় স্থাপিত
হইয়াছে—কয়েকখানি চালাঘর ছিল। এক রাত্রে এই
বস্তিতে আগুন লাগে। আগুন লাগিলে যেরূপ সৌর-
গোলের সৃষ্টি হইয়া থাকে তাহার কোন অভাবই তথায়
দৃষ্ট হয় নাই। যিনি যেখানে ঘাস পাইলেন—বালতি,
বর্তনাদি লইয়া নিকটস্থ পুক্ষরিণী হইতে জল আনিয়া অগ্নি-
নির্বাপনকার্যে লাগিয়া গেলেন। কানাইলালও পূর্ণ
উৎসাহে সেই কার্যে যোগ দিয়া তাঁহার কর্মপ্রবৃত্তি
চার্যতার্থ করিলেন। যাহাদিগকে চালার মটকার উপর
উঠিয়া চালায় জল ঢালিতে দেখা গিয়াছিল, কানাইলাল
তাঁহাদের মধ্যে অন্ততম। কানাইলাল সেদিন বরে ভুগিতে
ছিলেন।

মাতুলালয়ে অবস্থানকালে গ্র্যান্ট ট্রাঙ্ক রোডের
পূর্বে অবস্থিত বহির্বাটীর দ্বিতীয় কানাইলাল শয়ন
করিতেন। এই দ্বিতীয় বাটীর উপরতলাটি এখন নাই।
এক রাত্রে চন্দননগরের পূর্ব প্রান্তে প্রবাহিত ভাগিরথী
নদীর পূর্বদিকে অবস্থিত চটকলের কয়েকজন সাহেব
কর্মচারী চন্দননগরে আসিয়া মঞ্চপান করিয়া কানাইলালের

মাতৃলালয়ের অন্তিমদূরে বিষম হল্লা করিতেছিল। শয়ন-কক্ষ হইতে কানাইলাল এই হল্লা শুনিয়া নিচে নামিয়া আসিয়া তাহাদিগকে হল্লা করিতে নিষেধ করিলেন, কিন্তু যখন তাহারা কানাইলালের কথা শুনিল না, তখন মাতাল সাহেবগুলিকে খুষ্টাখাত দ্বারা ছুরস্ত করিয়া তথা হইতে কানাইলাল তাহাদিগকে তাড়াইয়া দিলেন। সাহেবগুলিকে ঠাঙ্গাইতে কানাইলাল খুব আমোদ উপভোগ করিয়াছিলেন। এই মারের পর এই পাড়ায় এইরূপ অবস্থা দাঢ়ায়াছিল যে তথায় আর কেহ কোনদিন হল্লা করিতে সাহসী হইত না।

প্রবেশিকা পরীক্ষা দেওয়ার পর কানাইলাল কয়েক মাসের জন্য কলিকাতায় ফেয়ারলী মেসে টষ্ট ইণ্ডিয়ান রেলওয়ের এজেণ্ট আফিসে চাকুরী করিয়াছিলেন। চাকুরী করিতে যাইয়া একটী বিষয়ে তঁহার ষে অভিজ্ঞতা হইয়াছিল, তাহা তিনি বর্ণনা করিতে খুব আমোদ পাইতেন। কাজ করিতে করিতে যাহাদের চুলুনি আসিত, তাহাদিগকে ডিপার্টমেন্টের কর্তৃরা খাতার উপর কলম ধরিয়া চুলিতে অভ্যাস করিতে বলিতেন। কানাইলাল এই চাকুরিকে তঁহার জীবনের উপর্যোগী কর্ম বলিয়া গ্রহণ করিতে পারেন নাই।

১৯০৭ খুষ্টাখে যখন বিদেশী-বঙ্গে আন্দোলন পূর্ণমাত্রায় চলিতেছিল, তখন 'ওয়ারেন্স সার্কাস' নামক একটি বিলাতী সার্কাস কোম্পানী চন্দননগরে সার্কাস দেখাইতে

আসিয়াছিল। শ্রদ্ধেয় চারুচন্দ্ৰ রায়ের বাটীতে কানাইলাল
প্ৰভৃতি কয়েকজন মিলিয়া পৱামৰ্শ আঠিলেন। এই সার্কাস
কোম্পানীকে ‘বয়কট’ কৱিতে হইবে। ‘বয়কট দি ফিরিংগীজ’
লেখা ‘পোষ্টাৰ’ প্ৰস্তুত কৱা হইল এবং পোষ্টাৰগুলি
সহৱেৰ নানাস্থানে রাত্ৰে মধ্যেই আঠিয়া দেওয়া হইল।
দল বাঁধিয়া খেলাস্থলে ‘পিকেটিং’ চালান হইল। পিকেটাৰ-
দিগেৰ সহিত সার্কাস কৰ্ত্তাদেৱ ভীষণ সংঘৰ্ষ হইল।
যেখানে যাহা পাওয়া গেল তাহাই লইয়া পিকেটাৰগণ
মারপিট আৱস্থ কৱিয়া দিলেন। চন্দননগৱেৰ প্ৰসিদ্ধ বিশ্ববৌ
ষ্টুপেজ্জনাথ বন্দ্যোপাধ্যায় মহাশয়ও পিকেটাৰদলভুক্ত
ছিলেন। তিনি ঘটনাস্থলে প্ৰাপ্ত একখানি বড় ডঙ্গা লইয়া
অনেককে আঘাত কৱিয়া জখম কৱিয়া দিয়াছিলেন।

কানাইলালের দ্বিতীয় ডগীর নিকট হইতে প্রাপ্ত কানাইলাল সমন্বে হই একটি কথা

৩মতিলাল রায় তাঁহার দ্বারা লিখিত “কানাইলাল”
পুস্তকে লিখিয়াছেন—কানাই প্রতিদিন আড়াই সের করিয়া
মহিষের হৃষ্ট পান করিতেন। কানাইলালের ভগীকে এবং
কানাইলালের জ্যেষ্ঠ ভাতা শ্রীআশুতোষ দত্ত মহাশয়কে
জিজ্ঞাসা করিয়া এই কথাটির সমর্থন পাওয়া যায় নাই।
তা ছাড়া, আড়াই সের মহিষ হৃষ্ট পান করিয়া হজম করার
গঠিত শরীর কানাইলালের ছিল না। তবে ইহা সত্য
যে মহিষ হৃষ্ট কানাইলালের প্রিয় খাদ্য ছিল। ভাত, কুটি
ব্যতীত মুড়ি, কলা, নারিকেলও তাঁহার প্রিয় খাদ্য ছিল।
চাপটুলি খাইয়া বসিয়া আহার করা অপেক্ষা উপুড় হইয়া
বসিয়া খাইতে কানাই ঘেন আরাম পাইত। প্রায়ই
দেখা যাইত খাইবার সময় বিড় বিড় করিয়া কি ঘেন
বলিতেছে, দেখা যাইত ভাতের থালায় আঙুল দিয়া কি
লিখিতেছে। কোন দিন বা দেখা যাইত হৃধ না খাইয়াই
উঠিয়া পড়িয়াছে।

বি. এ. পরীক্ষা দিবার পর একদিন অপরাহ্নে তিনটাৱ
পৱ, মা'ৱ নিকট হইতে খাইবার জন্ম কানাই একটু হৃধ
চাহিল। তখন হৃধ ছিল না। মা তাহাকে মুড়ি, কলা,
নারিকেল খাইতে দিলেন। কানাই মা'কে বলিল—মা,
কিছু দিনেৱ জন্ম আমি কলকাতায় যাবো। মা জিজ্ঞাসা

করিলেন, ‘কতদিন থাকবি?’ কানাই উত্তর করিল—‘মাস
থাবেক’। কানাইলাল বা তাহার মাতা জানিতেন না যে
কানাইলালের এই যাওয়াই মাতার নিকট হইতে তাহার
শেষ বিদায় গ্রহণ।



কানাইলালের রিভলবারপ্রাণ্যোগ

কানাইলাল যে কার্য করিয়া বাঙালীর শৰ্দা ও পূজা পাইতেছেন এবং ভারতবাসীমাত্রেরই নিকট হইতে শৰ্দা ও পূজা পাইবার অধিকারী হইয়াছেন, সেই কার্যটি বিষ্ণব-পন্থীদের গুপ্ত সমিতির দ্বারা নির্ধারিত একটি কার্য-বিশেষ। এই কথাটি মনে রাখিয়া বিষ্ণুটির বিবরণ দিতে প্রযুক্ত না হইলে কার্যটির প্রকৃত রূপ ফুটিয়া উঠিবে না। ব্রিটিশ ভারতে অস্ত্র আইন প্রতিষ্ঠিত থাকায় খোলাখুলি-ভাবে আগ্নেয়ান্ত্র সংগ্রহ করা ছিল অসম্ভব—অতএব অস্ত্র ঘোড়াড় করিতে হইলে তাহা গুপ্তভাবেই ঘোড়াড় করিতে হইত। কানাইলালের কার্যের জন্য সর্বাংগে প্রয়োজন হইয়াছিল--গোপনে রিভলবার ঘোড়াড় করা এবং উহা ঘোড়াড় করার পর গুপ্তভাবে উহাকে আলিপুর জেলে প্রবিষ্ট করাইয়া তথায় আবন্দ বিষ্ণবীদের হস্তগত করাইয়া দেওয়া এবং এই কার্যটি করার পর সংগৃহীত অস্ত্রদ্বারা অস্ত্রসংগ্রহের উদ্দেশ্য সিদ্ধ করা। বিষ্ণবীদের কার্যের জন্য চন্দননগর হউতে আগ্নেয়ান্ত্র সংগৃহীত হইয়াছিল এবং সংগৃহীত অস্ত্রগুলির মধ্যে দুইটি রিভলবার গোসাইবধ দিবসের দুই তিন দিন পূর্বে আলিপুর জেলে প্রবিষ্ট করান হইয়াছিল। এ কথা সত্য যে একেলা কেহই কানাইলাল ও সত্যেন্দ্রনাথকে রিভলবার ঘোড়াইবার সৌভাগ্যে



মতিলাল রায়

সৌভাগ্যবান হইতে পারেন নাই। এই কার্যটিকে
সৌভাগ্যবানের একটি কার্য বলিয়া অভিহিত করিলাম
এইজন্ম যে, এখন চন্দননগরের একাধিক নাগরিক এই
কার্যের অসঙ্গত কর্তৃত্বের দাবী করিয়া অস্বিজ্ঞাপনের পথে
অগ্রসর হইয়াছেন। এইরূপ প্রচেষ্টা হইতে ইহাই
প্রমাণিত হয় যে, যাহারা গুপ্ত সমিতির কার্যে লাগিয়া-
ছিলেন তাহাদের মধ্যে কেহ কেহ মিথ্যা ঘণ্টের মোহ
ত্যাগ করিতে না পারিয়া মিথ্যাবাদিতার আশ্রয় লইয়াছেন।
যে ছইটি রিভলবার গোস্টাইবধিদিবসের ছই-তিনি দিন পূর্বে
আলিপুর জেলে প্রবিষ্ট করান হইয়াছিল তাহা পরলোকগত
মতিনাল রায় কলিকাতায় তাহার কর্মস্থানে অর্থাৎ জর্জ
হেণ্টারসন কোম্পানীর আফিসে লইয়া গিয়া তথায়
রাখিয়াছিলেন। চন্দননগরের গোল্ডলপাড়ানিবাসী শ্রীবসন্ত-
কুমার বন্দ্যোপাধ্যায় সেই রিভলবার ছইটি মতিবাবুর কর্মস্থান
হইতে লইয়া গিয়া কলিকাতায় নিজবাসায় রাখিয়াছিলেন।
তারপর একটি রিভলবার তিনি নিজে আলিপুর জেলে
উপেন্দ্রনাথ বন্দ্যোপাধ্যায়ের হস্তে এবং অন্তিম চন্দন-
নগরের ফটকগোড়ানিবাসী শ্রীশচন্দ্র ঘোষ লইয়া যাইয়া
কানাইলালের হস্তে দিয়া আসিয়াছিলেন। সন্তুষ্টঃ এই ছইটি
রিভলবারই গোস্টাইবধকার্যে ব্যবহৃত হইয়াছিল। গুপ্ত-
সমিতির কর্মীরা ষেরুপ সফলতার সহিত গোস্টাইবধ কার্যটি
নিপুনভাবে সম্পাদন করিয়াছিলেন তাহার জন্ম এই কার্যের

সহিত সম্পর্কিত সকল কষ্টাই দেশবাসীর শুকার পাত্র। ইংরাজ
শাসক বা অন্য কেহ কখনও স্বপ্নেও ভাবিতে পারেন নাট
যে, বাঙ্গালী এতটা সাহসী হইয়া একপ কৌশলে এই কাষ্ট'টি
কৃতকাষ্ট'তার সহিত সম্পাদন করিতে পারিবেন। সে যাহা
হউক, কানাইলালকে এই কাষ্ট'টি সম্পাদন করিবার জন্য
যে আত্মাগ করিতে হইয়াছিল তাহা অতুলনীয়। আত্ম-
তাগের এমন উজ্জ্বল, অপূর্ব, বিশ্বয়কর দৃষ্টান্ত সকল দেশেই
অতীব বিরল ! তবে এই প্রসঙ্গে শহীদ কুদিরাম বসু ও
দীনেশচন্দ্র রায় ওরফে প্রফুল্লকুমার চাকীর নাম সমভাবে
শ্মরণীয়। ইঁহারা যেভাবে আত্মত্যাগ করিয়া বিশ্বদরবারে
বাঙ্গালীর মুখোজ্জ্বল করিয়া গিয়াছেন, তাহাতে বিশ্বইতিহাসে
চিরদিনই বাঙ্গালীর নাম কৌতুহল হইতে থাকিবে।



বসন্তকুমার বন্দোপাধার

ভারতের স্বাধীনতা

ইংরাজ রচিত ও প্রবর্তিত আইন কানুন মানিয়া এবং ইংরাজের সহিত মিত্রতা বজায় রাখিয়া দেশসেবা করাটা যে প্রকৃত দেশসেবা নহে এই বোধ যখন কতিপয় শিক্ষিত দেশবাসীর মনে বদ্ধমূল হইল, তখন দেশে একদল হিংসাত্মক বিপ্লবপন্থীদের লইয়া গুপ্তসমিতিসকল গড়িয়া উঠিল এবং তাহাদের দেশসেবার মূলমন্ত্র হইল আত্মাভূতি দিয়া অর্থাৎ প্রকৃত মরিয়া হইয়া দেশের কাজে লাগিয়া যাওয়া। বিপ্লববাদীদের প্রেরণার প্রকৃত রূপ দিয়াছেন পরবর্তীকালে করি নজরুল ইসলাম। তিনি গাইয়াছেন—

“ভয় দেখিয়ে ক'চ শাসন,
জয় দেখিয়ে নয়,
ভয়ের মাথায় মারবো লাঠি,
করবো তারে জয়।”

দেশশক্ত ও দেশজ্ঞেইর মনে ভৌতি সংগ্রাম করাই হইল বিপ্লবধর্মীদের মূলনীতি বা প্রধানতম কার্য। কিন্তু ইহার ফলে ইংরাজ এদেশ হইতে চলিয়া যাইবে অথবা দেশবাসীর নিছক কল্যাণের দিকে লক্ষ্য রাখিয়া ইংরাজ দেশশাসকগণ শাসনসংস্কারে প্রবৃত্ত হইবেন কিনা—মনে হয়—বিপ্লবীদের এই বিষয়ে কোন স্বপ্নষ্ট ধারণা ছিল না। ভারতে ইংরাজ রাজ্য যে ক্রমশঃ দৃঢ় হইতে দৃঢ়তর হইয়া আসিয়াছিল

তাহা কেবল ইংরাজের বীরভূতের ফলে নহে। ইহা সম্ভব হইতে পারিয়াছিল ইংরাজের রাজনীতির কৌশলকুশলতায়, এবং সেইসঙ্গে ভারতবাসীর ঐক্যানুভূতির এবং তদুপযোগী ব্যবহারের ও কার্য্যের অভাবের জন্য। ইংরাজের নিকট হইতে সুশাসন প্রার্থনাই ছিল ভারতের রাজনীতিকদের কর্মবেদ। পরে ১৯০৬ সালে কলিকাতায় পূর্বোল্লিখিত জাতীয় কংগ্রেসের দ্বাবিংশতিতম অধিবেশনে উহার সভাপতি দাদাভাই নোরজী ইংরাজ রাজনীতিক স্থর হেনরী ক্যাম্পবেল ব্যানারম্যানের উক্তি “সুশাসন কখনই স্বায়স্বাসনের স্থান গ্রহণ করিবার উপযুক্ত হইতে পারে না” তাহার ভাষণের প্রারম্ভে যখন উচ্চেস্তরে ঘোষণা করিলেন তখন রাজনীতিক ভারতবাসী যেন একটি নৃতন আলোকের সন্ধান পাইলেন। ইংরাজ ভারতের ছাত্রদিগকে কলেজে বার্কের ‘*Reffexions on the Revolution in France*’ এবং “*Speech on American Taxation*” প্রভৃতি বিশ্ববিখ্যাত পুস্তক সকল পড়িতে দিতে আপত্তি করেন নাই; কিন্তু যখন সভায় সভায় “বন্দেমাতরম্” ধ্বনি উৎপন্ন হইতে লাগিল এবং দেশের সর্বত্র স্বদেশী দ্রব্য ব্যবহার ও বিদেশী দ্রব্য বর্জন প্রতিজ্ঞা গৃহীত হইতে লাগিল তখনই তাহারা ক্ষিপ্ত হইয়া উঠল এবং মাথা ঠিক রাখিতে পারিল না। কিন্তু ইংরাজের রক্তচক্ষু ভারতবাসীকে, বিশ্বেষতঃ বাঙালীকে, ভীত দমিত না করিয়া তাহাকে দারুণ সাহসী করিয়া তুলিল। কোন্ স্বর্গের আশায় বাঙালী বীরগণ যে নিজেদের

এবং দেশের শাসকবর্গের জীবন লইয়া ছিনিমিনি খেলিতে
লাগিয়া গেলেন তাহা তাহারা জানিতেন না ; কিন্তু যাহারা
সেই সময়ের বিশিষ্ট আলো-বাতাসে চলাফেরা করিতেছিলেন
তাহারা ইহাকে কোন দেবযজ্ঞের প্রজ্ঞলিত অগ্নি বলিয়াই
গ্রহণ করিয়া লইয়াছিলেন । পূর্বে দেশ বিদেশের ইতিহাসের
বিশেষ বিশেষ অধ্যায়ে এইরূপ অগ্নি প্রজ্ঞলিত হইয়া
গিয়াছে ও এখনও হইয়া চলিয়াছে এবং এই অগ্নি
প্রজ্ঞলিত রাখিবার জন্য যে সমিধি ব্যবহৃত হইয়া আসিতেছে
তাহা প্রধানতঃ যাজ্ঞিকদিগের আত্মাহৃতিতেই পৃষ্ঠ । বৈজ্ঞানিক
অবৈজ্ঞানিক সকলেই এখন মানিয়া চলিতেছেন যে জগতে
কোন ঘটনাটি বিনা প্রয়োজনে ঘটে না । ইহাটি যদি সত্য
হয়, তাহা হইলে বলিতেই হইবে যে ভারতের বর্তমান রাজ-
নীতিক স্বাধীনতা আনয়নে বাঙ্গালী অবাঙ্গালী রাজদেহী
তথা বিমলবীগণ বড় অল্প অংশ গ্রহণ করেন নাই । সত্য-
রাজ্যে রাজদেহীতা পাপ ও দুর্বীলিপুষ্ট রাজ্যে ইহাটি
পুণ্য । এখন রাজনীতিক স্বাধীনতা সকল দেশেরই কামা
হইয়া উঠিয়াছে ; কিন্তু বিগত মহাযুক্তে যাহা দেখা গেল তাহা
হইতে শিক্ষা করিবার অনেক কিছু আছে । মাত্র রাজনীতিক
স্বাধীনতাই কোন দেশ বা জাতিকে স্বাধীন চিহ্নিম মস্তিষ্ক
প্রদান করিতে পারে না । বিগত মহাযুক্তগুলির পূর্বে স্বাধীন
জার্মান ও স্বাধীন জাপান খুবই শক্তিশালী জাতি বলিয়া পরিগণিত
ছিল, কিন্তু আজ তাহাদের অবস্থা কিরূপ ? সকল স্বাধীন

জাতিকেও বুঝিতে হইবে—স্বাধীনতা উচ্ছ্বাসলতা নহে। ঘরে
বাহিরে সর্বথা এবং সর্বদা সর্ববিধ উচ্ছ্বাসলতা তাগই
স্বাধীনতাভোগমন্দিরের প্রথম মধ্য ও শেষ সোপান। এই
সত্যকে মনে প্রাণে এবং কার্যে বরণ ও পালন করিতে
হইবে। ‘আত্মাই আত্মার বন্ধু এবং আত্মাই আত্মার শত্রু’
মহুষ্যসমাজেও ইহা অপেক্ষা বড় সত্য আর নাই। যে
জাতি এই সত্য স্বীকার না করিয়া তাহার বিরুদ্ধাচরণ করিবে
তাহার ক্ষঁশ অনিবার্য। ছনিয়ার মহুষ্য সমাজের ভাঙা-
গড়ার ইতিহাস এই সত্যেরই একরূপ আত্মবিকাশ।
ভগবানের নিকট প্রার্থনা যেন আমরা এইরূপ সজ্ঞাগ বুদ্ধির
আশ্রয় লইয়া আমাদের জাতীয় জীবন অতিবাহন করিয়া
যাইতে পারি।



ଆଶଚ୍ଛଦ ସୋବ

কানাইলালের আঘার উদ্দেশ্য

উজ্জ্বল জ্যোতিক্ষম বঙ্গের গগনে,
নৃতন বীরভূত তব উজলিয়া দিশি,
করিলে বিস্মিত যবে ভারতীয় জনে,
আঘার হইল দূর, প্রভাতিল নিশি ।

ভারতের ইতিহাসে খ্যাত বহু বীর,
তাদের কৌর্ত্তিতে তারা হয়েছে অমর ;
ক্লীবতা জিনিয়া, পুনঃ, কানাই স্বীর,
নবশক্তি বহাইলে দেশে, শক্তিধর ।

রাষ্ট্রবুদ্ধি, দেশে তার বড়ই অভাব,
মন্ত্রগুপ্তি কারে বলে জানে বা তা কেহ,
অস্ত্রাঘাতে দেখা দেয় কদর্য স্বভাব,
পরহচ্ছে সৰ্পে দেয় আপনার গেহ ।

শিক্ষা তব হয়েছিল মারাঠার দেশে,
বঙ্গেতে আসিয়া তুমি পুনঃ দীক্ষা নিলে ;
বিশ্বাসঘাতকে বধি, নাশিয়া নিঃশেষে,
কৌর্ত্তিক্ষেজা সগৌরবে স্ফুটচে স্থাপিলে ।

ଲିଖନ ପଠନେ ତୁମି ଅଜ୍ଞ ନାହି ଛିଲେ,
ଗୁରୁଜ୍ଞନ ତବ ତାହା ଏକ ବାକ୍ୟେ କର୍ଯ୍ୟ ;
ପଠନେରେ କର୍ମଧାରୀ ସାର୍ଥକ କରିଲେ,
କର୍ମେର ପ୍ରବାହ ସେଇ ଏଦେଶେତେ ବୟ ।

ତୁମି ଚଲେ ଗେଛ ରେଖେ ଆଦର୍ଶ ତୋମାର
ଅଦେଶ-ସଜ୍ଜତେ ପୂତ ଆଜ୍ଞାହତି ଦିଯା ;
ମୋରା ସେଇ ଉପଯୁକ୍ତ ହିଁ ହେ ତାହାର,
ପ୍ରୟୋଜନେ ଅବହେଲେ ଆଜ୍ଞା-ବିସର୍ଜିଯା ।

ଯଥା ଥାକ, ଦେବ ! ତୋମା ଭୁଲିବେନା ଦେଶ,
ମୁକ୍ତ ଆଜି ସତ୍ୟ ତାହା, ଶୁଚେ ସେଇ କ୍ଳେଶ ।



କାନାଇଏର ଅବଦାନ

କାନାଇଲାଲେର ବୀରଭଗଥା ଗାହିତେ ସାଇୟା ତାହାର ପୂର୍ବଗତ ଆଦର୍ଶ କର୍ମୀଦୟ ପ୍ରଫୁଲ୍ଲକୁମାର ଚାକି ଏବଂ କୁଦିରାମ ବନ୍ଧୁର ନାମୋଚ୍ଚାରଣ ନା କରିଲେ ଲେଖନୀର ମର୍ଯ୍ୟାଦା ରକ୍ଷିତ ହଇବେ ନା । ସତ୍ୟ ବଟେ, ବିଶ୍ୱନିୟମାନ କର୍ତ୍ତବେର ସାହିରେ କୋନ କାର୍ଯ୍ୟାଇ ସଂସ୍ଥିତ ହ୍ୟ ନା, କିନ୍ତୁ କେବେ ଯେ ତିନି ଛଇଟି ନିରପରାଧ ଇଂରାଜେର ଜୀବନାନ୍ତ ଘଟାଇୟା ଛଇଜନ ବରେଣ୍ୟ ଦେଶ-ସନ୍ତାନେର ଇହଲୀଲା ସାଙ୍ଗ କରାଇଲେନ, କେ ତାହାର ତ୍ରୁଟି ନିରପରାଧ ଇଂରାଜକେ ପ୍ରାଣ ଦିତେ ହେଇଯାଇଛେ, ଆର ଆମାଦେର ପାପେ ଆମରା ଦେଶେର ବଳ ଶୁସ୍ତାନକେ ଅକାଲେ ହାରାଇଯାଇଛି ।

ଏଥନ ଜାତି ଗଡ଼ିୟା ଉଠିଯାଇଛେ ବଲିଲେ ନିଶ୍ଚଯଇ ସତ୍ୟ ବଲା ହଇବେ ନା, କିନ୍ତୁ ଜାତି ଯେ ଗଠନେର ପଥେ ଚଲିଯାଇଛେ, ଇହା ବିଶ୍ୱାସ ନା କରିଲେ ଦେଶବାସୀ କୋନ୍ ମନ୍ତ୍ରେ ସଞ୍ଚୀବିତ ଥାକିବେ ? ଦୀର୍ଘକାଳ ପରାଧୀନ ମୃତପ୍ରାୟ ଥାକିଯା ଜାତି ଏଥନ ଆଧୀନ ହେଇୟା ନିଜେର ଭାଗ୍ୟେର ନିୟମା ହେଇୟାଇଛେ ; ଶୁତରାଂ ଏଥନ ଜାତିର ପ୍ରତି କେହ ବିଶ୍ୱାସଧାତକତା କରିଲେ, କୋନ ବ୍ୟକ୍ତିବିଶେଷକେ ବା କୋନ ଖଣ୍ଡ-ପ୍ରତିଷ୍ଠାନକେ ତାହାର ପ୍ରତିକାରେର ଉପାୟ ସନ୍ଧାନ କରିଲେ ହେଇବେ ନା—ଏଥନ ରାଷ୍ଟ୍ରଟି ଜାତିର ପ୍ରତି ବିଶ୍ୱାସ-

ঘাতকতার দণ্ডবিধান করিবে। তবে কি আমাদের দেশে
এখন আর কানাইলালের মত বীর যুবকের কোন প্রয়োজন
নাই? অবশ্যই আছে। কানাইলালের কার্য জাতির
জীবনসৌধের ভিত্তিতে মাত্র একথণ প্রস্তর স্থাপন ভিন্ন
আর কিছুই নহে। কানাইএর মত বীর সন্তানদের তাগেব
উপর ভিত্তি স্থাপন করিয়া যে জাতীয় সৌধ নির্মাণ
করিতে হইবে, তাহার বিশালতার শেষ নাই বলিলে অত্যুক্তি
হইবে না। আজ ভারতের কর্ণধার পণ্ডিত জওহরলাল
নেহেরু 'work, work, work' এই বাণীটি তাহার ভাষণের
পর ভাষণে দিতেছেন। এই বাণীটি দাদাভাই নওরোজীর
'agitate, agitate, agitate' বাণীরই ক্রমবিকাশ। এ
কাজের বিরাম নাই। কাজ করিয়া জাতিকে সর্ববিষয়ে শক্তি-
শালী হইতে হইবে এবং প্রয়োজন হইলে রক্তদান করিয়াও
জাতির উপর সকলবিধ আক্রমণ প্রতিরোধ করিতে হইবে।
এই কার্য তু'একজন বিশ্বাসঘাতককে ছন্দিয়া হইতে সরান
অপেক্ষা যে সহস্র এমন কি লক্ষ গুণ কঠিন তাহা স্বীকার
করিতে কেহই দ্বিধাবোধ করিবেন না। কানাইলাল প্রভৃতি
বীর সন্তানদিগের ত্যাগে যে যজ্ঞাপ্রি প্রজ্জলিত হইয়াছে
তাহাতে সমস্ত জাতিকে সমিধ ঘোগাইতে হইবে। কানাই-
লাল আবক্ষ অবস্থায় ছলে বলে কৌশলে অঙ্গের সহায়তায়
একজন দেশশক্তর নিপাত্তসাধন করিয়াছেন। এখন যিনি
বা যাহারা জাতির কর্ণধার বা কর্ণধারের সহায়ক হইবেন,

তাহাদিগকে নানাবিধ অঙ্কের উদ্ভাবন করিতে হইবে-
 শরীর ও মনের যথোপযুক্ত নিয়োগ দ্বারা নানা প্রকার
 শক্তির উন্নেষ .ঘটাইতে হইবে। প্রয়োজন হইলে ছল বা
 ডিপ্লোম্যাসীর চরম যাহা তাহারও সক্ষান্ত সচেষ্ট থাকিতে
 হইবে এবং যোগীর শ্বায় ধ্যানপরায়ণ হইয়া নানা স্বকৌশলের
 সহায়তায় সমস্ত বিপদের সম্মুখীন হইয়া তাহা হইতে উক্তার
 পাইতে হইবে। আন্তর্জাতিক জীবনে মিলনের পথগুলি
 আবিষ্কার করিয়া ও পুর্ণোন্নতি জাতীয় আদর্শের নির্মাণতা
 রক্ষা করিয়া সর্বজাতির গ্রহণীয় একটি আদর্শ উদ্ভাবন
 করিতে হইবে এবং এই পার্থিব জগতে স্বর্গরাজ্য প্রতিষ্ঠিত
 করিয়া মানবতার উচ্চতম শৃঙ্খে আরোহণ করিতে হইবে।
 এখন এই কাজটি সর্বজাতির সাধনার লক্ষ্য হওয়া একান্ত
 প্রয়োজন। ইহার পর কোথায় যাইতে হইবে তাহার সত্ত্বের
 মহাকালই দিতে পারিবে !

সাধারণ কানাই

কানাইলাল সম্পূর্ণ কৃতকার্যতার সহিত জেলের ভিতর নরেন্দ্রনাথ গোসাইএর জীবনান্ত ঘটাইতে সক্ষম হইয়াছেন—অতএব কানাইলালকে এই ঘটনার পূর্ববর্তী কালেও একজন অসাধারণ বালক বা যুবক হইতে হইবে, এইরূপ একটি দাবীদারা প্রতাবাস্তি হইয়া অনেকে কানাইলাল সম্বন্ধে অনেক আজগুবি তথ্য সাধারণে পরিবেশিত করিয়াছেন।

কানাইলাল কতকগুলি অসাধারণ গুণের অধিকারী হইলেও, তাহাকে অনেক সময় অকিঞ্চিতকর কার্যেও নিযুক্ত থাকিতে দেখা গিয়াছে। দাবাবোড়ে খেলায় অত্যধিক বেঁক ডাহার মধ্যে একটি। পাঢ়ায় একটি থিয়েটারের দল ছিল। কানাইলাল সেই দলের আকড়ায় গিয়া বসিয়া কখন কখন বেহালায় ছড়ি টানিতেন। তাহাকে ‘নলদময়স্তৌর’ পার্লায় সারথির ভূমিকা অভিনয় করিতে দেওয়া হইয়াছিল। কোনও কথোপকথনে সারথির ঘোগ দিবার ছিল না। পিতাকে তামাক সাজিয়া দিতে যাইয়া একদিন কানাই কল্কেতে ঠিকৰে না দিয়া তামাক সাজিয়া আনিয়াছিলেন—তাহাতে পিতা তাহাকে তিরঙ্কার করিয়া বলিয়াছিলেন, ‘You cannot do this simple work, I wonder how you will pass your examination.’

আর একটি মজার কথা না বলিয়া থাকিতে পারিতেছি না। তিনি জীবনের বেশী ভাগ সময় বোম্বাইএ কাটাইয়া-
ছিলেন বলিয়া বাঙালা ভাল জানিতেন না। বোম্বাই হইতে
আসিয়া কিছুদিন স্কুলে পড়ার পর তাহাকে এণ্ট্রাঙ্গ পরীক্ষায়
পাশ করিতে হইয়াছিল। উৎসুক্য হইল—বাঙালা হইতে
ইংরাজী অনুবাদ—পেপারটি তিনি ক্রিপ্ত লিখিয়াছেন তাহা
জানিতে। ক্রিপ্ত অনুবাদ করিয়া আসিয়াছেন তাহা কানাইলাল
ছত্রের পর ছত্র বলিয়া যাইলেন। এক জায়গায় ছিল
“একটি নগরে।” কানাই তাহার অনুবাদ করিলেন “In the
town of Ekati.” অন্তর ছিল ‘বিজন বনে’—কানাইলাল
তাহার অনুবাদ করিলেন—‘In the forest of Bijan.’ যাহারা
কানাইএর এই অনুবাদ ছৃষ্টি শুনিলেন তাহারা না হাসিয়া
থাকিতে পারিলেন না।

কানাইলাল কৃত্ত'ক নিহত নরেন্দ্রনাথ গোসামী ও তাহার আয়ুকথা

হৃষ্টতজনের বিনাশসাধন কোন অবস্থায়ই পাপ নহে,
ইহা না বলিলেও চলে। নরেন্দ্রনাথ গোসাই তাহার কৃত-
কর্মের প্রায়শিক্তি করিয়াছে, তাহাতে কাহারও কিছু বলিবার
নাই। আমাদের দুঃখ এই যে, গোসাইএর জন্য আমাদিগের
দেশের দুইজন সুসন্তানকে অর্থাৎ যাহাকে বলে দুইজন
“হীরার টুকরা” যুবককে ফাঁসী কাষ্ঠে ঝুলিয়া বিম্ববদেবতার
ক্ষুধা নিযুক্তি করিতে হইয়াছে।

নরেন্দ্রনাথ গোসাই বঙ্গদেশের হুগলী জেলার অস্তর্গত
শ্রীরামপুর সহরের একটি ধনী জমিদার বংশসন্তুত সন্তান।
গোসাই সন্দেশে পূজনীয় অরবিন্দ ঘোষ তাহার কারা-
কাহিনীতে লিখিয়াছেন—“গোসাই অতিশয় শুপুরুষ, লম্বা,
ফরসা, বলিষ্ঠ, পুষ্টকায়; কিন্তু তাহার চোখের ভাব কুপ্রবৃত্তি-
প্রকাশক ছিল, কথায় বুদ্ধিমত্তার কোন লক্ষণ পাই নাই।
.....গোসাইএর কথা নির্বোধ লঘুচেতা লোকের কথার
শ্যায় হইলেও তেজ ও সাহসপূর্ণ ছিল। তাহার তখন সম্পূর্ণ
বিশ্বাস ছিল যে তিনি ধালাস পাইবেন ।.....এইরূপ লোকই
approver হয় ।.....অন্য সকলের শ্যায় তাহার শাস্ত ও শিষ্ট

স্বভাব ছিল না। তিনি সাহসী, লঘুচেতা এবং চরিত্রে, কথায়, কর্মে অসংষ্টত ছিলেন। ধৃত হইবার সময় নরেন গোসাই তাহার স্বাভাবিক সাহস ও প্রগলভতা দেখাইয়াছিলেন, কিন্তু লঘুচেতা বলিয়া কারাবাসের সামাজিক কষ্ট ও অসুবিধা সহ করা তাহার পক্ষে অসহ হইয়াছিল।” শ্রদ্ধেয় দেশবরেণ্য অরবিন্দ ঘোষের এই উক্তিটি ঠিক যেন একজন সুদক্ষ গণৎকারের উক্তি। এইরূপ গণনায় যাহাদের বিশ্বাস আছে তাহারা ইহাতে যুগপৎ বিশ্বিত ও চমৎকৃত হইবেন।

বাঙ্গালার বিশ্বব্যক্তিকের অন্ততম প্রসিদ্ধ হোতা চন্দননগরের গোল্দলপাড়ানিবাসী শ্রীবসন্তকুমার বন্দ্যোপাধ্যায় মহাশয়ের নিকট হইতে জানা গিয়াছে যে গোসাই খুব ভাল ছেলেই ছিল। অরবিন্দ বাবুও গোসাইকে তেজস্বী ও সাহসী বলিয়া বর্ণনা করিয়াছেন। এখন জিজ্ঞাস্য—শ্রদ্ধেয় অরবিন্দ বাবুর প্রদর্শিত হেতুসকল গণনার মধ্যে না ধরিয়াও, মনস্তত্ত্বের দিক হইতে গোসাইএর রাজসাক্ষী হওয়ার কোন ব্যাখ্যা পাওয়া যায় কিনা।

গোসাই যে গুপ্তসমিতির একজন ভাল কর্মী ছিল তাহাতে কোন সন্দেহ নাই। চন্দননগরের মেয়ের তাদি-ডেল সাহেবকে বধ করিবার জন্য গোসাইই গুপ্তসমিতি কর্তৃক প্রেরিত হইয়াছিল এবং গোসাইই মারণাস্তু অর্থাৎ বোমাটি কলিকাতা হইতে চন্দননগরে আনিয়াছিল। গোসাই-

এর পথপ্রদর্শকরূপে চন্দননগর-হাটখোলানিবাসী গুপ্তসমিতির
সভ্য শ্রীনগেন্দ্রনাথ ঘোষ তাহার সঙ্গে ছিলেন। শ্রীনগেন্দ্র-
নাথ ঘোষ বলেন যে, গোসাইই তার্দিভেলকে লক্ষ্য করিয়া
বোমাটি নিষ্কেপ করিয়াছিল। চন্দননগরের বড়বাজারে
তার্দিভেল সাহেব “কু কার্ণে” গলিতে অবস্থিত যে ছিল
বাটীতে বাস করিতেন, সেই বাটীর উপর তলার দক্ষিণ
অংশের ছাদযুক্ত খোলা বারান্দায় তার্দিভেল সাহেব ষথন
রাত্রিকালীন ভোজনে বসিয়াছিলেন, সেই সময় তাহাকে
লক্ষ্য করিয়া বোমাটি নিষ্কিপ্ত হইয়াছিল। বোমাটি ঠিকমত
প্রস্তুত হয় নাই বলিয়া উহা বিদীর্ণ হয় নাই। সে ষাহা
হউক, তার্দিভেলের বধপ্রচেষ্টাব্যাপারে গোসাইই প্রধান
ভূমিকা গ্রহণ করিয়াছিল। একাপ চরিত্রের লোক কেন যে
রাজসাক্ষী হইল সে তত্ত্ব ঠিক শ্রদ্ধেয় অরবিন্দ বাবুর দর্শন
দিয়া সম্পূর্ণ বোৰা যায় না। গোসাইকে ধরা হয় হৃগলী
জেলার অন্তর্গত শ্রীরামপুরস্থিত তাহাদের বাটী হইতে এবং
তাহার নাম পাওয়া যায় বিশ্঵বষজ্জের প্রধানতম পুরোহিত
স্বর্গীয় বারীন্দ্রকুমার ঘোষের দ্বারা প্রদত্ত বিবৃতি বা শ্রীকারোক্তি
হইতে। শ্রীবারীন্দ্রকুমার ঘোষ পরে তাহার বিবৃতি প্রত্যাহার
করিয়াছিলেন বটে, কিন্তু তাহার বিবৃতি যে তাহার দলের
অনিষ্ট সাধন করিয়াছিল তাহা শ্রীকার করিতে হইবে।
পুলিশ বে তাহার এবং অন্তর্ভুম প্রধান বিশ্ববী উপেন্দ্রনাথ
বন্দ্যোপাধ্যায়ের বিবৃতি লইয়া দ্বীয় কৃতিত্ব প্রদর্শনে ব্যাপৃত

হটয়াছিল তাহা ধরিয়া লওয়া যাইতে পারে। পুলিশ যে সকল কৌশল অবলম্বন করিয়া আসামীদের নিকট হইতে স্বীকারোক্তি সংগ্রহ করিয়া থাকে তাহার একটির নমুনা এখানে দেওয়া হইলে উহা অপ্রাসঙ্গিক হইবে না। গ্রন্থকার যখন মেদিনীপুর সেট্টুল জেলে “অন্তরীণ” আইনে আবক্ষ ছিলেন, সে সময় উক্ত জেলে কুমিল্লার একজন বিপ্লবী শ্রীমনীন্দ্রনাথ সেন ধৃত হটয়া আসেন। তাঁহার সহিত আলাপ আলোচনার মধ্যে পুলিশ তাঁহাকে বোকা বনাইয়া তাঁহার নিকট হইতে কিরূপে স্বীকারোক্তি সংগ্রহ করিয়া-ছিল তাহা তিনি বিবৃত করেন। এই যুবকটি খুব শক্ত কর্ম ছিলেন, তবুও তিনি পুলিশের কৌশলে কিরূপে পথভৃষ্ট হন তাহার বিবরণ দেন। পুলিস একদিন তাঁহার নিকটে আসিয়া তাঁহার কর্মের সম্পূর্ণ ঠিকুজি উপস্থাপিত করিয়া তাঁহাকে বলেন, “আপনি কোন্ কথা লুকাইবেন, আমরা আপনার সম্বন্ধে সকল কথাই জানি। আপনি যেখানে যেখানে যাইয়া যাহা যাহা করিয়াছেন তাহার বিবরণ আপনাকে পড়িয়া শুনাইতেছি, ইহা হইতে আপনি বুঝিতে পারিবেন যে আপনার সম্বন্ধে সকল কথাই আমরা জানি, তবে আর লুকাইয়া কি করিবেন ?” মনীন্দ্রবাবু দেখিলেন যে, পুলিশের বিবরণ সর্বাংশেই সত্য। এইরূপ অবস্থায় অপরিপক্ববৃক্ষ যুবক যাহা করিয়া থাকে মনীন্দ্রবাবু তাহাই করিলেন—সমস্ত স্বীকার করিয়া ফেলিলেন।

অনুমান করা যাইতে পারে যে, নরেন্দ্রনাথ গোসাইকে
রাজসাক্ষী করিবার উদ্দেশ্যে পুলিশ এইরূপ কোন কৌশল
অবলম্বন করিয়াছিল। ধরিয়া লওয়া যাইতে পারে যে পুলিশ
গোসাইকে বলিয়াছিল, “দেখুন, আপনার নাম অমুকেরা
করিয়াছেন, আর তাহারা মাত্র আপনার নাম করিয়া ক্ষান্ত
হন নাই, তাহারা আরও অনেকের কার্য্যের বিস্তৃত বিবরণ
দিয়াছেন। তাহারা বাহা করিয়াছেন তাহা করিতে
আপনার প্রতিবন্ধকতা কোথায় ?” কিসে গোসাই পথচারু
হইয়াছিল তাহা নিশ্চিত করিয়া বলিবার মত প্রমাণ নাই
বটে, কিন্তু তাহা হইলেও সে এমন জগত্তাবে কেন নিজ-
দলের শক্রতাসাধন করিতে অগ্রসর হইল তাহা কতকটা
অনুমান করিতে পারা যায়। তবে লক্ষ্যচৰ্ত্তা হইতে হইবে এমন
কোন কথা নাই। গোসাই নিহত হইলে ‘ছেট্সমান’
লিখিয়াছিলেন “We hope that no attempt will be
made to minimise this brutal and callous murder
on the ground that the victim was an approver.
The informer is apt to be regarded with con-
tempt as a traitor to his cause and his motives
may often justify the odium in which he is held.
But of Narendranath Gossain it may at least
be said that he was implicated by the con-

fession of those who now proffer to look upon him as a traitor and he did little more than pay them back in their own coin".

স্টেটসম্যানের এই উক্তির মধ্যে কানাইলালের বীরবুরে মর্যাদার কিছুটা লাঘব ঘটাইবার প্রচেষ্টা থাকিলেও, উহাতে গোসাইএর রাজসাক্ষী হওয়ার প্রবন্ধিতের যে বাখান আছে তাহা যে একেবারে অগ্রহ করিবার বিষয় তাহা নহে। ভাবাবেগ অনেক ক্ষেত্রে বুদ্ধিকে স্থান-অষ্ট করিয়া থাকে, কিন্তু তাই বলিয়া একের বুদ্ধিহীনতার দোহাটি দিয়া অন্তের বুদ্ধিহীনতাকে কোন সুন্নীতিই সমর্থন রিবে না। অতএব গোসাইএর দলদ্রোহিতা বা দেশ-দ্রোহিতা কিছুতেই মার্জনীয় হইতে পারে না।

ত্পরি, “স্টেটস্ম্যান” যে নিরস্ত্র গোসাইকে অস্ত্রধারা হত্যা করার কথা তুলিয়া হত্যাকারীকে কাপুরূষ আখ্যায় আখ্যাত করিয়াছিলেন, তাহার জবাব ‘পাইওনিয়ার’ যাহা দিয়াছিলেন তাহার উপর আর অন্য কথা চলিতে পারে না। ‘পাইওনিয়ার’ এই সঙ্গে “ইংলিশম্যানের” লেখারও জবাব দিয়াছিলেন। “পাইওনিয়ারে” ১৯০৮ সালের ৪ঠা সেপ্টেম্বরে যাহা লেখা হইয়াছিল তাহার বাঙালি অঙ্কুরাম এইরূপ—


আলিপুর জেলের ভিতরে সম্পাদিত হত্যাকে কলিকাতার কাগজগুলি উন্নেজনাবশে যে ভাষায় সমালোচনা

করিয়াছেন, ভাষার অপব্যবহারের সেৱক দৃষ্টান্ত সহজে মিলিবে না। “ইংলিশম্যান” ইহাকে “বৰ্বরোচিত এবং জঘন্য” আখ্যায় আখ্যাত করিয়াছেন। অতীব নিষ্ঠুর ও লজ্জাকর অবস্থায় সম্পাদিত বা অলঙ্কারের সোভে বিশিষ্ট নৌচ উদ্দেশ্যে সম্পাদিত শিশুহত্যাকৃপ কার্য সম্বন্ধেই এইরূপ ভাষা প্রয়োগ করা যাইতে পারে। সকল হত্যাই নিন্দার্থ, কিন্তু আলিপুর জেলে সম্পাদিত এই হত্যা যে নৌচভাবপ্রণোদিত নহে, তাহা বলিলে অন্তায় বলা হইবে না। “স্টেটস্ম্যান” আরও রং চড়াইয়া ইহাকে ‘কাপুরুষোচিত’ বলিয়াছেন— যে হেতু অস্ত্রশস্ত্র লইয়া একজন নিরস্ত্রকে হত্যা করা হইয়াছে। “ষ্টেটস্ম্যানের” এইরূপ লিখিবার উদ্দেশ্য কি ইহাই যে, ছব্ব'ত ছইজনের উচিত ছিল গোপন কথা প্রকাশ-কারীকে তৃতীয় আগ্নেয়াস্ত্রটি দেওয়া এবং নির্দিষ্ট সক্ষেত-দানে তাহাকে সতর্ক করিয়া গুলিছোড়া। কিন্তু সন্তুবতঃ বাঙালার জেল ব্যবস্থাতেও এই সকল প্রাথমিক অনুষ্ঠান সন্তুবপর হইত না। যাহা হউক—হত্যাকারীরা যখন দ্বন্দ্যুক্তবৰ্তী নহে, তখন তাহাদের বধপাত্রকে সতর্ক ও উপযুক্তভাবে অস্ত্রসজ্জিত না করিয়া হত্যা করাতে তাহা-দিগকে বিশিষ্ট নিম্নায় কলঙ্কিত করিলে উপহাসাস্পদ হইতেই হইবে। হত্যাকারীদের এই কার্য ‘কাপুরুষোচিত’ হইতেই পারে না। জেলের চতুঃপ্রাচীরের মধ্যে এই কার্য করিয়া পলায়নের কোন আশাই থাকে না। আঞ্চল্য

বা ফাসিকাটে ঝোলা ভিন্ন গত্যস্তর নাই। এই হত্যাকে দুঃমাহসিক বলা যাইতে পারে, কিন্তু উহাকে কাপুরুষোচিত বলিলে বুদ্ধিস্থিরতার অভাবেরই পরিচয় দেওয়া হইবে ! হত্যার একটি মাত্র দণ্ড থাকিলেও, উহার কালিমার বর্ণভেদ আছে এবং ঠিকমত বিচার করিয়া দেখিলে এই আলিপুর হত্যার বর্ণ একেবারে কালো নহে বলিলে উহা নিতান্ত অপবর্ণনা হইবে না। গোপনীয় সংবাদদাতা নিজেকে বাঁচাইবার জন্য তাহার সহকর্মীদের সর্ববনাশসাধনে প্রবৃত্ত হইয়াছিল। সেসঙ্গ আদালতে তাহার ঘাহা বক্তব্য তাহা বলিবার জন্য উপস্থিত হইবার পূর্বেই তাহাকে শমনসদনে প্রেরণ করিতে সক্ষম করা হইয়াছিল। একদিকে তাহার জীবন—অগ্নিদিকে অগ্ন সকলের জীবন এবং হত্যাকারী দুইজন অগ্ন সকলের জন্য আত্মবিসর্জনে কৃতসক্ষম হইয়াছিল। ইহা হত্যা, কিন্তু আত্মবিসর্জনও বটে। আইন নিজপথ লইতে একটুও পরাজ্যুৎ হইবে না এবং যে গোপনীয় সংবাদদাতাকে গভর্ণমেন্ট রক্ষা করিতে সক্ষম হয় নাই তাহার হত্যার প্রতিশোধ লইতে বিচারবিভাগ অবশ্য বাধ্য। কিন্তু মনস্তদ্বের দিক লইতে বিচার করিলে আমরা দণ্ডবিধির ধার ধারিব না এবং ব্যাপারটিকে অসংলগ্ন ভাষাভরণে না ঢাকিয়া ফেলিলে আমরা উহার প্রকৃত রূপ দেখিতে পাইব। আলিপুর হত্যাকে যদি আমরা হীন নির্মম এবং কাপুরুষোচিত বলি, তাহা হইলে ঘাহারা

কামচরিতার্থতার জন্য যুবতী স্ত্রীলোকদিগকে হত্যা করিয়া থাকে কিন্তু শয্যাশায়ী বৃক্ষ স্ত্রীলোককে ঘাহারা তাহার সংগ্রিত অর্থের জন্য হত্যা করিয়া থাকে তাহাদিগের সম্বন্ধে আমরা কি বলিব ? ইহার পর যদি বাঙালীরা এই দুটজন যুবককে তারমোড়িয়াস্ এবং আরিস্টোজাইটনের স্থানে তাহাদের স্মৃতিবেদীতে স্থাপন করিতে চাহে, তাহা হইলে বুঝিয়া উঠা খুব সহজ হইবে না যে কিরূপে তাহাদিগের এই পক্ষাবলম্বনে কেহ গ্রাহ্য আপত্তি উৎপন্ন করিতে পারে। “স্টেট্স্ম্যানের” যে উক্তিটির জন্য “পাইওনিয়ার” চটিয়া গিয়া উপরে লিখিত জবাব দিয়াছিলেন তাহা এই—“In any case, whatever view may be taken of his (Gossain's) character and motive, murder is murder and in this instance it was the cowardly assassination of an unarmed man by men who were provided with deadly weapons.”

নরেন্দ্রনাথ রাজসাক্ষী হইবার পর তাহার পিতা দেবেন্দ্রনাথ তাহার সহিত সাক্ষাৎ করিয়াছিলেন এবং সেই সাক্ষাৎকারের একটি বিবরণ ১৬-৯-১৯০৮ তারিখের “দি বেঙ্গলী” সংবাদপত্রে প্রকাশিত হইয়াছিল। দেবেন্দ্রবাবুর বিবরণের যে অংশটি বর্তমান বিষয়ে প্রাসঙ্গিক তাহা এই—“I told him, though the crown has par-



পূর্ণচন্দ্ৰ দে

doned him ; still, in my opinion, he ought to be hanged." The reporter said, "why ?" I said, "This is not the proper place and time to discuss the matter."

ইহার পূর্ব দেবেন্দ্রবাবু যখন নরেন্দ্রের সহিত দেখা করিয়াছিলেন তখন নরেন্দ্র তাহার পিতাকে কি বলিয়াছিল তাহা ১৮-৯-১৯০৮ তারিখের "বন্দে মাতৰম"পত্রিকায় প্রকাশিত হইয়াছিল। নরেন্দ্রের উক্তিব এক অংশ হইতেছে এই—
 Father, I have brought shame upon my family. I think it is better for me to die. I have been misguided by Barindra and others. I ask your pardon. I wish also to atone for what I have done.

"আমি আমাব বংশ কলঙ্কিত করিয়াছি। আমাব পক্ষে মৃত্যুই শ্ৰেষ্ঠ বলিয়া আমি মনে কৰি। বারীন্দ্র এবং অন্যাণ্যের দৃষ্টান্তে আমি পথভৰ্ত হইয়াছি। আমি আপনার নিকট ক্ষমা ভিক্ষা করিতেছি। আমি ষাহা করিয়াছি তাহার জন্য প্রায়শিকভাবে করিতে চাই।" ইহাই অনুতপ্ত নরেন্দ্র-নাথের কথা।

কানাইলাল ও তাহার পিতৃমাতৃকুলের কিঞ্চিং পরিচয়।

কানাইলালের শরীর তেমন পুষ্ট রকমের না থাকিলেও বলিষ্ঠ ও শক্তিশালী ছিল। তাহার ললাট ছিল প্রশস্ত রকমের। হাত দু'খানি যে বেশ লম্বা ছিল আর ঠোঁট দু'খানি যে বেশ পুরু রকমের ছিল তাহা পূর্বে বলা হইয়াছে। তিনি চুল ফিরাইয়া টেরি কাটিতেন। কানাইলালের দুই ভাতা এবং সাত ভগিনী। বড় ভাই শ্রীআশুতোষ দত্ত বোম্বাই ইউনিভার্সিটি হইতে পাশ করা এল্. এম্. এস্. ডাক্তার। কানাই-এর মাতুলেরা চারি ভাই ও তাহার মাতা তাহাদের একমাত্র ভগিনী। কানাই তাহার মাতা শ্রীমতী অজেগ্রীর দ্বিতীয় বা কনিষ্ঠ পুত্র। কানাই-এর পিতা ৩চুনিলাল দত্ত 'মেরিন একাউন্টস' অফিসে কাজ করিতেন। 'মেরিন একাউন্টস' অফিস বখন কলিকাতা হইতে বোম্বাই-এ চলিয়া যায়, কানাই-এর পিতা ও বোম্বাই-এ চলিয়া যান। কানাই-এর বয়স তখন তিনি বৎসর। কানাই-এর দাদামহাশয় স্বর্গীয় হরকুমার দত্ত ইন্দোরের ব্রিটিশ রেসিডেন্সীর ট্রেজারীর ('treasurer') ছিলেন। সিপাহী বিদ্রোহের সময় ইন্দোর ট্রেজারী লুণ্ঠিত হয়। তানা যায়, লুণ্ঠনের পর কানাই-এর মাতামহ মেথরের বেশে ট্রেজারীর ভিতরে ঢুকিয়া তাহার অবস্থাদি দেখিয়া আসেন। পেনসন লাইয়া তিনি কিছুদিন ছাগলীতে থাকিবার

পৰ চন্দননগৰে বাটী খরিদ কৰেন এবং তথায় বসবাস কৱিতে থাকেন। হৱকুমাৰবাবু জনৈক শিক্ষিত ভদ্ৰলোক ছিলেন। বোধ হয়, তখনকাৰ দিনে তাঁহাৰ বাটীতে তাঁহাৰ নিজ অৰ্থে সংগ্ৰহীত যে পুস্তকসমষ্টি ছিল তাহা চন্দননগৰে অন্তৰ কোথাও ছিল না। তাঁহাৰ পুস্তকসংহেৰ মধ্যে Edinburgh Reviewএৰ সম্পূৰ্ণ সেট ছিল। এই সংগ্ৰহেৰ বহু পুস্তক চন্দননগৰ পুস্তকাগাৰে স্থান পাইয়াছে। তখনকাৰ দিনে প্ৰকাশিত সারবান বাঙালী পুস্তকসকল তাঁহাৰ সংগ্ৰহেৰ মধ্যে ছিল। কানাইলালেৱ মাতামহদেৱ সম্পত্তি বিভক্ত হইলে কানাইলালেৱ অন্ততম মাতুল ৩নন্দলাল দত্তেব ভাগে চন্দননগৰে বাটীটি পড়ে। এই নন্দবাবু একজন বিশিষ্ট অমায়িক ভদ্ৰলোক ছিলেন। তাঁহাৰ বাটীৰ দ্বাৰা ডিল অবাৱিত। তাঁহাৰ বাগানেৱ পিয়াবা, বেল, বাতাৰি লেবু, ফলসা, জামকল প্ৰভৃতি ফলসকল পাঢ়াৰ লোকে যে ভাবে খাইত ও কোলিত, তাহাতে ঐ সকল ফলেৱ গাছগুলি যেন সৰ্বসাধাৱণেৱ বলিয়াই মনে হইত।

নন্দকুমাৰবাবু একজন রসিক ও বসিকতাপ্ৰিয় লোক ছিলেন। তিনি একদিন তাঁহাৰ নিকটে উপস্থিত ব্যক্তি-দিগকে জিজ্ঞাসা কৱিলেন—‘আচ্ছা বল দেখি, ঢাকেৱ বাঢ়ি কখন ভাল লাগে?’? কেহ তাঁহাৰ উত্তৰ দিতে না পাৱায় তিনি উত্তৰটি বলিয়া দিলেন ‘ধাম্বলে’।

কানাইলালেৱ পিতা চুনিবাবুও খুব রসিক লোক ছিলেন।

তিনি দাবাবোড়ে খেলিতে বড় ভাল রাসিতেন। তাহার অতি-
রিক্ত পানদোষ ছিল। বলিসে অত্যুক্তি হইবে না—সকল
সময়েই তাহার মুখে মদের গন্ধ পাওয়া যাইত। এই
পানদোষের অন্তই পেনসন লটবার বয়স না হইবার পূর্বেই
তাহাকে বাধ্য হইয়া পেন্সন লইয়া চন্দননগরে চলিয়া
আসিতে হইয়াছিল। পেনসনের টাকায় তাহার মত্তপানের
খরচাই কূলাইত না। কানাইলালের পড়ার খরচ চুনিবাবুর
ছোট ভাই রসিকবাবু বহন করিতেন।

কানাইএর বড় ভাটি আশুব্বু আক্ষর্মতাবলম্বী। তিনি
বলেন— তখনকার হিন্দু সমাজে আক্ষদিগের মার্জিত আচার
বাবহারে আকৃষ্ণ হইয়া তিনি তাহাদের ধর্মত গ্রহণ করেন।

কানাইলালের পৈতৃক ভবন ছিল হগলী জেলার অস্তর্গত
খরসরাই-রেগমপুরে।

১৯০৮ সন্নাতের ২৩ মে তারিখের ভোরে কানাইলাল
শহিতপুরের শ্রীনিরাপদ রায়ের সহিত ১৫ নং গোপীমোহন
কল্পন্তুজ হইতে ধূত হন। এই বাটীতে কাগজে লিখিত
'বিহোরক করমূল' সকল, বোমাপ্রস্ততপ্রণালী, Modern
art of war, Mazzini ও Garibaldiর জীবন চরিত, 'বর্তমান
রণনীতি,' 'মুক্ত কোন পথে' প্রভাত কয়েকখান কাগজ ও প্রস্তক
পাওয়া গিয়াছিল।

চন্দননগর "মগাঁজুব" কিংচিৎ বিলি করিবার
ভার কানাইএর উপর ধাকিত। কানাই কলেজে এই পাত্রিকা

(৭৩).

লইয়া যাইয়া সহপাঠীদের পড়িয়া গুনাইত। ইতিহাসের
ক্লাসে “যুগান্তরের” লেখা লইয়া অনেক সময় ইতিহাসের
অধ্যাপকের সহিত আলোচনা হইত। রাজনীতিক বিষয়ের
আলোচনায় যোগদানে কানাইএর বিশেষ আগ্রহ দেখা
যাইত।

কানাইলালের কার্য ও আদালতে সত্যেন্দ্রের সহিত ঠাহার বিচার।

কানাইলাল যেভাবে নরেন্দ্রের প্রাণমংহার করিয়া-
ছিলেন তাহার বিবরণ এইরূপ পাওয়া যায়—

রাজসাক্ষী হটবার পর নরেন্দ্রনাথকে বন্দী অবস্থায়
সাহেব কয়েদীদের “ডিগ্রীতে” (কক্ষপ্রেগ্রামে) রাখা হইয়াছিল।

সত্যেন্দ্রনাথ বন্ধু নামক একজন আসামী—
উনি অরবিন্দবাবুর একজন আশীয়—গোসাইএল নিকট ২৯শে
আগস্ট তারিখে সংবাদ পাঠাইয়াছিলেন যে তিনিই রাজ-
সাক্ষী হইতে ইচ্ছুক। সত্যেন্দ্রের তখন জুর হওয়ায় তিনি
জেলের হাসপাতালে অবস্থান করিতেছিলেন। সত্যেন্দ্র উক্ত
অছিলা করিয়া পুনরায় ৩১শে আগস্ট তারিখে সকালবেলা
গোসাইকে আনাইয়া তাহার সহিত সাক্ষাৎ করিতে চাহিয়া-
ছিলেন। গোসাইকে সত্যেন্দ্রের নিকট আসিতে দেওয়া
হইয়াছিল। তখন গোসাইএর সহিত তাহার রক্ষীরূপে
ছিল হিগিন্স নামক একজন সাহেব কয়েদী। পূর্বদিন সন্ধ্যায়
পৌড়ার ভান করিয়া কানাইলাল হাসপাতালে ভর্তি হইয়া-
ছিলেন এবং সেই রাত্রে ঠাহাকে সত্যেন্দ্রের পার্শ্বে শুইতে
দেওয়া হইয়াছিল। সত্যেন্দ্র উপরতলার বারবন্দা হইতে
গোসাইএর আগমনের দিকে লক্ষ্য রাখিয়া দাঢ়াইয়া ছিলেন।
গোসাইকে আসিতে দেখিয়া তিনি চলিয়া যান। হিগিন্স

গোসাইকে উপরতলায় ছাড়িয়া ডিস্পেনসারির ভিতর
প্রবেশ করে। গোসাই তথায় কানাই ও সত্যেন্দ্রকে দেখিতে
পায়। কিছুক্ষণ পরেই ডিস্পেনসারীর ভিতরের লোকেরা
একটি গুলির আওয়াজ শুনিতে পায়। একটু পরেই কানাই
এবং সত্যেন্দ্রের দ্বারা অনুস্থত হইয়া গোসাই ডিস্পেনসারী
অভিমুখে ছুটিয়া যায়। হিগিন্স কানাইকে ধরিয়া ফেলে।
হিগিন্স বলে, কানাইএর নিকট ছাইটি রিভলবার ছিল—একটি
ছোট ও একটি বড়। হিগিন্স কানাইএর হাত হইতে ছেট
রিভলবারটি কাড়িয়া লইতে যাইলে, কানাইএর গুলিতে
হাতে আহত হয় এবং পড়িয়া যায়। সে দাঢ়াইয়া উঠিয়া
গোসাইকে ডিস্পেনসারী হইতে সিঁড়ি দিয়া নিচে পলায়ন
করিতে দেখিয়া তাহার অনুসরণ করে। লিন্টন নামক
অন্য একজন সাহেব কয়েদী গুলির শব্দ শুনিয়া যে দিক
হইতে শব্দ আসিতেছিল সেই দিকে যায় এবং অন্য কয়েদী
হিগিন্সের সহিত গোসাইকে বারান্দা দিয়া তাহার দিকে
আসিতে দেখিতে পায়। সে তখন সত্যেন্দ্রের সহিত কানাইকে
তাহাদের পশ্চাতে আসিতে দেখে। উভয়েরই নিকট রিভল-
বার ছিল এবং কানাই জোরে জোরে এই কথা বলিতেছিল—
আমি তোমাদের সকলকে গুলি করিব। লিন্টন সত্যেন্দ্রর
সহিত ধন্তাধন্তি করিবার সময় একটি গুলির আওয়াজ শুনিল
এবং গোসাইকে পড়িয়া ঝাইতে দেখিল। সত্যেন্দ্র গুলি
ছুঁড়িল। সত্যেন্দ্রকে লিন্টন ধূত করিয়া ফেলিয়া দিল এবং

তাহার নিকট হইতে রিভলবারটি কাড়িয়া লইল। এই
সময় লিন্টনের সহিত কানাইলালের ধন্তাধন্তি হইল। লিন্টন
কানাইএর নিকট হইতে "তাহার রিভলবারটি—যাহা কানাই-
এর দক্ষিণ বাহতে মড়ি 'দিয়া বাঁধা ছিল—কাড়িয়া লটুবার
পূর্বেই মন্দিমায় পতিত গোসাইঞ্চের প্রতি কানাই আর
একটি গুলি ছুঁড়িল। এই ধন্তাধন্তির সুম্মূল কানাইএব
রিভলবারের কুঁদোর আঘাতে লিন্টন কপালে আহত হয়।
অঙ্গুষ্ঠান করা যাইতে পারে যে, যখন গুলি চলিতেছিল তখন
সেখানে উপস্থিত ব্যক্তিদিগের মধ্যে কেই কোন সাহায্য
দিতে পারে নাই। ছেঁটি রিভলবারটি হইতে—যাহা স্টেজেন্সের
নিকট ছিল—চারিটি গুলি ছোড়া হইয়াছিল এবং বড়টি হইতে—
যাহা কানাইএর নিকট ছিল—পাঁচটি ছোড়া হইয়াছিল
এবং উহাতে একটি কাট্টি অব্যবহৃত ছিল। বোধ হয়
শ্রেট নংয়টি গুলি ছোড়া হইয়াছিল। গোলমালের জন্য ঢিক
করিবা বসা যায় না—কোন্টি কে ছুঁড়িয়াছিল। যাহা ইউক
ষ্টহা হইতে প্রমাণিত হয় যে 'স্টেজেন্স যখন লিন্টন কঙ্কক
থত হইয়া পড়ে' তখন কানাই গোসাইঞ্চের পিটে 'যে গুলি
চালাইয়াছিল সেই গুলিতেই' গোসাইঞ্চের মৃত্যু হইয়াছিল।
হাসপাতালে গুলি 'চলিবার' সময় একটি গুলিতে গোসাইঞ্চে
তাহার উক্তে 'আহত হয়। এই 'সমস্ত' ঘটনা 'সকলি
সাজ্জা' হইতে সাড়ে আঁটোর মধ্যে সংঘটিত 'হইয়াছিল।'
কানাই ও স্টেজেন্সের বিচার কে সকল দুর্বার করিয়া

ছিলেন তাঁহাদিগের নাম—১। মষ্টার নকলস্ ২। মিষ্টার টালিস্লী ৩। শ্রীশশীভূষণ মুখাজ্জী ৪। শ্রীহেমেন্দ্রনাথ ঘোষ ৫। শ্রীবিপিনবিহারী ভট্টাচার্য। ইহারা সকলেই কানাইকে দোষী সাব্যস্ত করিয়াছিলেন, কিন্তু সত্যেন্দ্রনাথ অধিকাংশের মতে নির্দোষ সাব্যস্ত হইয়াছিলেন। ভারতীয় জুরার তিনজনই সত্যেন্দ্রকে নিরপরাধ স্থির করেন। হাই-কোর্টের মতামতের জন্য বিচারের ফল হাইকোর্টে প্রেরিত হইলে কানাই ও সত্যেন্দ্র উভয়েই ফাসীদণ্ডে দণ্ডিত হন।

হত্যাষটনার পর কানাইলাল প্রথমে যে বিবৃতি দেন তাহাতে তিনি বলিয়াছিলেন—গোসাইকে তিনি ও সত্যেন্দ্র উভয়ে মিলিয়া হত্যা করিয়াছিলেন, কিন্তু পরে তিনি সে বিবৃতি প্রত্যাহার করিয়া হত্যার জন্য একমাত্র নিজেকেই দায়ী করিয়াছিলেন। কেন তিনি গোসাইকে হত্যা করিয়াছেন তাহা জিজ্ঞাসিত হইলে কানাইলাল প্রথমে কারণ দিতে চাহেন নাই, কিন্তু কিছুক্ষণ পরেই তিনি বলেন—“ঘোষ, কারণ দিতে চাই। গোসাই দেশের প্রতি বিশ্বাসবাতৃতা করিয়াছে, সেইজন্য আমি তাহাকে হত্যা করিয়াছি।”

সত্যেন্দ্রের পক্ষের উকিল ছিলেন এ. সি. ব্যানাজ্জী। তিনি কিঙ্গপ উচ্চম ও দক্ষতার সহিত সত্যেন্দ্রনাথকে বাচাইতে চেষ্টা করিয়াছিলেন তাহা একটি পৃথক্ অধ্যায়ে বর্ণিত হইবে। উহার বিবরণ দেওয়াটা খুব প্রাসঙ্গিক না হইলেও, আশা করি, পাঠকগণ উহা পড়িয়া বুঝা সময় নষ্ট হইল

বলিয়া মনে করিবেন না ।

বিচারক রায় শুনাইবার পর কানাইলালকে জিজ্ঞাসা করেন — তিনি আপিল করিবেন কিনা । কানাইলাল তৎক্ষণাৎ উত্তর করেন “There shall be no appeal” “আপিল হউবে না ।” কানাইলালের দণ্ডপ্রাপ্তির পর তাহার জ্যেষ্ঠ আতা শৈযুক্ত আশ্বতোষ দত্ত তাহার আতাকে, রাজার নিকট প্রাণভিক্ষা করিবার প্রার্থনা করাইবার জন্ম, অনুরোধ করিবার উদ্দেশ্যে জেলে গিয়া কানাইলালের সহিত সাক্ষাৎ করিয়াছিলেন ; কিন্তু সাক্ষাৎকারকালে, কানাইলালের অবিচলিত, স্থির ও দৃঢ় মনোভাব দেখিয়া সেৱপ কোন প্রস্তাব করিতে তিনি লজ্জাবোধ করিয়াছিলেন । কানাইলাল দণ্ডাঙ্গ শুনিয়া একটুও বিচলিত না হইয়া একটি মধুর হাসি হাসিয়া-ছিলেন ।

যে রিভলবারের গুলি গোস্বামীর পৃষ্ঠ বিন্দু করিয়াছিল তাহার “বোর” ছিল ৩.৮০, “মেকার” চার্লস্ অস্বোর্ণ এবং অন্য রিভলবারটির “বোর” ছিল ৪.৫০ ও “মেকার” ছিল আইরিশ কন্স্ট্যাবুলারী । যে গুলি গোস্বামীর মৃত্যু হইয়াছিল তাহা তাহাকে নিম্নোক্তভাবে বিন্দু করিয়াছিল, “The bullet that caused Goswami's death entered his back just beneath the left shoulder blade, pierced the vertebrae severing the spinal cord, passed through the right lung and finally spent

itself out beneath the skin in the right chest."

সরকারপক্ষের উকিল নিম্নলিখিত মন্তব্যদ্বারা তাহার বক্তৃতা, শেষ করেনঃ—কানাইটএর বিরুদ্ধে উপস্থাপিত প্রমাণাবলী অপরিমিত। হইতে পারে যে, যে-উদ্দেশ্যে সে এই কার্য করিয়াছে তাহা উদ্বৃক্ষদেশপ্রেমজাত এবং তাহার দৃষ্টিতে গোসাই বিশ্বাসযাতকও হইতে পারে এবং সেই কারণে গোসাইএর মৃত্যুও তাহার প্রাপ্ত হইতে পারে; কিন্তু তাই বলিয়া আসামী হত্যাপরাধ হইতে মুক্ত হইতে পারে না। 'অগ্রপক্ষ' ইহাও লক্ষ্য করিবার বিষয় যে আসামী এই কার্য করিয়া পরম গৌরবই অনুভব করিতেছে।

বিচারক কানাইকে সম্বোধন করিয়া জুরিদের রায় শুনাইলেন—তোমাকে এই সাজা দেওয়া হইল যে, তুমি যতক্ষণ না মৃত অবস্থা প্রাপ্ত হও ততক্ষণ তোমার গলায় রঞ্জু দিয়া তোমাকে ফাসিকাষ্টে ঝুলাইয়া রাখা হইবে। রায় শুনিয়া কানাইলাল একটুও বিচলিত না হইয়া স্থৰ্থের হাসি হাসিলেন এবং তাহার হাবভাবে পূর্বোক্তকৃপ চিন্ত-স্থিরতা ও পরম আত্মত্যাগের ভাব পরিলক্ষিত হইল। আদালতে যাহারা উপস্থিত ছিলেন তাহারা সকলেই কানাই-এর চিন্তস্থিরতা দেখিয়া একেবারে বিশ্বায়বিমুক্ত হইলেন।

কানাইএর সহিত একই অপরাধে অভিযুক্ত
সত্যজ্ঞের পক্ষের উকিল শ্রীযুক্ত এ. সি.
ব্যানার্জির বক্তৃতা এবং বিচারপতির
মন্তব্যাবলী

শ্রীযুক্ত এ. সি. ব্যানার্জি বলেন—সত্যজ্ঞ যে কানাই-
এর মতই তুল্যাপরাধে অপরাধী তাহা প্রমাণ করিবার জন্ম
সরকারের পক্ষের উকিল বহুক্ষণ ধরিয়া যে বক্তৃতা করিয়া-
ছেন তাহা জুরারগণ শুনিয়াছেন। সংবাদপত্রে গোস্টইএর
মতু সম্বন্ধে বাহাকিছু প্রকাশিত হইয়াছে, তাহা হইতে সত্যজ্ঞের
সহযোগিতা বা অসহযোগিতা বিষয়ে যদি তাহারা কেন
মতামত গঠন করিয়া থাকেন, তাহা হইলে তিনি প্রথমেই
জুরিকে তাহাদের মন হইতে তাহা দূর করিয়া দিতে
অনুরোধ করিতেছেন। কতি যাহা হইবার তাহা হইয়া
গিয়াছে—কেন না তাহার ঘটটা স্মরণ হইতেছে তাহা
হইতে বলা যাইতে পারে যে সংবাদপত্রের রিপোর্ট সত্য
তথ্য সহিয়া সম্ভিলিত হয় নাই, বরং তিনি এখন দেখিতে-
ছেন যে, উহাদ্বারা সত্যজ্ঞের অনিষ্টই সাধিত হইতে
পারে। তাহাদের সেই মতামত যাহাই হউক না কেন, তিনি
তাহাদিগকে অনুরোধ করিতেছেন তাহারা যেন বিচারালয়ের
চতুর্সীমার বাহিরে যাহা পাঠ করিয়াছেন বা যাহা ওনিয়াছেন

তাহা গ্রাহা না করিয়া কেবলমাত্র যে সকল প্রমাণ আদালতে
উপস্থাপিত হইয়াছে তাহারই উপর নিভৱ করিয়া বিচার
করেন। তাঁহাদের সমক্ষে যে সকল প্রমাণ উপস্থাপিত
হইয়াছে তাহা হইতে তাঁহারা যদি অবিসম্বাদিতভাবে এই
সিদ্ধান্তে উপনীত হন যে সত্যেন্দ্র অপরাধী, তাহা হইলেই
নিঃসন্দেহে তাঁহারা তাহাকে অপরাধী সাব্যস্ত করিবেন।
কিন্তু তাঁহাদের বিচারবৃক্ষিতে সত্যেন্দ্রের অপরাধসমূক্ষে

একটুও সন্দেহ উপস্থিত হয়, তাহা হইলে তাঁহারা
যেন তাহাকে সন্দেহের সুবিধাজনক ফলভোগ হইতে বর্কিত
না করেন। সকল অবস্থার পর্যালোচনা করিয়া যদি তাঁহারা
দেখেন যে উহা তাহার নির্দোষিতা সমর্থন করিতেছে না
তাহা হইলেই তাঁহারা তাহাকে অপরাধী সাব্যস্ত করিবেন।
সত্যেন্দ্র যে উদ্দেশ্যে লইয়া ছঃসাহসিক কার্য্যটি করিতে প্রবৃত্ত
হইয়াছিল, তাহা লইয়া সরকার পক্ষের উকিল দীর্ঘ
আলোচনা করিয়াছেন। তিনি বলিয়াছেন যে, গোসৈই
দেশের প্রতি বিশ্বাসঘাতকতা করিয়াছে বলিয়া কানাই ও সত্যেন্দ্র
তাহাকে ধরাপৃষ্ঠ হইতে অপসারিত করিতে কৃতসঙ্গে
হইয়াছিল। গোসৈই যে দ্বিতীয় আসামীদল সমূক্ষেও সাক্ষ
দিবে তাহা কি সত্যেন্দ্র জানিত? আসামীগণ পৃথক্ পৃথক্
ছইটি দলভূক্ত ছিলেন এবং গোসৈই ছিলেন প্রথম দলভূক্ত।
সত্যেন্দ্র এ সমূক্ষে কিছুই জানিত না। যে প্রথম আসামী-
দলের বিস্তৃক্ষে গোসৈই, সাক্ষ দিয়াছিল কানাই তাহার

অন্তভুক্ত ছিল। মিষ্টার উইল সত্যেন্দ্রের সহিত দেখা করিবার জন্য মিষ্টার বালির নিকট দুইবার দরখাস্ত করিয়া-ছিলেন, কিন্তু ষথন এই দুইবারি দরখাস্ত করা হইয়াছিল তখন সত্যেন্দ্র পীড়িত। অতএব সত্যেন্দ্র যে সকল বিষয় জানিত এবং গোসাইকে হত্যা করিবার অভিপ্রায় যে তাহার ছিল, কেবল সরকারপক্ষের উকিলের উকি ভিন্ন উহার অন্ত কোন প্রমাণ একেবারেই নাই। উপরন্তু কানাইএর সহিত সত্যেন্দ্রের যে জানাশুনা ছিল তাহারও কোন প্রমাণ নাই। কানাই ছিল প্রথম দলের আসামী এবং সত্যেন্দ্র ছিল দ্বিতীয় দলের আসামী। তাহাদের মধ্যে যে পরম্পরের জানাশুনা ছিল তাহা প্রমাণ করিবার কোন চেষ্টা করা হয় নাই। সত্যেন্দ্র জেলে আসিয়াই হাসপাতালে ভর্তি হইয়াছিল এবং কানাইএর নিকট যাইয়া তাহার সহিত কথা বলিবার স্বয়োগও সে পায় নাই। গোসাইকে হত্যা করিবার জন্য একটি বড়বস্তু গড়িয়া উঠিবার পূর্বে তাহাদের পরম্পরের মধ্যে জানা শুনা থাকা আবশ্যক কিংবা কথা চালাচালি করিবার মত স্বয়োগ পাওয়া তাহাদের আবশ্যক। হাসপাতালে ভর্তি হইয়া পৃথক্ভাবে থাকিবার প্রথম দিন হইতে গোসাইএর মৃত্যুদিন পর্যন্ত সত্যেন্দ্র গোসাইএর মনে এইরূপ আশা জাগাইয়া রাখিয়াছিল যে সে কোনও দিন রাজসামৰ্জী হইয়া গোসাইএরই মত গৰ্ভমেঠের কাজে আসিতে পারে—এই বিষয়টিকে খুব

অন্তায়রকমভাবে বড় করিয়া দেখাইবার চেষ্টা করা হইয়াছে। গোস্বামীইকে হাঁসপাতালে আনিয়া তত্যা করিবার উদ্দেশ্য লইয়া সত্যেন্দ্র যে গোস্বামীইএর মনে মিথ্যা আশার স্ফুটি করিয়াছিল তাহার প্রমাণ কোথায়? যদি প্রকৃতই সত্যেন্দ্রের এই ইচ্ছাই ছিল, কানাই আসিবার পূর্বে তাহা পূরণ করিবার তাহার প্রচুর সময় ছিল। সত্যেন্দ্র একমাস বা ততোধিক-কাল সেখানে ছিল এবং গোস্বামীইএর সহিত তাহার খুব সদ্ভাব ছিল বলিয়াই সে কখনও তাহার সহিত ঝাঁঢ় ব্যবহার করে নাই। গোস্বামী নিজের ইচ্ছামত তাহার সহিত মাঝে মাঝে দেখা করিত। কানাইএর যে উদ্দেশ্য ছিল, সত্যেন্দ্রের ও যে সেই একটি উদ্দেশ্য ছিল তাহা বলিতে পারা যায় না। মোকদ্দমার বিষয়টি বিশেবভাবে আলোচনা করিয়া শ্রীযুক্ত ব্যানার্জী মন্তব্য করেন যে, সত্যেন্দ্রের সহযোগিতার বা ষড়-যন্ত্রের কোনই প্রমাণ নাই। উপসংহারে শ্রীযুক্ত ব্যানার্জী বলিলেন যে, জুরারগণ যদি মনে করেন যে মোকদ্দমার যেরূপ বিবরণ পাওয়া যাইতেছে তাহা হইতে তাহারা এই সিদ্ধান্তে উপনীত হইতে পারেন বে সত্যেন্দ্রের আচরণ ও কার্য্যাবলী তাহার নির্দোষিতা প্রমাণের অন্তরায় নহে, তাহা হইলে তাহারা সত্যেন্দ্রকে নির্দোষী সাব্যস্ত করিবেন। অন্য সময় অপেক্ষা বর্তমান রাজনীতিক উজ্জেবনার সময়ে ইহা দেখা নিতান্তই আবশ্যিক যে, “মোকদ্দমার” ক্ষেত্রে কাহারও প্রাপ্তদণ্ড হইতে পারে তাহার বিচার যেন্ম সম্পূর্ণ নিরপেক্ষ হইতে পারে।

নিঃসন্দেহে ইহা বলা যাইতে পারে, ব্রিটিশ বিচারের উপর এককালে দেশে যে অগাধ বিশ্বাস ছিল তাহা একরূপ চলিয়া যাইতে বসিয়াছে; কিন্তু এখনও সেই বিশ্বাস আবার ফিরিয়া আসিবে কিনা তাহা বর্তমান বিচারক এবং বর্তমান জুরারগণের উপর নির্ভর করিতেছে।

বিচারক বলিলেন—ইহা পাওয়া যাইতেছে যে ৩০শে আগস্টের রাত্রে আসামী ছুইজন ইঁসপাতালে পাশাপাশি শয়ন করিয়াছিল। ইহাও পাওয়া যাইতেছে যে, ৩০শে তারিখ পর্যন্ত নরেন্দ্রের সহিত কথা কহিবার বিষয় সম্বন্ধে কানাট ও সত্যেন্দ্রের মধ্যে কোন আলোচনা হইতে পারে নাই এবং ইহার বিরুদ্ধেও কোন প্রমাণ নাই। তাহার পর পাওয়া যাইতেছে যে ৩০শে তারিখে, সত্যেন্দ্রের ঘর হইয়াছিল। তাহার শরীরের তাপ ছিল ১০০. ডিগ্রী এবং সে মেটে দিন কিছুই করিতে পারে নাই।

কিন্তু ৩১শে তারিখের ঘটনা সম্বন্ধে—সেইদিন প্রাতঃকালে ৭টা হইতে ৭॥০টার মধ্যে যাহা ঘটিয়াছিল—তাহার একটি পরিষ্কার বিবরণ হিগিন্স দিয়াছে। হিগিন্সের সাক্ষ্য সম্বন্ধে জুরিকে যাহা মনে রাখিতে হইবে, তাহা হইতেছে এই—নরেন্দ্র হিগিন্সের জিম্মায় ছিল। নরেন্দ্রকে নিরাপদে রাখিবার দায়িত্ব হিগিন্সের উপর অপৰ্যাপ্ত ছিল এবং হিগিন্সের জিম্মায় প্রাক্রিবার কালেই বখন নরেন্দ্রের মৃত্যু সংঘটিত হইয়াছে, তখন কি কুরিয়া নরেন্দ্র ডিস্পেন্সারিতে আসিল

তাহার সঠিক বিবরণের জন্য হিগিন্সের উপর নির্ভর করা যাইতে পারে না। নরেন্দ্রের ডিস্পেন্সারিতে যাওয়াই তাহার মৃত্যুর কারণ। হিগিন্স বলিয়াছে যে, সে স্বপ্নারিটেগ্রেটের অনুমোদন লইয়া নরেন্দ্রকে ইঁসপাতালে যাইতে দিয়াছিল, কিন্তু এইরূপ কোন প্রমাণ উপস্থাপিত করা হয় নাই। জুরিকে স্মরণ রাখিতে হইবে যে হিগিন্সই নরেন্দ্রকে মৃত্যু-পথে আনয়ন করিয়াছে এবং হিগিন্সকে সেই অভিযোগ হইতে মুক্ত হইতে হইবে। অতএব যখন বলা হইতেছে যে নরেন্দ্র একজন লোকের মুখ হইতে তাহার আহ্বানের কথা জানিতে পারিয়াছিল এবং হিগিন্সেরই স্বার্থে হিগিন্স বলিয়াছে যে সে নরেন্দ্রকে ইঁসপাতালে আসিবার জন্য সংবাদ পাঠায় নাই। নরেন্দ্র নিজের ইচ্ছায় ইঁসপাতালে গিয়াছিল এবং সে তাহাকে তথায় যাইতে পারতপক্ষে নিষেধ করিয়াছিল।

যদি এই সাক্ষ্য সত্য বলিয়া গ্রহণ করিতে হয় তাহা হইলে পাওয়া যাইতেছে যে হিগিন্স এবং নরেন্দ্র ইঁসপাতালে গিয়াছিল। হিগিন্স বলিয়াছে যে, সে সত্যেন্দ্রকে উঠানের দিকে মুখ করিয়া উপরতলার বারান্দায় দাঢ়াইয়া থাকিতে দেখিয়াছিল। সত্যেন্দ্র তাহাদিগকে আসিতে দেখিয়া অগ্রসর না হইয়া ফিরিয়া গিয়াছিল এবং হিগিন্স ইহাও বলিয়াছে যে সে বারান্দায় সত্যেন্দ্রকে দেখে নাই—দেখিয়াছিল কানাইকে। এটি সত্যই বড় শুভত্বপূর্ণ কথা। যদি তাহারা হিগিন্সের এই কথায় বিশ্বাসস্থাপন করেন, তাহা হইলে ইহার প্রকৃত অর্থ কি

তাহা তাহাদিগকে বুঝিতে হইবে। ঈহা হইতে কি ঈহাই
বুঝিতে হউবে যে সত্ত্বেন্দ্র কানাইকে তাহার স্থান গ্রহণ করিতে
দিয়া চলিয়া গিয়াছিল ? যদি সত্ত্বেন তাহাই করিয়া থাকে,
তাহা হইলে তাহা হইতে কি ঈহাই স্পষ্টভাবে প্রমাণিত
হয় যে কানাই কিজন্তু তাহার স্থান লইতেছে তাহা সত্ত্বেন
জানিত। বিভিন্ন দিকের মধ্যস্থিত এই সকল পরস্পর-
বিরোধী প্রমাণসকলের মধ্যে কোনটির উপর কতটা নির্ভর করা
যাইতে পারে তাহাও তাহাদিগকে বিচার করিয়া দেখিতে
হইবে। কেমন করিয়া জুবারগণ নিজেরাই জেলের ভিতবে
আসিয়াছেন, বিচারপতি তাহা জুরারদিগকে শ্বরণ করিতে
বলিলেন। তাহারা কি বলিতে পারেন যে তাহারা যখন জেলের
ফটকের নিকট উপস্থিত হইয়াছিলেন তখন সেখানে কয়জন
ওয়ার্ডার ‘ডিউটিতে’ ছিলেন ? জুরারগণ কি নিভুলভাবে
বলিতে পারেন - কে প্রথমে জেলের ফটক দিয়া প্রবেশ
করিয়াছিল ? কখন মিঃ এমাস’ন তাহাদিগের সহিত মিলিত
হইয়াছিলেন ? কে সাহেবকয়েদীদের ওয়ার্ডে ছিল ? কে
কম্পাউণ্ডারের ঘরে ছিল ? চেয়ারের তলায় গুলির আঘাতের
চিহ্ন কে দেখাইয়া দিয়াছিল ? আর, এক্ষেত্রে জুরারগণ সেখান-
কার সকল বিষয় বিশেষভাবে লক্ষ্য করিয়া দেখার জন্যই সেখানে
গিয়াছিলেন এবং যাহা তাহারা দেখিয়াছিলেন তাহা নিভুল-
ভাবে মনে করিয়া রাখিবার জন্যই সেখানে গিয়াছিলেন। এই
সকল সহজ বিষয়গুলি যদি তাহারা মনে না রাখিতে পারেন,

তাহা হইলে কি করিয়া তাঁহারা আশা করিতে পারেন যে, সেখানে যাহা যাহা ঘটিয়াছিল তাহা অশিক্ষিত সাক্ষীরা মনে রাখিতে পারিবে এবং প্রতি পদে যাহা যাহা ঘটিয়াছিল তাহা তাঁহারা পর্যায়ক্রমে গোড়া হইতে শেষ পর্যন্ত কি করিয়া বর্ণনা করিতে সক্ষম হইবে ? উপসংহারে বিচারক সংবাদপত্রে যাহা কিছু বলা হইয়াছে জুরারগণকে তাহা তাঁহাদের মন হইতে অপসারণ করিতে বলিলেন । এই অপরাধটি প্রশংসনীয় অথবা নিন্দনীয় অথবা ইহা অন্য কোনরূপ অপরাধ—সে কথাও তাঁহারা তাঁহাদের মন হইতে বিদূরিত করুন । তাঁহাদিগকে কেবল বলিতে হইবে যে আইনের চক্ষে ইহা হত্যা কি না । এই বিষয়ে যদি কোনরূপ সন্দেহ থাকে, তাহা হইলে অভিযুক্তকে তাঁহারা তাঁহাদের সন্দেহের স্মৃতিধাজনক ফল হইতে বঞ্চিত করিবেন না । অপরাধ সম্বন্ধে যদি তাঁহাদের আদৌ কোন সন্দেহ না থাকে, তাহা হইলে তাঁহারা তাঁহাদের বিবেকানুযায়ী তাঁহাদের মত জনাইবেন ।

এই প্রসঙ্গে একটি প্রধানতম কথা উক্ত থাকিলে ভাল হয় । পাবলিক প্রসিকিউটাৰ বিশ্বাস মহাশয় সত্যেন্দ্রের বিরুদ্ধে সংগৃহীত প্রমাণাদি উপস্থাপিত করিয়া পরিশেষে বলিয়াছিলেন —সত্যেন্দ্র এই ব্যাপারে একটিও গুলি না ছাঁড়িলেও সে কানাইএর মতই গোস্টএর হত্যার জন্য সমভাবে দায়ী । অবশ্য জুরারগণের এই বিষয়ে কোন সন্দেহ থাকিলে তাহার ফলভোগ হইতে সত্যেন্দ্রকে বঞ্চিত করা উচিত নহে । কিন্তু

বিচাবক বলিলেন যে এই সম্পর্কে একটি মস্ত বড় কথা হইতেছে এই যে যখন কানাটি সত্যেন্দ্রকে ম্যাজিষ্ট্রেটের সমক্ষে এই ব্যাপারে জড়াইয়াছিল তখন সত্যেন্দ্র তাহাতে আপত্তি করে নাই। যদি সত্যেন্দ্র নির্দোষী হইত তাহা হইলে কানাইলালের উক্তিতে সে নিশ্চয়ই আপত্তি করিত।

পূর্বেই বলা হইয়াছে যে অধিকসংখ্যক জুরাব সত্যেন্দ্রকে নিরপরাধ সাব্যস্ত করিয়াছিলেন, কিন্তু তাহাদের এই রায় হাইকোর্টকর্তৃক পর্যবেক্ষণের জন্য প্রেরিত হইলে হাইকোর্ট তাহা সমর্থন না করিয়া সত্যেন্দ্রেরও উপর সর্বোচ্চ দণ্ড অর্থাৎ ফাসীর হকুম দিয়াছিলেন।

সত্যেন্দ্রকে বাঁচাইবার জন্য ব্যানার্জী মহাশয়ের চেষ্টা পরিণামে ব্যর্থ হইলেও তাহার বক্তৃতায় তাহার গুণপনা ও বিশেষ কৃতিত্ব প্রকাশ পাইয়াছিল।

কানাইলালের ফাঁসি ও ঠাহার মৃতদেহের স্বকার (১৩১৫ বঙ্গাব্দের ২৭শে কাৰ্ত্তিক তাৰিখের সঞ্চীবনী হইতে উন্মুক্ত)

গত মঙ্গলবাৰ প্ৰতাষ্ঠে যথন দিবা-অৱজ্ঞালোকে পূৰ্ববাকাশ উজ্জ্বল হইয়া উঠিতেছিল সেই পৰিত্ব সন্ধিক্ষণে কানাইলাল ইহলোক ত্যাগ কৱিয়া গিয়াছেন। ৫টাৰ সময় পুলিশেৰ ৩০০ সশস্ত্র শান্ত্ৰী জেলে সমবেত হইল। ৫০০টাৰ সময় পুলিশ কমিশনাৰ মিষ্টাৰ হালিডে, ডেপুটি পুলিশ কমিসনৱ, আলিপুৱেৱ ম্যাজিষ্ট্ৰেট মিষ্টাৰ বোমপাস জেলে উপস্থিত হইলেন। কিয়ৎক্ষণ পৰে কয়েকজন অনুগ্ৰহভাজন সংবাদ-পত্ৰেৰ রিপোর্টাৰ ও দৰ্শক বধ্যভূমিৰ একঙ্গলে প্ৰবেশাধিকাৰ পাইলেন। ক্ষীণ চল্লালোকে সকলে নৌৱে সময়েৱ প্ৰতীক্ষা কৱিতে লাগিলেন।

পূৰ্ববাকাশ অৱজ্ঞাৰাগে রঞ্জিত হইয়া উঠিল। জেনেৰ ঘড়িতে ৬টা বাজিয়া গেল—কানাইলালেৰ কাৱাকক্ষেৰ ছাৱ উন্মুক্ত হইল। মি: ৰোম্পাস, পুলিসেৰ ডেপুটি কমিশনৱ প্ৰতৃতি মিছিলবন্ধ হইয়া কানাইলালকে লইয়া বধ্যভূমিৰ দিকে অগ্ৰসৱ হইলেন। কানাইলালেৰ দুই হস্ত পৃষ্ঠদেশে বন্ধ। দৃঢ়পদে নিৰ্ভিকভাৱে কানাইলাল অগ্ৰসৱ হইতে লাগিলেন। অক্ষুট আলোকেৰ ভিতৱ দিয়া কানাইএৰ চক্ৰবৰ্যেৱ প্ৰশাস্ত জ্যোতি দৃষ্ট হইতেছিল। শান্তোজ্জ্বল হাসিতে কানাইএৰ বদনে কি এক স্নিফ আভা ফুটিয়া উঠিয়াছে।

কানাই বধ্যমন্তে আরোহণ করিল। একবার চারিদিকে দর্শকদিগের দিকে সশ্রিত দৃষ্টিনিক্ষেপ করিল। তাহার সেই পরম নিশ্চিন্ত নির্ভিকভাব, সেই শ্রিত বদন, দর্শকদিগকে বিশ্বায়বিমুক্ত করিল। কানাইএর গলায় ফাঁসির রজ্জু অর্পণ করা হইল। কানাই একান্ত নিরুদ্বেগ নিশ্চিন্ত, কেবল একবার মৃত্যুরে জল্লাদকে বলিল—“দড়িটা বড় কড় হয়েছে, গলায় লাগছে।” আবার ঠিক করিয়া ফাঁসী পরান হইল। আবরণ দিয়া তাহার মুখ ঢাকিয়া দেওয়া হইল। জল্লাদ তখন দ্রুত-পদে নামিয়া আসিয়া ফাঁসিকাষ্ঠ ঝুলাইয়া দিল—মুহূর্তমধ্যে কানাই অনন্তলোকে চলিয়া গেল। ৯টার কিঞ্চিৎ পরে কানাইএর জ্যেষ্ঠ ভাতা ও স্বজন স্বদেশীগণ মৃতদেহ জেলের বাহিরে বহন করিয়া আনিলেন। জেলের বাহিরে ইতিমধ্যে অসংখ্য লোক কানাইএর মৃতদেহ বহনে ও অন্তেষ্টিতে যোগদান করিবার জন্য অপেক্ষা করিতেছিলেন। খট্টার উপরে শুন্দর শুরুতি পুস্পদামের উপর কানাইএর দেহ স্থাপন করা হইল। কানাইএর বুকের উপর একখানি গীতা স্থাপন করা হইল। তারপর সকলে সেই শবাধার বহন করিয়া কালীঘাটের দিকে চলিলেন। এইখানকার দৃশ্য প্রকৃতই অবর্ণনীয়। বৃক্ষের চূড়ায়, গৃহের ছাদে সর্বত্র জনসমষ্টি। অল্লাঙ্কণমধ্যে বৌরপূজামন্ত এক বিরাট মিছিল শ্রদ্ধাপূর্তচিত্তে কানাইএর শরের সঙ্গে সঙ্গে শুশানকেত্রে উপস্থিত হইল। হাজার হাজার লোক—পুরুষ, স্ত্রীলোক, বালক—আজ কানাইএর

শুশানে উপস্থিত হইয়াছেন। সন্দ্রান্ত ভদ্রপরিবারের মহিলা-গণ, অশীতিপূর বৃক্ষ—আজ সকলে কানাটি এর পদধূলি মন্তকে লইলেন। সঙ্গীতৎখনি হইল, “যায় যাবে জীবন চলে, জগৎ-মাঝে তোমার কাজে বন্দে মাতরম্ বলে।” শুশানে কানাটি-এর সংক্ষিপ্ত জীবনী বিবৃত হইল—তাঁহার আত্মার কল্যাণার্থে প্রার্থনা করা হইল। কানাটি এর শবদেহের কটো লওয়া হইল। পুষ্পমাল্য সে দেহের প্রাণ সর্বাংশ ঢাকিয়া গিয়াছে, কেবল তাঁহার মুখের কিয়দংশ দেখা যাইতেছে—সে মুখে এখনও হাসি লাগিয়া রহিয়াছে। চন্দনকাষ্ঠে চিতা সজ্জিত হইল, তচ্ছপরি ঘৃতলিঙ্গদেহ স্থাপিত হইল। কানাটি এর আতা অগ্নিসংযোগ করিলেন। অল্পক্ষণ মধোই সব শেষ হইল !

রৌপ্যাধারে চিতাভস্ম গৃহে আনিয়া সঘনে রক্ষিত হইল। অনেকে কানাটি এর চিতাভস্ম লইয়া গেলেন। একজন গাহিলেন—

তাই কানাটি, যাওরে অনন্তধারে ।

মোহ মায়া পাশরি,
হংখ আঁধার যেধা কিছুই নাহি ।

যায় যথা সত্যব্রত, বীরব্রত, পুণ্যবান,
যাও তুমি যাও সেই দেব সদন ।


ইংলিশম্যান সংবাদপত্রে প্রকাশিত বিবরণ

একজন বাঙালী সংবাদদাতা কর্তৃক লিখিত। (অঙ্গীকৃত)

শুনা গেল যে, যে সকল স্ত্রীলোক কানাইলালের মৃতদেহ দাহ করিবার কার্যে ঘোগদান করিয়াছিলেন তাহারা ভদ্রপরিবারের স্ত্রীলোক। মৃতদেহ দর্শনে তাহাদের চক্ষু অঙ্গভারাক্রান্ত হইয়াছিল এবং অনেককে গভীর শোকাভিভূতের আয় ক্রন্দন করিতে দেখা গিয়াছিল। পুরোহিত বিশ্বরঞ্জন বাবু চাঁদা তুলিয়া কয়েক মন চন্দনকার্ত্ত সংগ্রহ করিয়াছিলেন। কেওড়াতলা ঘাটে যে বৃহৎ জনতা সমবেত হইয়াছিল তাহাদের মধ্যে অনেকেই স্বেচ্ছায় দুই তিন টাকা করিয়া চাঁদা দিয়াছিলেন। কেহ কেহ দশ টাকা পর্যন্তও দিয়াছিলেন এবং এইরূপে প্রায় তিনশত টাকা চন্দনকার্ত্ত সংগ্রহেই খরচ করা হইয়াছিল। দেহ পুড়িয়া যাইবার পর, পোড়া হাড়গুলি টুকরা টুকরা করিয়া লোকে স্মৃতিচিহ্নস্বরূপ লইয়া গিয়াছিল। টুকরাগুলি লইবার জন্য একেবারে ছড়াছড়ি পড়িয়া গিয়াছিল। দেহ আলাইবার পূর্বে কানাইএর মাথার চুল দর্শকেরা কাটিয়া লইয়া রাখিয়াছিলেন। ছাই গঙ্গায় না ফেলিয়া, বহু ভক্ত তাহা আগ্রহসহকারে কাচ ও ঝুপার পাত্রে ভরিয়া লইয়াছিল। কিছু ছাইএর মোড়কও করা হইয়াছিল—বোধ হয় বাহিরে পাঠাইবার জন্য। একজন ভদ্রলোক উহা সোনার পাত্রে ভরিয়া লইয়াছিলেন। কানাইএর আতা যে কাষ্ট

(১৩)

সংগ্রহ করিয়াছিলেন তাহা জনতা ফেলিয়া দিয়াছিল এবং
কানাইএর মৃতদেহ কেবল চন্দনকাঠে ও শ্রেষ্ঠ সুগন্ধি ঘৃতে
পোড়ান হইয়াছিল। কালীদেবীকে উৎসর্গীকৃত ছঞ্চ, নারিকেল,
জল, পুষ্প ইত্যাদি কানাইএর মুখে ঢালিয়া দেওয়া হইয়াছিল।
দলে দলে মন্দিরে আগত পুষ্পবিক্রেতারা বিনামূল্যে তাহাদের
পুষ্পাদি উপহার দিয়াছিল।



କାନାଇଲାଲ ପ୍ରକୃତ ବୀରେର ସତ ମୃତ୍ୟୁ ବରଣ କରିଯା ଲଈଯାଛେ । ସଥିନ ଫୀସୀର ରଙ୍ଗୁ ତୀହାର ଗଲଦେଶେ ପରାଇୟା ଦେଓଯା ହଇତେ-
ଛିଲ ତଥିନ ତିନି ସୋଜା ଦୃଢ଼ଭାବେ ଦୀଡ଼ାଇୟା ଛିଲେନ ।
ଶୁନିଲାମ ସେ ତିନି ଜମ୍ବାଦକେ ଗଲ-ରଙ୍ଗୁଟି ଠିକଭାବେ ପରାଇତେ
ବଲିଯାଛିଲେନ ଏବଂ ନିଜହଞ୍ଚେ ଉହା ପରିବାର ସମୟ ତୀହାର
ଚିତ୍ରେ ସେ ଶ୍ରିରତା ଓ ଦୃଢ଼ତା ଦେଖା ଗିଯାଛିଲ ତାହାତେ
ସକଳେ ଅତୀବ ବିଶ୍ଵିତ ନା ହଇୟା ଥାକିତେ ପାରେନ ନାହିଁ ।
ତୀହାର ମୁଖମଣ୍ଡଳ ନିର୍ମଳ ହାନ୍ତେ ଉଦ୍ଦୀପ ହଇୟାଛିଲ ଏବଂ
ସତକ୍ଷଣ ନା ତୀହାର ପାର୍ଥିବ ଦେହ ଭଞ୍ଚେ ପରିଣତ ହଇୟାଛିଲ
ତତକ୍ଷଣ ପର୍ଯ୍ୟନ୍ତ ସେଇ ହାନ୍ତ ସକଳେଇ ତୀହାର ମୁଖମଣ୍ଡଳେ
ଦେଖିତେ ପାଇୟାଛିଲେନ ।

ପାଁଚ ଫୁଟ ଗଭୀରେ କାନାଇକେ ପାତିତ କରା ହିଲ ।
ଏକ ସଂଟା ପରେ ଦଢ଼ି କାଟିୟା ତୀହାର ଦେହ ନାମାନ ହିଲ
ଏବଂ ଡା: ନୀଳ ମୟନା ତଦତ୍ତ କରିଲେନ । ଜୁରାରଗଣ ତଦତ୍ତେ
'ମୃତ୍ୟୁ' ରାୟ ଦିଲେନ । ଠିକ ସାଡ଼େ ନୟଟାର ସମୟ କାନାଇଲାଲେର
ମୃତ୍ୟୁ ବହନ କରିଯା ଲଈୟା ଘାସ୍ୟା ହିଲ ଏବଂ ଏକଥାନି
ଗୀତା ତୀହାର ବକ୍ଷେର ଉପର ସ୍ଥାପିତ ହିଲ । ତୀହାର ଜୋଷ୍ଟ
ଆତା ଏବଂ ତୀହାର ବହ ବନ୍ଧୁ ଓ ଆଉସୀଯ ତୀହାର ଦେହ ଖାଟେ
କରିଯା ବହନ କରିଯା ଲଈୟା ଗେଲେନ । ବହ ସହସ୍ର ଲୋକଦ୍ୱାରା
ଗଠିତ ଏକଟି ଶୋଭାଷାତ୍ରା କରିଯା କାନାଇଲାଲେର ଦେହ କାଲୀଘାଟ-
ଶ୍ମଶାନେ ଆନା ହିଲ । - ଏକଜନ ବୃକ୍ଷ ଆକ୍ରମ ମନ୍ଦିର ହଇତେ
ଫୁଲେର ମାଳା ଆନିଯା 'ମୃତ୍ୟୁ' ଗଲାଯା ପରାଇୟା ଦିଲେନ ।

ষাহাতে কানাইএব আত্মা স্বর্গে চিরস্থায়ী শান্তিলাভ করিতে
পারে তাহাব জন্ম বিশেষ কবিয়া প্রার্থনা করা হইল।
শাশান-দৃগ্ভের বিরাটভ বর্ণনার অতীত। সকল শ্রেণীর
ও সকল অবস্থাব স্তু পুরুষ অদ্ভুত ও অসাধারণ ব্যক্তিকে
শেষ দেখা দেখিবাব জন্ম হাজাবে হাজারে সমবেত হইয়া-
ছিলেন। দাহ করিবাব পূর্বে ঘাটে যখন কানাইলালের
দেহ রক্ষিত হইয়াছিল, তখন কানাইএব মুখে সন্তোষ ঘরের
মহিলাবা কালীমাতাব চৰণামৃত ঢালিয়া দিয়াছিলেন। যাহারা
শোভাযাত্রাব অনুসৰণ কবিয়াছিলেন তাহাদের সকলকে
নগপদে শাশানে ঘাটতে দেখা গিয়াছিল। মৃতদেহে হরিজ্ঞা
ও ঘৃত মাথান হইয়াছিল এবং ঘাটে ধূপ ধূনা ঝালা হইয়া-
ছিল। দ্বিপ্রহবে ঐ স্থানের ফটো লওয়া হইয়াছিল এবং
কানাইলালের জ্যেষ্ঠ আত্মা মৃতদেহে অগ্নিসংযোগ করিয়া-
ছিলেন। অন্তেষ্টিক্রিয়ায় যাহারা যোগদান করিয়াছিলেন
তাহাবও এই কার্য করিয়াছিলেন। আমাদিগের প্রতিনিধি
আমাদিগকে জানাইলেন যে, কেবল ঘৃত ও চন্দনকাষ্ঠ দ্বারা
কানাইলালের দেহ দাহ করা হইয়াছিল।

শব্দাহকালে মৃহুর্হু গভীরভাবে দৌপনামূলক
“বন্দেমাতরম্” শব্দনি গগণ বিদীৰ্ণ করিতেছিল এবং মধ্যে
মধ্যে দেশপ্রেমোদ্বোধক গীতিসকল গীত হইতেছিল।
আমাদের প্রতিনিধি বলিলেন যে দাহকার্য শেষ হইলে,
কিছু অঙ্গ ও ছাই কানাইএব জ্যেষ্ঠ আত্মা অস্তিত্বকারে

(১৮)

একটি রৌপ্যপাত্রে ভরিয়া লইলেন। যুতের বন্ধ ও আঘীয়-
দের মধ্যে অনেকেই কানাইএর এই শেষ শৃঙ্খলা
ছিলেন। এইস্থানে কানাইলালের অদ্ভুত জীবনের পরিসম্মান
হইল।

৩৫৩

কানাইলালের কার্য সম্বন্ধে তদানীন্তন কঠিপুর পত্রিকার গুরুত্বপূর্ণ মন্তব্যাবলী

ভারতের দেশীয় সংবাদপত্রসকল কানাইলালের কার্যকে ভারতের রাজনীতিক অবস্থার মাত্র একটা বিশ্বাস-জনক অভিব্যক্তিক্রমেই দেখিয়াছিল—আর ষ্টেটস্ম্যান, ইংলিশ্ম্যান ও ডেলীনিউস প্রভৃতি ইংরাজ-শাসনের নিছক সমর্থক পত্রিকাগুলি কানাইলালের কার্যের নিন্দা ভিন্ন আর কিছুই করা আবশ্যক বোধ করেন নাট। এলাহাবাদের পাইওনিয়ার ইংরাজপরিচালিতসংবাদপত্রঅনুষ্ঠত তখনকার প্রশংস্ত রাজপথ পরিত্যাগ করিয়া একটি স্বতন্ত্র পথ লওয়ায় দেশের সকলেরই দৃষ্টি আকর্ষণ করিয়াছিল। ষে হেতু পাইওনিয়ারের প্রসিদ্ধ মন্তব্যগুলি একটি ঐতিহাসিক মন্তব্য বলিয়া সংবাদপত্রের ইতিহাসে স্থান পাইবার ঘোগ্য, সেইজন্তু উহার সমগ্র মন্তব্যটি উকার করিয়া পরে উহার সমর্থক অন্য মন্তব্যগুলিও উক্ত করিব।

১৯০৮ খৃষ্টাব্দের ঢোকা সেপ্টেম্বর তারিখে “পাইওনিয়ার” লিখিয়াছিলেন— রাজসাক্ষী গোসৈইএর হত্যা সম্বন্ধে বিশেষ করিয়া লক্ষ্য করিবার বিষয় বাঙালী সাধারণের উল্লাস। গোসৈইএর হত্যাতে তাহারা খুব খুসী হইয়াছেন। তাহারা গোসৈইএর হত্যাকে একজন দেশের বিশ্বাসঘাতকের হত্যা বলিয়া গ্রহণ করিয়াছেন। সহরের উত্তরাঞ্চলে সকলে

উল্লাসভরে শোভাযাত্রা বাহির করিয়াছিল এবং মিউনিসিপাল মার্কেট ও লিঙ্গসে স্ট্রীটের মৎস্যব্যবসায়ীদের মত নিবক্ষণ নাগবিকেবাও আজ প্রাতঃকালে গোসাইএর মৃত্যুতে প্রকাশ্যভাবে আনন্দপ্রকাশ করিতেছিল। ইহা হইতে প্রমাণিত হয় যে অবাজকতা-পঙ্কপাতী সংবাদপত্রে প্রচারসকল সফল হইয়াছে। একজন মৎস্যব্যবসায়ী গলা ছাড়িয়া বলিয়া উঠিল, “জেলের ভিতবেও আমবা—অপদার্থ বাঙালীবা—কি কবিতে পাবি, তাহা একবার বুঝিয়া লও।” ইহাব পর “পাইওনিয়ার” ৪টা সেপ্টেম্বর তারিখে নিম্নলিখিত মন্তব্য করেন। পূর্বে ইহার উল্লেখ আংশিকভাবে কবা হইয়াছে। “আলিপুর জেলের হত্যা সম্বন্ধে কলিকাতার কতিপয় সংবাদপত্র উত্তেজনার বশবর্তী হইয়া যে সকল মন্তব্য কবিয়াছে তাহাতে ভাষার অপব্যবহারের যে দৃষ্টান্ত পাওয়া গিয়াছে সেইরূপ দৃষ্টান্ত সহজে পাওয়া যাইবে না। ‘ইংলিশম্যান’ ইহাকে হীন পঙ্গজনোচিত বলিয়াছেন। অলঙ্কাবের জন্ম শিশুহত্যারূপ নিষ্ঠুর এবং বীভৎস অবস্থায় সম্পাদিত অন্ত কোন হীন কার্য সম্বন্ধে এইরূপ ভাষা ব্যবহারই উপযুক্ত হইতে পারে। সকল প্রকাব হত্যাই বীভৎস; কিন্তু কোনও হত্যার প্রতি যদি অল্পতমপন্থৈর আরোপ করা যাইতে পারে—আলিপুর জেলের হত্যা সেইরূপ হত্যা। ‘ষ্টেটস্ম্যানের’ মন্তব্য আরও অস্তুত। ষ্টেটস্ম্যান ইহাকে কাপুরুষোচিত, বলিয়াছেন—কেননা ইহা নিদারিণ অস্ত্রে

সজ্জিত ব্যক্তিগণ দ্বারা একজন নিরস্ত্র ব্যক্তিকে হত্যা 'ষ্টেস্ম্যান' কি বলিতে চান যে, দুষ্কৃতকারী ছইজনের উচিত ছিল রাজসাক্ষীকে তৃতীয় রিভলবারটী দেওয়া এবং একটি সক্ষেত্রের ব্যবস্থায় সম্মত হইয়া তাহাদের রিভলবারের ঘোটক চালনা করা ? কিন্তু জিজ্ঞাসা করি—ষ্টেস্ম্যানের ইচ্ছামুষায়ী বাঙ্গালার জেলপরিচালকগণ কি এইরূপ প্রাথমিক অনুষ্ঠানে সম্মত হইতেন ? হত্যা ত দ্বন্দ্ব-যুদ্ধ নয়। এইরূপ অবস্থায় যাহারা এই কার্য করিয়াছে তাহারা যে তাহাদের আক্রমণের পাত্রকে সতর্ক করে নাই এবং আত্মরক্ষার জন্য তাহার হস্তে কোন অস্ত্র প্রদান করে নাই, সেজন্য এই হত্যাকে নীচতাময় বর্ণে অঙ্কিত করিলে উপহাসাস্পদ হইতেই হইবে। এই কার্যটি কিছুতেই কাপুরুষোচিত হইতে পারে না। জেলখানার চতুঃপ্রাচীরের মধ্যে সম্পাদিত এইরূপ কার্য করিয়া পলায়নের কোন পথ ছিল না। আত্মহত্যা অথবা ফাসৌকাষ্ঠে ঝোলা ভিন্ন অন্ত পথ নাই। ইহাকে দুঃসাহসিক কার্য বলা যাইতে পারে, কিন্তু ইহাকে কাপুরুষোচিত বলিলে উহা অর্থহীন প্রলাপ ভিন্ন আর কিছুই হইতে পারে না। হত্যার একটি মাত্র দণ্ড থাকিলেও উহার কালিমার স্তর-তে আছে এবং নিরপেক্ষ দৃষ্টিতে দেখিলে দেখিতে পাওয়া যাইবে যে, যে হত্যায় সর্বাপেক্ষা কম কালিমা থাকিতে পারে আলিপুর জেলের হত্যা সেইরূপ হত্যা। রাজসাক্ষী নিজেকে

বাঁচাইবার জন্য তাহার সহকর্মীদের সর্বনাশ সাধন করিতে অথাসাধ্য চেষ্টা করিয়াছিল। যাহাতে সেসঙ্গ আদালতে উপস্থিত হইয়া সে তাহার বক্তব্য বলিতে না পারে তাহার জন্য তাহার ছাইজন সহকর্মী তাহার জীবনান্ত ঘটাইতে কৃতসঙ্কল্প হইয়াছিল। প্রকৃত কথা হইতেছে—হয় সে থাকিবে, না হয় তাহার সঙ্গীরা থাকিবে। হত্যাকারী ছাইজন অন্য সকলের জীবন রক্ষার জন্য নিজেদের জীবন উৎসর্গ করিতে প্রতিজ্ঞাবন্ধ হইয়াছিল। ইহা হত্যা, কিন্তু ইহা আত্মোৎসর্গও বটে। আইন নিঃসন্দেহে তাহার কার্য করিবে এবং মে গভর্নমেন্ট তাহার কর্মচারীদের দ্বারা রাজসাক্ষীকে রক্ষা করিতে পারে নাই সেই গভর্নমেন্টের বিচারবিভাগ সেই রাজসাক্ষীর মৃত্যুর প্রতিশোধ লইবে; কিন্তু নীতির আদালতে উপস্থিত হইলে আমরা আইনকে বিদায় দিব এবং কক্ষ-গুলি অর্থহীন শব্দস্ত্রপে ব্যাপারটিকে আচ্ছন্ন না করিয়া তাহার সত্যকপ দেখিতে চেষ্টা করিব। আলিপুর হত্যাকে যদি আমরা নৃশংস বর্বর এবং কাপুরুষোচিত বলি, তাহা হইলে কামচরিতার্থে সম্পাদিত যুবতী স্বীলোকদিগের হত্যা অথবা বৃন্দা স্বীলোকদিগকে তাহাদের সংক্ষিত অর্থের জন্য কৃত হত্যাকে আমরা কি বিশেষণে বিশেষিত করিব? ইহার পর বাঙালীরা যদি হারমোডিয়াস এবং এরিস্টো-জাইটনের মত চরিত্রসম্পন্ন ছাইজন বাঙালীর দর্শন পাইয়া তাহাদিগকে তাহাদের স্মৃতিবেদিতে প্রতিষ্ঠিত করিতে

চাহেন, তাহা হউলে ইহা কি কারণে আপত্তিকর হইতে পারে তাহা বুঝিয়া উঠা সহজ নহে।

২ৱা সেপ্টেম্বর তারিখে “বন্দেমাতরম্” পত্রিকায় নিম্নলিখিত মন্তব্য প্রকাশিত হইয়াছিল—

বাংলাদেশে বোমা আবিষ্কারের দিন হইতে—যে বোমার কথা স্বপ্নেও কেহ চিন্তা করে নাই—একটির পর একটি করিয়া যে সকল অপ্রত্যাশিত এবং কঙ্গনার অতীত ঘটনা সংঘটিত হইয়াছে, তাহারই সমর্পণ্যায়ভুক্ত ভৌষণ মর্মান্তিক ঘটনা গতকল্য আলিপুর জেলে সংঘটিত হইয়াছে। নিদারণ মারণাস্ত্র সকল—যাহাদের বজ্রনাদ দেশের লোককে স্তুতি। করিয়াছে এবং যাহা প্রস্তুত করিতে এক সঙ্গে যে লোক তাহার সহকর্মীদের সহিত যোগান করিয়াছে—সেই সহকর্মীদের হাতে হাতকড়া লাগাইয়া নিজেকে বাঁচাইতে যে দুঃসাহস দেখাইয়াছিল—তাহার কথা ভাবিয়া দেখিলে আমাদের মনে হয় তবিতব্যের হাত হইতে কাহারও নিষ্ঠাব নাই। আমরা বাস্তবিকই ইচ্ছা করি যে এমন নিদারণ বিষয়ের কথা যেন আর আমরা শুনিতে না পাই এবং স্থায়বিচারের সীমা লঙ্ঘন না করিয়া যতশীত্র সন্তুষ্ম মোকদ্দমার নিষ্পত্তি হউক। কতকগুলি অ্যাংগোইণ্ডিয়ান সংবাদপত্র যেন ঠিকই বুঝিয়াছিল যে ম্যাজিষ্ট্রেটের ঘরে এই মোকদ্দমা অবধি দীর্ঘকাল ধরিয়া চলিতে থাকিলে কিন্তু পিপদের সন্তান সৃষ্টি হইতে পারে। আমাদের কথা এই—

আমাদের এই বিশ্বাস আছে যে ভগবান স্বয়ং এই আনন্দ-
লনের নেতৃত্ব গ্রহণ করিয়া তাহার দ্বারা প্রবর্তিত আনন্দ-
লনকে অবাধে পরিচালনা করিয়া ইহার সাফল্যের পথ
হইতে সকল বাধা অসারিত করিবেন। পুনরায় ৭ই সেপ্টেম্বর
তারিখে এই পত্রিকায় লেখা হইয়াছিল—আমাদের কয়েকজন
যুবকের কার্য্যাবলী সম্বন্ধে কোন কপট মন্তব্য না করিয়া
নীরব হইয়া থাকিবার উপদেশ ‘ছেট্সম্যান’ আমাদিগকে
দিয়াছেন। আমরা মনে করি যে এই সহযোগীর নিকট
সমস্ত অ্যাংগোইণ্ডিয়ান সংবাদপত্রের বিবেক গচ্ছিত আছে—
সেই জন্য আমরা এখন তাহার উপদেশ অগ্রহ করিলাম
না। যাহা হউক আমরা ভাবিয়া দেখিব যে উপযুক্ত সাহসে
ভর করিয়া ইহার পর নীরব না থাকিয়া শ্রাদ্য কথা বলিতে
পারি কিনা। ইহার পর ১২ই সেপ্টেম্বর তারিখে সেই
নীরবতা ভঙ্গ করিয়া “বন্দে মাতরম্”এ যাহা লেখা হইয়াছিল
তাহারই ফলে “বন্দে মাতরম্” পত্রিকার প্রকাশ বন্ধ হইয়া
গিয়াছিল। ৩০শে অক্টোবরের পর আর “বন্দে মাতরম্”
প্রকাশিত হয় নাই। “বন্দে মাতরমের” এই প্রবন্ধের নাম
দেওয়া হইয়াছিল—“A traitor in the Camp” “বন্দে
মাতরম্” এ লেখা হইয়াছিল—

**“একজন ঘৱের শক্ত বা বিশ্বাসঘাতক
এইবার শ্রোত ফিরিয়াছে। এই বারই সর্বপ্রথম**

এমন একজন সাধক উদ্ধিত হইয়াছেন যিনি একজন বিশ্বাসঘাতককে তাহার উপযুক্ত শাস্তি দিবার জন্য স্বীয় জীবন বিসর্জন দিয়াছেন। কানাই নরেন্দ্রকে হত্যা করিয়াছে। অতঃপর আব কোন হতভাগা ভারতবাসী নিজ দেশের শক্রদিগের সহিত হাতে হাত মিলাইয়া নিজেকে প্রতিশোধগ্রাহীদের হস্ত হইতে নিরাপদ মনে করিতে পারিবে না। প্রতিশোধগ্রাহীদের টতিবৃত্তে সর্বপ্রথমে কানাইলালের নাম লিখিত হইবে। যে মুহূর্তে কানাইএর বন্দুক হইতে প্রথম গুলি ছোড়া হইয়াছে সেই মুহূর্ত হইতেই এদেশের আকাশ বাতাসে এই কথাটি ধ্বনিত প্রতিধ্বনিত হইতেছে—“বিশ্বাসঘাতকের জীবনের পরিণতি দেখিয়া সাবধান হও।” বিশ্বস্তস্তুতে জানা গিয়াছে যে এই প্রবন্ধটি শ্রদ্ধাপূর্ব বি. সি. চাট্টার্জী কর্তৃক লিখিত। “বন্দে মাতরমের” এই লেখার জন্য বন্দে মাতরমের বি঱ক্ষে মোকদ্দমা করা হয়। বন্দে মাতরমের কাউন্সিল বন্দে মাতরমের পক্ষ অবলম্বন করিয়া বলিয়াছিলেন--“বোমার দ্বারা কথনও স্বাধীনতা লাভ করা যায় না... দৃঃখের বিষয়—এমন একটি মহৎ জীবন বৃথা নষ্ট হইল।” কিন্ত তাহার বক্তৃতা জজের মনে কোন প্রভাব বিস্তার করিতে পারে নাই।

“মাজাজ টাইম্স” যে মন্তব্য করিয়াছিলেন তাহাও খুব বিশেষভাবে পূর্ণ। তাহা এইরূপ—

“এমন কতকগুলি হত্যা আছে যাহা আইন ও নীতি

সমর্থন করে। সৈনিক তাহার দেশের শক্তিকে ঘূঁষ্টে হত্যা করিতে পারে, জল্লাদ প্রাণদণ্ডে দণ্ডিত অপরাধীর জীবনান্ত ঘটাইলে কোন অপরাধে অপরাধী হয় না ; আর আত্ম-
রক্ষার্থে যে কেহ হত্যা করিতে পারে। আবার এমন কয়েক
প্রকার হত্যা আছে যাহা নৈতিক অপরাধ না হইলেও
আইনতঃ অবশ্যদণ্ডনীয়—অর্থাৎ উহা অপরাধ হইলেও পাপ
নহে। দ্রুত এবং বস্তু গোস্টাইকে হত্যা করিয়া যে একটি
নৈতিক অপরাধ করিয়াছে—কলিকাতার অ্যাংগো-ইণ্ডিয়ান
পত্রিকাগুলি তাহা বড় করিয়া দেখাইবার প্রয়াস পাঠ্যাছেন।
তাহারা যে অতিশয়োক্তি করিয়াছে তাহা ‘পাইওনিয়ার’
চোখে আঙুল দিয়া দেখাইয়া দিয়াছে। বিশেষ করিয়া
কাপুরুষতা সম্বন্ধে “পাইওনিয়ার” যাহা বলিয়াছে তাহা
অতি শ্রাদ্য কথা এবং কলিকাতার অ্যাংগোইণ্ডিয়ান সংবাদ-
পত্রগুলি যাহা বলিয়াছে তাহা একেবারে অশ্রাদ্য। গোস্ট-
এর নিকট যে অস্ত্র ছিল না তাহারই উপর তাহারা বিশেষ-
ভাবে জোর দিয়াছে। কিন্তু সুবিধাগুলি গোস্টাইএর অনুকূলে
এত অধিক পরিমাণে ছিল যে, তাহার আততায়ীগণ ভবিতব্যের
উপর নির্ভর করতঃ কর্তৃপক্ষের অব্যবস্থার সুযোগ লইয়া
যে কাপুরুষতার কোন কার্য করিয়াছে, তাহা এমন কি মধ্য-
যুগের কোর্ট অফ অনারের মত কোর্টও বলিতে পারিবে
না। তাহা হইলে ঈহাও দাবী করা যাইতে পারে যে
অপরাধী এবং তাহার জল্লাদ এই উভয় ব্যক্তিকেই অস্ত্রদান

করিয়া ফাঁসীমক্ষে তাহাদের জয় পরাজয় নির্ণয় করিয়া লওয়া উচিত ছিল। ইহা ব্যতৌত-ইহা অবধারিত যে হত্যাকারীর কার্যের ফল ফাঁসীকার্ত ভিন্ন অন্ত কিছুই হইতে পারে না। অতএব যে ব্যক্তিগণ ক্রুব মৃত্যুর সম্মুখীন হইয়াছিল তাহারা যে তাহাদের শক্তদের প্রতি ব্যবহারে ভদ্রতার সকল বিধি রক্ষা করিয়া চলিবে তাহা কথনই আশা করা যাইতে পারে না। কি উদ্দেশ্যপ্রণোদিত হইয়া দণ্ড ও বন্দু এই কার্য করিয়াছিল তাহা আমরা বলিতে পারি না। প্রতিশোধ লইবার উদ্দেশ্যে যদি তাহারা এই কার্য করিয়া থাকে তাহা হইলে আমরা বলিব যে তাহারা বেপরোয়াভাবে উম্মত হইয়াই এই কার্য করিয়াছে। যদি তাহারা সহযোগীদের বিরুক্তে উপস্থাপিত প্রধান সাক্ষীকে ধরাপৃষ্ঠ হইতে সরাইয়া দিয়া নিজেদের বাঁচাইবার জন্ত এই কার্য করিয়া থাকে তাহা হইলে তাহাদের এই কার্য আত্মবিসর্জন ভিন্ন অন্ত কিছুই নহে। কোন অবস্থাতেই তাহাদিগকে কাপুরুষ আখ্যায় আখ্যাত করা যাইতে পারে না।”

তখনকার অবস্থার বা আবহাওয়ার প্রকৃতরূপ অঙ্কন করিয়া স্বাধীনতাবাদী “বন্দে মাতরম্” যে জ্ঞানগর্ভ সুন্দর মন্তব্য করিয়াছিল তাহা প্রকাশ করিয়া এই পরিচ্ছেদের উপসংহার করা যাইক—“দেশ আজ একটি দারুণ সংক্ষিপ্তে উপস্থিত। পরীক্ষায় উর্তৃণ হইতে হইলে আমাদিগের মধ্যে প্রচুর নৈতিক শক্তির বিশেষ প্রয়োজন।

দেশ-মাতৃকা খুব কুঠি মূর্তি ধারণ করিয়াছেন। আমাদের চরিত্র পরিশোধনের জন্য তিনি যে মূর্তি ধারণ করিয়াছেন তাহাতে ভয় পাইয়া আমরা যেন তাহার করণ হইতে বঞ্চিত না হই। তার মনের অন্ত পাওয়া অতীব কঠিন। তাহার লীলার অন্ত পাওয়াও সম্ভবপর নহে। ভগবান আমাদিগকে তাহার ছুরোধ্য রহস্যময় কার্য সকলের মধ্য দিয়া লইয়া যাইতেছেন। ঈহার চরম পরিণতি দৃষ্ট না হওয়া পর্যন্ত আমরা যেন আমাদের বিচার স্থগিত রাখিয়া চলিতে পারি।

“একটি বিশাল অট্টালিকার ভিত্তিস্থাপনের জন্য প্রাথমিক ভূমি সংস্কারাদি দেখিয়া আমরা ইঞ্জিনিয়ার বা আর-কিটেক্টের চিন্তা ও পরিকল্পনার পরিচয় পাইতে পারি না। বুদ্ধিহীনের চক্ষু উহার মধ্যে চরম বিশুঙ্গলার প্রতিমূর্তি-স্মরণ ক্ষতচিহ্নসকল এবং আকার ও শীহীন কদর্য কঙ্কর ও ছাই ভূম্বট দেখিবেন। কিন্তু ক্রমশঃ যেমন সপ্তাহের পর সপ্তাহ অতীত হইতে থাকিবে আমরা দেখিব যে পরিকল্পনাগুলি শৃঙ্গলা ও সৌন্দর্যসম্পন্ন হইয়া স্ফুল্পষ্ট ও স্থায়ী আকার ধারণ করিতেছে এবং যখন অট্টালিকাটির নির্মাণ-কার্য শেষ হইবে, তখন বুঝিতে পারিব যে প্রথমে যাহা ছুরোধ্য ও শৃঙ্গলাবিহীন বলিয়া মনে হইতেছিল তাহা আরুক্ত কার্যেরই অত্যাবশ্রুক ক্রম। অনেক সময় প্রাথমিক ভিত্তির ধূলা কঙ্কর মধ্যে আমরা সেই সর্বশক্তিমান নির্মাতার

উদ্দেশ্য বুঝা উপলক্ষি করিতে চেষ্টা করি। তাহার উদ্দেশ্য
বুঝিতে হইলে আমাদিগকে ধৈর্যধারণ করিতে হইবে
মহান् নির্মাতার হস্তে জাতীয় জীবন-বয়ন-যন্ত্র রক্ষিত। তিনি
জাতির জীবনসূত্র সংগ্রহিত করিতেছেন—আলোকে, অঙ্ককারে
যথার্থ মঙ্গল ও আপাতঃ অঙ্গলের মধ্য দিয়া। ইহা বলিলে
অতুল্কি হইবে না যে তখনকার এইসকল দীপ্তিময় তেজস্বিতা-
পূর্ণ উক্তি সকল দেশ ও কালেই শ্রদ্ধা পাইবার যোগ্য।”

—তত্ত্ব—

মৃত্যুদণ্ডপ্রাপ্তির পর কারাগারে কানাইলালের সহিত তাহার জ্যৈষ্ঠ প্রাতা শ্রীআশুতোষ দত্ত মহাশয়ের সাক্ষকার

কানাইলালের দাদা শ্রীআশুতোষ দত্ত মহাশয়
কারাগারে কানাইলালের সহিত তিনবার সাক্ষৎ করিয়া-
ছিলেন। প্রথম বার কানাইলাল ধূত হইবার কিছুদিন পরে।
তিনি কানাইকে জামিনে ছাড়াইয়া আনিবার জন্য গিয়া-
ছিলেন। কানাইলাল জামিনের দরখাস্তে সহি করিতে
রাজি হন নাই। আশুব্দাবু যে উকিলকে তাহার সহিত
লইয়া গিয়াছিলেন তিনি বহুক্ষণ ধরিয়া বুরাইয়াও কানাই-
লালকে এই বিষয়ে সম্মত করিতে পারেন নাই। দ্বিতীয়-
বার নরেন্দ্রনাথ গোস্বামীএর ভবলীলা সাঙ্গ করিবার পর।
তৃতীয় বার ফাসীর দণ্ডজ্ঞা পাইবার পর। ফাসী হইবার
দিনকতক পূর্বে যখন তিনি গিয়াছিলেন তখন তিনি
কানাইএর সহিত তাহার মাতার দেখা করিবার কথা
পাঢ়িয়াছিলেন। কানাইলাল বলিয়াছিলেন—কোন প্রয়োজন
নাই, এখন দেখাশুন। বিষয়ে ঘেরপ কড়াকড়ি হইয়াছে
তাহাতে এখানে মাকে আনিয়া কাজ নাই। সেখানে ঘে
ওয়ার্ডার তখন পাহাড়া দিতেছিলেন তাহার নিকট আশুব্দাবু
তাহার আতার করমদিন করিবার অনুমতি প্রার্ণনা করিলে,
ওয়ার্ডার সাহেব পিছু করিয়া দাঢ়াইয়া আশুব্দাবুকে

কানাইএর কর্মদণ্ড করিতে দিয়াছিলেন। তৃতীয় বার দেখা করিবার পর আশুবাবু তাহার সাক্ষাংকারের কথা “বন্দে মাতরম্” দৈনিক পত্রিকায় প্রকাশ করিয়াছিলেন। ইং-
রাজিতে লেখা সেই পত্রখানির অনুবাদ নিম্নে প্রদত্ত হইল—
“বন্দে মাতরম্” সম্পাদক মহাশয় সমীপে,
মহাশয়।

আমার ভাতা কানাইলালের প্রাণদণ্ডাঙ্গার সংবাদ পাইয়া গত বৃহস্পতিবার আমি তাহার সহিত দেখা করিতে আলিপুর জেলে ছুটিলাম। সাক্ষাংকারের কথাটি সাধারণে প্রকাশ করা উচিত মনে করিয়া আমি আপনার পত্রিকার কোন এক স্থানে উহা প্রকাশ করিতে অনুরোধ করিতেছি। জেল কর্তৃপক্ষের নিকট আমার আবেদন উপস্থাপিত হইলে আমাকে জেল সুপারিশেন্টের সহিত তাহার বাংলোয় দেখা করিতে নির্দেশ দেওয়া হইল। সুপারিশেন্ট আমার প্রতি খুব ভজভাব দেখাইয়া ঘটনার জন্য ছংখ্যপ্রকাশ করিলেন। আমার আবেদনে আমি আমার মাতার পক্ষ হইতে বলি কানাইলালের সহিত নিরালায় সাক্ষাং করিতে চাহিয়াছিলাম, সুপারিশেন্ট উহা পাঠ করিয়া বলিলেন যে তিনি বড়ই ছংখিত যে তিনি ঐরূপ কোন অনুমতি দিতে পারেন না; কিন্তু আমাকে জেলের স্বারদেশে তাহার জন্য অপেক্ষা করিতে বলিলেন। প্রায় তিনি ষষ্ঠী অপেক্ষা করিবার পর তিনি আসিয়া জেলারকে আবশ্যিক

নির্দেশাদি দিলেন এবং জেলার আমাকে ভিতরে লইয়া
গেলেন। জমাদার আমার নাম লিখিয়া লইল এবং জেলার
নিজে আমার তন্মুসী লইলেন। ইহার পর ছইজন জেলার
এবং ছইজন রক্ষী আমাকে সঙ্গে করিয়া লইয়া গেলেন।
বৃহৎ প্রাঙ্গণের এক দিকে এক একজনের জন্য বাসোপযোগী
কয়েকখানি কক্ষ লইয়া এক সার সুরক্ষিত কক্ষ অবস্থিত।
আমাদের সামনে একটি বড় দরজা খুলিয়া গেল এবং
আমরা ভিতরে প্রবেশ করিলাম। আমার ঠিক দক্ষিণে
অবস্থিত প্রথম কক্ষটিতে আমি দেখিলাম যে কানাই
পিঞ্জরাবন্ধ সিংহের শ্রায় পাদচারণা করিতেছে। তাহার
নিকট চশমা ছিল না বলিয়া সে দর্শকদিগকে চিনিতে
পারিল না, কিন্তু সে না ঝুঁকিয়া সোজাভাবে আমার দিকে
চাহিয়া দেখিল। আমি সবেগে তাহার দিকে যাইয়া
তাহার কক্ষের গরাদে স্পর্শ করিতে না করিতেই রক্ষীকর্তৃক
বাধাপ্রাপ্ত হইলাম এবং আমাকে ছই হাত সরিয়া আসিয়া
দাঢ়াইতে হইল। কিন্তু কানাইএর মুখের দিকে চাহিয়া কি
দেখিলাম—স্বল্প পরিচ্ছন্দ পরিহিত দেহে তাহার মুখভী কেমন
উজ্জল ও স্ফূর্ত দেখাইতেছিল। সে মৃছ হাসিয়া তাহার
জীবনে শেষবার মুক্তভাবে আমার সহিত কথা বলিতে
লাগিল। ইহা অপ্রত্যাশিত বলিয়া আমি ইহাতে নির্বাক
হইয়া রহিলাম। তাহার মুখখানি কত শান্তি ও সন্তুষ্টিতে
ভরা। যে আশা ও শান্তনাম কথা আমার বলিবার ইচ্ছা

ছিল তাহা আমি ভুলিয়া গেলাম এবং তাহার জন্য আমার উদ্বেগ ও দুঃখের কথাও সমস্ত ভুলিয়া গেলাম। তাহার কাজ সে করিয়া যেন নিশ্চিন্ত হইয়াছে—এইভাবে উদ্বৃদ্ধ হইয়া সে আমাকে আগ্রহসহকারে জিজ্ঞাসা করিল যে তাহার মৃত্যুর দিন কি স্থির হইয়াছে? সে কেমন আছে জিজ্ঞাসা করায় সে উত্তর দিল যে সে খুব ভালই আছে এবং তাহার অভিযোগ করিবার কিছুই নাই। আমাকে—যতটা পারা যায়—মাকে সাস্ত্রণা করিতে বলিল এবং তাঁহাকে জেলে আনিতে নিষেধ করিল—কেন না এখন যেকোন তন্ত্রাসীর ব্যবস্থা হইয়াছে তাহা তাঁহার পক্ষে অস্ত হইতে পারে। তা ছাড়া তাঁহাকে নিরালা দেখা করিতে দিবে না। তাহার বন্ধুদের সহিত সে দেখা করিতে চাহে কিনা জিজ্ঞাসিত হইলে সে উত্তর করিল, “ঁা, যদি কর্তৃপক্ষ অনুমতি দেয়।” কানাটের চশমা আমাকে দিতে পারেন কিনা একথা আমি জেলারকে জিজ্ঞাসা করিলে, কানাট বলিল যে ফাঁসীর সময় উহা তাহার দরকার হইবে। আমার যেন মনে হইতেছে যে সে সেই সময়ে কিছু পড়িতে চাহে এইরূপ উক্তি করিয়াছিল। আমি তাহাকে দৃঢ় ধাক্কিতে বলিলে সে মৃছ হাস্ত করিল। আমি অন্যের ঘৃত সতৃষ্ণ নেত্রে তাহার দিকে চাহিলাম। তাহার স্বল্প মুখমণ্ডলে কি শাস্তিপূর্ণ সন্তুষ্টির ছবি দেখিলাম। আমি তাহাকে আমার ও মার আশীর্বাদ জানাইলাম।

(১১৪)

ধন্ত ধন্ত বীর যুবা ! ভয় কাহাকে বলে সে এক
মুহূর্তের জন্য জানিতে পারিল না। সে পুনরায় মাকে
সাস্তনা করিতে বলিল। আমি পুনরায় তাহার দিকে
চাহিয়া দেখিলাম এবং যে ভাব লইয়া ভাই ভাইকে তাহার
শেষ দিনের সম্মুখীন হইতে দেখিতে পারে, সেই ভাব লইয়া
তাহার নিকট হইতে শেষ বিদায় লইলাম।

চন্দননগর

১৬ই সেপ্টেম্বর ১৯০৮

বিশ্বস্ত আপনার—

এ. দত্ত। এল. এম. এস।

কানাইলালের বড় হংথের একটি ঘৰ্ষণেড়া কথা

নরেন্দ্রনাথ গোসাই নিহত হইবার কিছুদিন পূর্বে আলিপুর জেলে আবক্ষ সন্ত্রাসধর্মী বিপ্লবীগণ নিজেদের কার্যের আপাতনিষ্কল পরিণতির কথা অনুধাবন করিয়া বড়ই অঞ্চল ও অস্থির হইয়া উঠিয়াছিলেন। কি করিয়া নিরাশার কর্মভূমিকে পুনরায় নবতর আশা ও উৎসাহে সংজীবিত করিয়া উহার দীর্ঘায় সন্তুষ্পর করিতে পারা যায় তাহার উপায় উদ্ভাবনবিষয়ে তাহারা চিন্তা করিতেছিলেন। শ্রীবাবীন্দ্রকুমার ঘোষ এবং শ্রীউপেন্দ্রনাথ বন্দেয়াপাধ্যায় তাহাদের কর্মসূল পুলিশের নিকট প্রকাশ করিয়াছিলেন। কানাইলাল তাহাদের এই কার্যের ঘোষিততা ভাসচক্রে দেখিতে পারেন নাই। কারারুক্ষ সন্ত্রাসসূষ্টিকারীগণ অধিকতর একটি বীরত্বপূর্ণ কার্য করিয়া দেশবাসীকে আশাস্থিত এবং তৎসঙ্গে শাসকবর্গকে চমকিত ও সন্তুষ্ট করিবার কার্যে মনোনিবেশ করিয়াছিলেন। তাহারা হয় নিজেরা অথবা শ্রীঅরবিন্দ বাবুর পরামর্শাত্ত্বায়ী স্থির করেন যে তাহারা কোনোরূপে জেলখানা হইতে পলায়ন করিয়া হয় বাহিরে কোন পার্বত্য অঞ্চল হইতে অসংবক্ষ (guerilla) যুদ্ধ স্থূল করিয়া দিবেন, না হয় একেবারে ইংরাজ অধিকারের বাহিরে চলিয়া যাইবেন। এই উদ্দেশ্য কার্যে পরিণত করিবার জন্য তাহারা কিছুদূর অগ্রসরও হইয়াছিলেন।

শ্রীযুক্ত বসন্তকুমার বন্দ্যোপাধ্যায় মহাশয় বলেন যে তাঁহা-
দের এই কার্যে সাহায্য করিবার জন্য তিনি বাহির হইতে
কয়েকবার জেলের ডাক্তারের সহায়তায় জেলের সদর দর-
জার চাবিকলের কয়েকটি মোমের ছাঁচও সংগ্রহ করিয়া-
ছিলেন। কিন্তু এই সংকল্প কার্যে পরিণত হইবার পূর্বেই
গোস্টাইবধ সংঘটিত হইলে সংকল্পটি পরিত্যক্ত হয়।

গোস্টাইবধের জন্য জেলের ভিতর রিভলবার প্রবিষ্ট
করাইবার সময় যখন বসন্তবাবু কানাইলালের সহিত সাক্ষাৎ
করিয়াছিলেন তখন বড়ট দুখের সহিত কানাইলাল বসন্ত
বাবুর নিকট জেলের ভিতর আবদ্ধ বারীন্দ্রকুমার প্রভৃতিদের
উদ্দেশে কিছু কঠোর ভাষা প্রয়োগ করিয়াছিলেন—ইহা হইতে
বুঝিতে পারা যায় যে তিনি বারীন্দ্রকুমার প্রভৃতিদের সহিত
সর্ববিষয়ে একমত ছিলেন না।



শেষ কথা

কানাইলালের সংক্ষিপ্ত জীবন-কথা অবলম্বন করিয়া যে সকল বিষয়ের আলোচনা করা হইল, আমার বিশ্বাস, উহা দেশে বিদেশে আগ্রহসহকারে পঠিত ও উপলব্ধ হউবে। দ্বদ্বের রাষ্ট্রক্ষেত্রে কানাইলাল তাঁহার সহকর্মীদের সহিত যে স্থিসন্তাবনার ভিত্তি স্থাপন করিয়া গিয়াছেন তাহা এখন স্বাধীনতার হাতওয়ায় বৃক্ষি ও সমৃক্ষি আনিবার পথে আগুয়ান। তাঁটি কানাইলালের আগমন, অবস্থান ও বিদ্যায় গ্রহণ বাঙালীর তথা ভারতের ইতিহাসে একটি উজ্জ্বল অধ্যায়রূপে চিরকাল বিরাজ করিতে থাকিবে। কানাইলাল ও তাঁহার সহকর্মীদের দ্বারা আরুক বৈপ্লবিক কার্যসকল ১৮৫৭ সালের সিপাহী যুদ্ধের কার্য্যাবলীর সহিত তুলনা করা ষাইতে পারে এবং শেষোক্ত যুদ্ধের ব্যাপ্তি বিশাল তর হইলেও বিংশ শতাব্দীর প্রথম ভাগে বাঙালীর তথা ভারতবাসীর বিপ্লব-প্রচেষ্টা নিশ্চয়ই অধিকতর অর্থপূর্ণ এবং সাহসিকতা ও বৌরহ ব্যঙ্গক। বাঙালীর অহঙ্কার লইয়া আমি এই উক্তি করিলাম না, কিন্তু ইহা নিষ্ঠক সত্য বলিয়া অকপটে ব্যক্ত করিলাম। প্রত্যেক গুরুত্বপূর্ণ ঐতিহাসিক ঘটনা কীয় নিজস্ব দীপ্তিতে দীপ্তিমান হউক--সকল ঐতিহাসিকের নিকুঠি ইহাই “বাঙালীর হওয়া” উচিত। ভারতবাসীর বৃহদিনের এবং বহুজনের সাধনা ও চিনায় পরিপূর্ণ হিসাবে

বাঙ্গালায় কতকগুলি—কতকগুলি কেন বহু—বীর সন্তানের আবির্ভাব সন্তুষ্পর হইয়াছিল। প্রাকৃতিক ভূকম্পনের মত উহা বাঙ্গালার বিভিন্ন অঞ্চলে আত্মপ্রকাশ করিয়াছিল এবং একাধিক ক্ষেত্রে উহার জয় গান গাহিবার সুযোগও দেশবাসী পাইয়াছিলেন। প্রাকৃতিক বিপ্লব অধিকাংশ ক্ষেত্রে ধ্বংসলীলা করিয়াই সমাপ্ত হয়, কিন্তু মচুযুসমাজের এই বিপ্লব অধিকাংশ ক্ষেত্রে নৃতন স্থষ্টির সন্তান লইয়া দেখা দেয়। আজ দিন আসিয়াছে সর্বপ্রকার প্রাদেশিকতা বর্জন করিয়া প্রকৃত বীরত্ব ও জ্ঞানের পূজা ও সাধনায় সমবেত হইবার। আমরা যে-কোনো আদর্শকেই অনুসরণ করিয়া চলি না কেন, আমাদিগকে সকল বিষয়ে একটী সর্বভারতীয় আদর্শের পদমূলে সর্বপ্রকার প্রাদেশিকতা বলি দিতেই হইবে। যদি সকল ক্ষেত্রে প্রকৃতপক্ষে জীবন সঞ্চারিত করিতে হয়, তাহা হইলে উহা ভিন্ন আর অন্য পক্ষ নাই।

ইংরাজ শাসকগণ শাসন ব্যাপারে যে সকল বড় বড় ভুল করিয়া চলিতেছিলেন সে সকল ভুল যদি তাঁহারা না করিতেন তাহা হইলে এত শীঘ্র হয়ত বৈপ্লবিক অবস্থার স্থষ্টি হইত না। তাঁহারা ধারণা করিতে পারেন নাই বেশ অতি মন্তিক-চালনা-প্রিয় বাঙালী তাহার দেহ এবং সমস্তই দেশের কাজে সম্পূর্ণভাবে উৎসর্গ করিতে প্রস্তুত হইতে পারেন। তাঁই তাঁহার অনেক করিয়াছিলেন, সর্বসম নীতির অধৃত,

পাইলেই নেতারা পলায়নপর হইবেন। কিন্তু তাহা না হইয়া দেশভক্তগণ গাহিলেন—“ওদের বাধন যত শক্ত হবে, মোদের বাধন তত টুটবে।” কিন্তু দৃষ্ট ইংরাজ ভারত ছাড়িয়া চলিয়া যাইবার সময় যে মর্মান্তিক বিদ্যায়-পদাঘাত কবিয়া গিয়াছেন তাহার জ্ঞালা হইতে আমরা কোনো কালে নিষ্কৃতি পাইতে পারিব কি? ইংরাজকে তাহার বিগত শাসনের ভেদনীতির জন্য আমরা গালি পাড়িতাম, কিন্তু আমরা বাস্তব ক্ষেত্রে ইংবাজ-বাবস্থিত সেই ভেদনীতির সমর্থক হইয়া স্বাধীন হইতে সম্মত হইলাম। কাহার পাপে এই বিধান জয়ী হইল কে তাহা নির্ণয় করিবে?

বিশ্ববৌরা যাহা করিয়া গিয়াছেন তাহার জন্য তাঁহারা প্রত্যেক ভারতবাসীর অঙ্কা ভক্তি পাইবার অধিকারী। ফাঁসীদণ্ড-প্রদানকারী বিচারক যখন কানাইলালকে জিজ্ঞাসা করিলেন—“তুমি তোমার দণ্ডের বিরুদ্ধে আপিল করিবে কি?” কানাইলাল তৎক্ষণাত্মে উত্তর করিয়াছিলেন “There shall be no appeal” “আপীল হইবে না”। কানাইলালের মুখ-নিঃশ্঵ত এই সোজা স্পষ্ট উত্তরটি ভারতেব ইতিহাসে স্বর্ণ-করে লিখিত থাকিবার ষেগ্য। কানাইলালের এই উক্তি কোনকালে ভূলিবার নয়। কানাইলালের চিন্ত তখন উৎবেগ তাবমা হীন, জন্ম মৃত্যু তখন কানাইলালের পায়ের ভূজ্য। যরিব আমরা সকলেই, কিন্তু কানাইলালের মত চিন্ত জাইয়া করিবার সৌভাগ্য অস্থায়ের ক্ষয়ক্ষেত্রের হইবে।

বিদেশী শাসনরূপ একটি ভূত আমাদের দেশের ক্ষক্ষ হইতে নামিয়া গিয়াছে, কিন্তু একথা কি সত্য নয় যে স্বদেশী ভূতেরাই আমাদের পরাধীনতা আনিয়াছিল এবং এখন আমরা রাষ্ট্রীয় ব্যাপারে স্বাধীন হইলেও সে স্বাধীনতাকে অনেক স্বদেশী ভূতে আবার নানা দিক হইতে অর্থহীন করিয়া তুলিতে চাহিতেছেন। কবে আমরা শিখিব যে নিজেদের আভ্যাস অধীনতা পরাধীনতা নহে। আমরা নিজেরাই নিজেদের বন্ধু, নিজেরাই নিজেদের শত্রু। ইহাই ভারতীয় সংস্কৃতির দান। এই নির্মল নির্জলা সত্যকে জপমা঳া করিয়া প্রত্যেক দেশকর্মী যেন দেশের সেবা করিয়া যাইতে পারেন। আমাদের অতীতের মত অতীত কোন দেশেরই নাই। বর্তমানে আমাদের কার্য হইতেছে ভবিষ্যতকে অধিকতর গৌরবময় করিয়া তোলা।

বন্দে মাতরম्।
